

நமோ தஸ்ஸ ப<sup>4</sup>க<sup>3</sup>வதோ அரஹதோ ஸம்மாஸம்பு<sup>3</sup>த<sup>4</sup>ஸ்ஸ

## பட்டா<sup>2</sup>னுத்<sup>3</sup>தே<sup>3</sup>ஸ தீ<sup>3</sup>பனிபாட<sup>2</sup>

### 1. ஹேதுபச்சயோ

கதமோ ஹேதுபச்சயோ. லோபோ<sup>4</sup> ஹேதுபச்சயோ. தோ<sup>3</sup>ஸோ, மோஹோ, அலோபோ<sup>4</sup>, அதோ<sup>3</sup>ஸோ, அமோஹோ ஹேது பச்சயோ.

கதமே த<sup>4</sup>ம்மா ஹேதுபச்சயஸ்ஸ பச்சயுப்பன்னா. லோப<sup>4</sup> ஸஹஜாதா சித்தசேதஸிகா த<sup>4</sup>ம்மா ச ரூபகலாபாத<sup>4</sup>ம்மா ச தோ<sup>3</sup>ஸஸஹ ஜாதா மோஹஸஹஜாதா அலோப<sup>4</sup>ஸஹஜாதா அதோ<sup>3</sup>ஸஸஹ ஜாதா அமோஹஸஹஜாதா சித்தசேதஸிகா த<sup>4</sup>ம்மா ச ரூபகலாபா த<sup>4</sup>ம்மா ச ஹேதுபச்சயதோ உப்பன்னா ஹேதுபச்சயுப்பன்னா த<sup>4</sup>ம்மா.

ஸஹஜாதரூபகலாபா நாம ஸஹேதுகபடிஸந்தி<sup>4</sup>க்க<sup>2</sup>ணே கம்மஜரூபானி ச பவத்திகாலே ஸஹேதுகசித்தஜரூபானி ச. தத்த<sup>2</sup> படிஸந்தி<sup>4</sup>க்க<sup>2</sup>ணோ நாம படிஸந்தி<sup>4</sup>சித்தஸ்ஸ உப்பாத<sup>3</sup>க்க<sup>2</sup>ணோ. பவத்திகாலோ நாம படிஸந்தி<sup>4</sup>சித்தஸ்ஸ டி<sup>2</sup>திக்க<sup>2</sup>ணதோ பட்டா<sup>2</sup>ய யாவ சுதிகாலங் வுச்சதி.

கேனட்டே<sup>2</sup>ன ஹேது, கேனட்டே<sup>2</sup>ன பச்சயோதி. மூலட்டே<sup>2</sup>ன ஹேது, உபகாரகட்டே<sup>2</sup>ன பச்சயோதி. தத்த<sup>2</sup> மூலயமகே வுத்தானங் லோபா<sup>4</sup>தீ<sup>3</sup>னங் மூலத<sup>4</sup>ம்மானங் மூலபா<sup>4</sup>வோ மூலட்டோ<sup>2</sup> நாம. ஸோ மூலட்டோ<sup>2</sup> மூலயமகதீ<sup>3</sup>பனியங் அம்ஹேஹி ருக்கோ<sup>2</sup>பமாய தீ<sup>3</sup>பிதோயேவ.

அபி ச ஏகோ புரிஸோ ஏகிஸ்ஸங் இத்தி<sup>2</sup>யங் படிபு<sup>3</sup>த<sup>4</sup> சித்தோ ஹோதி. ஸோ யாவ தங் சித்தங் ந ஜஹதி, தாவ தங் இத்தி<sup>2</sup>ங் ஆரப்<sup>3</sup>ப<sup>4</sup> தஸ்ஸ புரிஸஸ்ஸ லோப<sup>4</sup>ஸஹஜாதானி காயவசீமனோகம்மானி ச லோப<sup>4</sup>ஸமுட்டி<sup>2</sup>தானி சித்தஜரூபானி ச சிரகாலங்பி பவத்தந்தி. ஸப்<sup>3</sup>பா<sup>3</sup>னி ச தானி சித்தசேதஸிகரூபானி தஸ்ஸங் இத்தி<sup>2</sup>யங் ரஜ்ஜனலோப<sup>4</sup>மூலகானி ஹோந்தி. ஸோ லோபோ<sup>4</sup> தேஸங் மூலட்டே<sup>2</sup>ன ஹேது ச, உபகாரகட்டே<sup>2</sup>ன பச்சயோ ச. தஸ்மா ஹேதுபச்சயோ. ஏஸ நயோ ஸேஸானி ரஜ்ஜனீயவத்தூ<sup>2</sup>னி ஆரப்<sup>3</sup>ப<sup>4</sup>ரஜ்ஜனவஸேன உப்பன்னேஸு லோபோ<sup>4</sup>ஸு, து<sup>3</sup>ஸ்ஸனீயவத்தூ<sup>2</sup>னி ஆரப்<sup>3</sup>ப<sup>4</sup> து<sup>3</sup>ஸ்ஸனவஸேன உப்பன்னேஸு தோ<sup>3</sup>ஸேஸு, முய்ஹனீயவத்தூ<sup>2</sup>னி ஆரப்<sup>3</sup>ப<sup>4</sup> முய்ஹனவஸேன உப்பன்னேஸு மோஹேஸு ச.

தத்த<sup>2</sup> யதா<sup>2</sup> ருக்க<sup>2</sup>ஸ்ஸ மூலானி ஸயங் அந்தோபத<sup>2</sup>வியங் ஸுட்டு<sup>2</sup> பதிட்ட<sup>2</sup>ஹித்வா பத<sup>2</sup>விரஸஞ்ச ஆபோரஸஞ்ச க<sup>3</sup>ஹேத்வா தங் ருக்க<sup>2</sup>ங் யாவ

அக்<sup>3</sup>கா<sup>3</sup> அபி<sup>4</sup>ஹரந்தி, தேன ருக்கோ<sup>2</sup> சிரகாலங் வட்<sup>3</sup>ட<sup>4</sup>மானோ திட்ட<sup>2</sup>தி. ததா<sup>2</sup> லோபோ<sup>4</sup> ச தஸ்மிங் தஸ்மிங் வத்து<sup>2</sup>ம்ஹி ரஜ்ஜனவஸேன ஸுட்டு<sup>2</sup> பதிட்ட<sup>2</sup>ஹித்வா தஸ்ஸ தஸ்ஸ வத்து<sup>2</sup>ஸ்ஸ பியரூபரஸஞ்ச ஸாதரூபரஸஞ்ச க<sup>3</sup>ஹெத்வா ஸம்பயுத்தத<sup>4</sup>ம்மே யாவ காயவசீவீதிக்கமா அபி<sup>4</sup>ஹரதி, காய வீதிக்கமங் வா வசீவீதிக்கமங் வா பாபேதி. ததா<sup>2</sup> தோ<sup>3</sup>ஸோ ச து<sup>3</sup>ஸ்ஸன வஸேன அப்பியரூபரஸஞ்ச அஸாதரூபரஸஞ்ச க<sup>3</sup>ஹெத்வா, மோஹோ ச முய்ஹனவஸேன நானாரம்மணேஸு நிரத்த<sup>2</sup>கசித்தாசாரரஸங் வட்<sup>3</sup>டெ<sup>4</sup>த்வாதி வத்தப்<sup>3</sup>பங். ஏவங் அபி<sup>4</sup>ஹரந்தா தயோ த<sup>4</sup>ம்மா ரஜ்ஜனீயாதீ<sup>3</sup>ஸு வத்து<sup>2</sup>ஸு ஸம்பயுத்தத<sup>4</sup>ம்மே மோத<sup>3</sup>மானே பமோத<sup>3</sup>மானே கரொந்தோ விய சிர காலங் பவத்தெந்தி. ஸம்பயுத்தத<sup>4</sup>ம்மா ச ததா<sup>2</sup> பவத்தந்தி. ஸம்பயுத்த த<sup>4</sup>ம்மேஸு ச ததா<sup>2</sup> பவத்தமானேஸு ஸஹஜாதரூபகலாபாபி ததா<sup>2</sup> பவத்தந்தியேவ. தத்த<sup>2</sup> ஸம்பயுத்தத<sup>4</sup>ம்மே அபி<sup>4</sup>ஹரதீதி த்<sup>3</sup>வே பியரூப ஸாதரூபரஸே ஸம்பயுத்தத<sup>4</sup>ம்மானங் ஸந்திகங் பாபேதீதி அத்தோ<sup>2</sup>.

ஸுக்கபக்கே<sup>2</sup> ஸோ புரிஸோ யதா<sup>3</sup>காமேஸு ஆதீ<sup>3</sup>னவங் பஸ்ஸதி, ததா<sup>3</sup> ஸோ தங் சித்தங்ஜஹதி, தங் இத்தி<sup>2</sup>ங் ஆரப்<sup>3</sup>ப<sup>4</sup> அலோபோ<sup>4</sup> ஸஞ்ஜா யதி. புப்<sup>3</sup>பே<sup>3</sup> யஸ்மிங் காலே தங் இத்தி<sup>2</sup>ங் ஆரப்<sup>3</sup>ப<sup>4</sup> லோப<sup>4</sup>மூலகானி அஸுத்தா<sup>4</sup>னி காயவசீமனோகம்மானி வத்தந்தி. இதா<sup>3</sup>னி தஸ்மிங் காலேபி அலோப<sup>4</sup>மூலகானி ஸுத்தா<sup>4</sup>னி காயவசீமனோகம்மானி வத்தந்தி. பப்<sup>3</sup>பஜித ஸீலஸங்வரானி வா ஜா<sup>2</sup>னபரிகம்மானி வா அப்பனாஜா<sup>2</sup>னானி வா வத்தந்தி. ஸோ அலோபோ<sup>4</sup> தேஸங் மூலட்டே<sup>2</sup>ன ஹேது ச ஹோதி, உபகாரகட்டே<sup>2</sup>ன பச்சயோச. தஸ்மா ஹேதுபச்சயோ. ஏஸ நயோ ஸேஸேஸு லோப<sup>4</sup> படிபக்கே<sup>2</sup>ஸு அலோபோ<sup>4</sup>ஸு, தோ<sup>3</sup>ஸபடிபக்கே<sup>2</sup>ஸு அதோ<sup>3</sup>ஸேஸு, மோஹ படிபக்கே<sup>2</sup>ஸு அமோஹேஸு ச.

தத்த<sup>2</sup> ருக்க<sup>2</sup>மூலானி விய அலோபோ<sup>4</sup> லோப<sup>4</sup>னெய்யவத்து<sup>2</sup>ஸு லோப<sup>4</sup>ங் பஹாய லோப<sup>4</sup>விவேகஸுக<sup>2</sup>ரஸங் வட்<sup>3</sup>டெ<sup>4</sup>த்வா தேன ஸுகே<sup>2</sup>ன ஸம்பயுத்தத<sup>4</sup>ம்மே மோத<sup>3</sup>மானே பமோத<sup>3</sup>மானே கரொந்தோ விய யாவ ஜா<sup>2</sup>னஸமாபத்திஸுகா<sup>2</sup> வா யாவ மக்<sup>3</sup>க<sup>3</sup>ப<sup>3</sup>லஸுகா<sup>2</sup> வா வட்<sup>3</sup>டா<sup>4</sup>பேதி. ததா<sup>2</sup> அதோ<sup>3</sup>ஸோ ச தோ<sup>3</sup>ஸனெய்யவத்து<sup>2</sup>ஸு தோ<sup>3</sup>ஸவிவேகஸுக<sup>2</sup>ரஸங் வட்<sup>3</sup>டெ<sup>4</sup>த்வா, அமோஹோ ச மோஹனெய்யவத்து<sup>2</sup>ஸு மோஹவிவேகஸுக<sup>2</sup>ரஸங் வட்<sup>3</sup>டெ<sup>4</sup>த்வாதி வத்தப்<sup>3</sup>பங். ஏவங் வட்<sup>3</sup>டா<sup>4</sup>பெந்தா தயோ த<sup>4</sup>ம்மா குஸலேஸு த<sup>4</sup>ம்மேஸு ஸம்பயுத்தத<sup>4</sup>ம்மே மோத<sup>3</sup>மானே பமோத<sup>3</sup>மானே கரொந்தோ விய சிர காலங் பி பவத்தெந்தி. ஸம்பயுத்தத<sup>4</sup>ம்மா ச ததா<sup>2</sup> பவத்தந்தி. ஸம்பயுத்த த<sup>4</sup>ம்மேஸு ச ததா<sup>2</sup> பவத்தமானேஸு ஸஹஜாதரூபகலாபாபி ததா<sup>2</sup> பவத்தந்தியேவ.

தத்த<sup>2</sup> லோப<sup>4</sup>விவேகஸுக<sup>2</sup>ரஸந்தி விவிச்சனங் விக<sup>3</sup>மனங் விவேகோ. லோப<sup>4</sup>ஸ்ஸ விவேகோ லோப<sup>4</sup>விவேகோ. லோப<sup>4</sup>விவேகே ஸுக<sup>2</sup>ங்

லோபு<sup>4</sup>விவேகஸுக<sup>2</sup>ங். லோபு<sup>4</sup>விவேகங் படிச்ச உப்பன்னஸுக<sup>2</sup>ந்தி வுத்தங்  
ஹோதி. ததே<sup>3</sup>வ ரஸோ லோபு<sup>4</sup>விவேகஸுக<sup>2</sup>ரஸோதி ஸமாஸோ. அயங்  
அபி<sup>4</sup>த<sup>4</sup>ம்மே பட்டா<sup>2</sup>னநயோ.

ஹத்தந்தனயோ பன அவிஜ்ஜாஸங்கா<sup>2</sup>தோ மோஹோ ச  
தண்ஹாஸங்கா<sup>2</sup>தோ லோபோ<sup>4</sup> சாதி த்<sup>3</sup>வே த<sup>4</sup>ம்மா ஸப்<sup>3</sup>பே<sup>3</sup>ஸங்  
வட்டது<sup>3</sup>க்க<sup>2</sup>த<sup>4</sup>ம்மானங் மூலானி ஹோந்தி. தோ<sup>3</sup>ஸோ பன லோபு<sup>4</sup>ஸ்ஸ  
நிஸ்ஸந்த<sup>3</sup>பூ<sup>4</sup>தங் பாபமூலங் ஹோதி. விஜ்ஜாஸங்கா<sup>2</sup>தோ அமோஹோ ச  
நிக்க<sup>2</sup>மதா<sup>4</sup>துஸங்கா<sup>2</sup>தோ அலோபோ<sup>4</sup> சாதி த்<sup>3</sup>வே த<sup>4</sup>ம்மா  
விவட்டத<sup>4</sup>ம்மானங் மூலானி ஹோந்தி. அதோ<sup>3</sup>ஸோ பன அலோபு<sup>4</sup>ஸ்ஸ  
நிஸ்ஸந்த<sup>3</sup>பூ<sup>4</sup>தங் கல்யாணமூலங் ஹோதி. ஏவங் ச<sup>2</sup>ப்<sup>3</sup>பி<sup>3</sup>தா<sup>4</sup>னி மூலானி  
ஸஹஜாதானங்  
பி அஸஹஜாதானங்  
பி நாமரூபத<sup>4</sup>ம்மானங் பச்சயா ஹோந்தீதி.  
அயங் ஸுத்தந்தேஸு நயோ. ஹேதுபச்சயதீ<sup>3</sup>பனா நி<sup>2</sup>டி<sup>2</sup>தா.

## 2. ஆரம்மணபச்சயோ

கதமோ ஆரம்மணபச்சயோ. ஸப்<sup>3</sup>பே<sup>3</sup>பி சித்தசேதஸிகா த<sup>4</sup>ம்மா ஸப்<sup>3</sup>பே<sup>3</sup>பி ரூபத<sup>4</sup>ம்மா ஸப்<sup>3</sup>பங்<sup>3</sup>பி நிப்<sup>3</sup>பா<sup>3</sup>னங் ஸப்<sup>3</sup>பா<sup>3</sup>பி பஞ்ஞத்தியோ ஆரம்மண பச்சயோ. ந ஹி ஸோ நாம ஏகோபி த<sup>4</sup>ம்மோ அத்தி<sup>2</sup>, யோ சித்த சேதஸிகானங் ஆரம்மணங் ந ஹோதி. ஸங்கே<sup>2</sup>பதோ பன ஆரம்மணங் ச<sup>2</sup>ப்<sup>3</sup>பி<sup>3</sup>த<sup>4</sup>ங் ஹோதி ரூபாரம்மணங் ஸத்தா<sup>3</sup>ரம்மணங் க<sup>3</sup>ந்தா<sup>4</sup>ரம்மணங் ரஸாரம்மணங் பொ<sup>2</sup>ட்ட<sup>2</sup>ப்<sup>3</sup>பா<sup>3</sup>ரம்மணங் த<sup>4</sup>ம்மாரம்மணந்தி.

கதமே த<sup>4</sup>ம்மா ஆரம்மணபச்சயஸ்ஸ பச்சயுப்பன்னா. ஸப்<sup>3</sup>பே<sup>3</sup>பி சித்த சேதஸிகாத<sup>4</sup>ம்மா ஆரம்மணபச்சயஸ்ஸ பச்சயுப்பன்னா. ந ஹி கிஞ்சி சித்தங் நாம அத்தி<sup>2</sup>, யங் சித்தங் பூ<sup>4</sup>தேன வா அபூ<sup>4</sup>தேன வா ஆரம்மணேன வினா பவத்தி.

தத்த<sup>2</sup> பச்சுப்பன்னங் ரூபாரம்மணங் து<sup>3</sup>வித<sup>4</sup>ஸ்ஸ சக்கு<sup>2</sup>விஞ்ஞாணசித்தஸ்ஸ ஆரம்மணபச்சயோ. பச்சுப்பன்னங் ஸத்தா<sup>3</sup>ரம்மணங் து<sup>3</sup>வித<sup>4</sup>ஸ்ஸ ஸோதவிஞ்ஞாண சித்தஸ்ஸ. பச்சுப்பன்னங் க<sup>3</sup>ந்தா<sup>4</sup>ரம்மணங் து<sup>3</sup>வித<sup>4</sup>ஸ்ஸ கா<sup>4</sup>னவிஞ்ஞாணசித்தஸ்ஸ. பச்சுப்பன்னங் ரஸாரம்மணங் து<sup>3</sup>வித<sup>4</sup>ஸ்ஸ ஜித்ஹவிஞ்ஞாணசித்தஸ்ஸ. பச்சுப்பன்னங் திவித<sup>4</sup>ங் பொ<sup>2</sup>ட்ட<sup>2</sup>ப்<sup>3</sup>பா<sup>3</sup>ரம்மணங் து<sup>3</sup>வித<sup>4</sup>ஸ்ஸ காயவிஞ்ஞாணசித்தஸ்ஸ. பச்சுப்பன்னானி தானி பஞ்சாரம்மணானி திவித<sup>4</sup>ஸ்ஸ மனோதா<sup>4</sup>துசித்தஸ்ஸ ஆரம்மணபச்சயோ. ஸப்<sup>3</sup>பா<sup>3</sup>னி தானி அதீதானாக<sup>3</sup>தபச்சுப்பன்னானி பஞ்சாரம்மணானி வா ஸப்<sup>3</sup>பா<sup>3</sup>னி தேகாலிகானி காலவிமுத்தானி த<sup>4</sup>ம்மாரம்மணானி வா ச<sup>2</sup> ஸத்ததிவிதா<sup>4</sup>னங் மனோவிஞ்ஞாணசித்தானங் யதா<sup>2</sup>ரஹங் ஆரம்மணபச்சயோ.

கேனட்டே<sup>2</sup>ன ஆரம்மணங், கேனட்டே<sup>2</sup>ன பச்சயோதி. சித்த சேதஸிகேஹி ஆலம்பி<sup>3</sup>தப்<sup>3</sup>பட்டே<sup>2</sup>ன ஆரம்மணங், உபகாரகட்டே<sup>2</sup>ன பச்சயோதி.

ஆலம்பி<sup>3</sup>தப்<sup>3</sup>பட்டே<sup>2</sup>னாதி செத்த<sup>2</sup> ஆலம்பணகிரியா நாம சித்த சேதஸிகானங் ஆரம்மணக்<sup>3</sup>ஹணகிரியா, ஆரம்மணுபாதா<sup>3</sup>ன கிரியா.

யதா<sup>2</sup> ஹி லோகே அயோதா<sup>4</sup>துங் காமேதி இச்ச<sup>2</sup>தீதி அத்தே<sup>2</sup>ன அயோகந்தகோ நாம லோஹதா<sup>4</sup>துவிஸேஸோ அத்தி<sup>2</sup>. ஸோ அயோகந்த<sup>4</sup>ஸமீபங் ஸம்பத்தோ தங் அயோகந்த<sup>4</sup>ங் காமெந்தோ விய இச்சந்தோ விய அயோகந்தா<sup>4</sup>பி<sup>4</sup>முகோ<sup>2</sup> சஞ்சலதி. ஸயங் வா தங் அயோகந்த<sup>4</sup>ங் உபகச்ச<sup>2</sup>தி. அயோகந்த<sup>4</sup>ங் வா அத்தாபி<sup>4</sup>முக<sup>2</sup>ங் ஆகட்<sup>3</sup>ட<sup>4</sup>தி, அயோகந்தோ<sup>4</sup> தத<sup>3</sup>பி<sup>4</sup>முகோ<sup>2</sup> சஞ்சலதி, தங் வா உபகச்ச<sup>2</sup>தி. அயங் அயோகந்தகஸ்ஸ ஆலம்பணகிரியா நாம. ஏவமேவ சித்தசேதஸிகானங்

ஆரம்மணேஸு ஆலம்பண்கிரியா த<sup>3</sup>ட்ட<sup>2</sup>ப<sup>3</sup>பா<sup>3</sup>. ந கேவலங் ஆரம்மணேஸு  
ஆலம்பண மத்தங் ஹோதி. அத<sup>2</sup> கோ<sup>2</sup> சித்தசேதஸிகா த<sup>4</sup>ம்மா  
ஸத்தஸந்தானே உப்பஜ்ஜமானா ச<sup>2</sup>ஸு த<sup>3</sup>வாரேஸு ஆரம்மணானங்  
ஆபாதாக<sup>3</sup>மனே ஏவ க<sup>2</sup>ணே க<sup>2</sup>ணே உப்பஜ்ஜந்தி. உப்பஜ்ஜித்வா ச க<sup>2</sup>ணே க<sup>2</sup>ணே  
நிருஜ்ஜந்தி.

யதா<sup>2</sup> தங் பே<sup>4</sup>ரிதலே பே<sup>4</sup>ரிஸத்த<sup>3</sup>தா<sup>3</sup> உப்பஜ்ஜமானா தத்த<sup>2</sup> தத்த<sup>2</sup>  
ஹத்தே<sup>2</sup>ன பஹரணகாலே ஏவ க<sup>2</sup>ணே க<sup>2</sup>ணே உப்பஜ்ஜந்தி, உப்பஜ்ஜித்வா ச  
க<sup>2</sup>ணே க<sup>2</sup>ணே நிருஜ்ஜந்தி. வீணாஸத்த<sup>3</sup>தா<sup>3</sup> உப்பஜ்ஜமானா வீணாதந்தீஸு தத்த<sup>2</sup>  
தத்த<sup>2</sup> வீணாதந்தகேன பஹரணகாலே ஏவ க<sup>2</sup>ணே க<sup>2</sup>ணே உப்பஜ்ஜந்தி,  
உப்பஜ்ஜித்வா ச க<sup>2</sup>ணே க<sup>2</sup>ணே நிருஜ்ஜந்தீதி. நித்த<sup>3</sup>தா<sup>3</sup>யந்தஸஸ  
ப<sup>4</sup>வங்க<sup>3</sup>சித்தப்பவத்தி காலேபி புப்<sup>3</sup>ப<sup>3</sup>ப<sup>4</sup>வே மரணாஸன்னகாலே ச<sup>2</sup>ஸு  
த<sup>3</sup>வாரேஸு ஆபாத மாக<sup>3</sup>தானி கம்ம கம்மனிமித்த க<sup>3</sup>தினிமித்தானி ஏவ  
ப<sup>4</sup>வங்க<sup>3</sup>சித்தானங் ஆரம்மணபச்சயோதி. ஆரம்மணபச்சயதீ<sup>3</sup>பனா நி<sup>2</sup>டி<sup>2</sup>தா.

### 3. அதி<sup>4</sup>பதிபச்சயோ

து<sup>3</sup>விதோ<sup>4</sup> அதி<sup>4</sup>பதிபச்சயோ ஆரம்மணாதி<sup>4</sup>பதிபச்சயோ ஸஹ ஜாதாதி<sup>4</sup>பதிபச்சயோ ச. தத்த<sup>2</sup> கதமோ ஆரம்மணாதி<sup>4</sup>பதிபச்சயோ. ஆரம்மணபச்சயே வுத்தேஸு ஆரம்மணேஸு யானி ஆரம்மணானி அதிஇட்டா<sup>2</sup>னி ஹொந்தி அதிகந்தானி அதிமனாபானி க<sup>3</sup>ருகதானி. தானி ஆரம்மணானி ஆரம்மணாதி<sup>4</sup>பதிபச்சயோ. தத்த<sup>2</sup> அதிஇட்டா<sup>2</sup>னிதி ஸபா<sup>4</sup>வதோ இட்டா<sup>2</sup>னி வா ஹொந்து அனிட்டா<sup>2</sup>னி வா, தேன தேன புக்<sup>3</sup>க<sup>3</sup>லேன அதிஇச்சி<sup>2</sup>தானி ஆரம்மணானி இத<sup>4</sup> அதிஇட்டா<sup>2</sup>னி நாம.

தானி பன த<sup>4</sup>ம்மதோ த்<sup>3</sup>வே தோ<sup>3</sup>ஸமூலசித்துப்பாதே<sup>3</sup> ச த்<sup>3</sup>வே மோமூஹ சித்துப்பாதே<sup>3</sup> ச து<sup>3</sup>க்க<sup>2</sup>ஸஹக<sup>3</sup>தகாயவிஞ்ஞாணசித்துப்பாதே<sup>3</sup> ச ட<sup>2</sup>பெத்வா அவஸேஸானி ஸப்<sup>3</sup>பா<sup>3</sup>னி காமாவசரசித்தசேதஸிகானி ச ரூபாரூப லோகுத்தரசித்தசேதஸிகானி ச ஸப்<sup>3</sup>பா<sup>3</sup>னி அதிஇட்ட<sup>2</sup>ரூபானி ச ஹொந்தி.

தேஸுபி காமாரம்மணானி க<sup>3</sup>ருங் கரொந்தஸ்ஸேவ ஆரம்மணாதி<sup>4</sup>பதிபச்சயோ. க<sup>3</sup>ருங் அகரொந்தஸ்ஸ ஆரம்மணாதி<sup>4</sup>பதிபச்சயோ ந ஹொதி. ஜா<sup>2</sup>னலாபி<sup>4</sup>னோ பன அத்தனா படிஸத்<sup>3</sup>தா<sup>4</sup>னி மஹக்<sup>3</sup>தஜா<sup>2</sup>னானி அரியஸாவகா ச அத்தனா படிஸத்<sup>3</sup>தே<sup>4</sup> லோகுத்தரத<sup>4</sup>ம்மே க<sup>3</sup>ருங் அகரொந்தா நாம நத்தி<sup>2</sup>.

கதமே த<sup>4</sup>ம்மா தஸ்ஸ பச்சயஸ்ஸ பச்சயுப்பன்னா. அட்ட<sup>2</sup> லோப<sup>4</sup> மூலசித்தானி அட்ட<sup>2</sup> காமாவசரகுஸலசித்தானி சத்தாரி காமாவசர ஞாணஸம்பயுத்தகிரியசித்தானி அட்ட<sup>2</sup> லோகுத்தரசித்தானி தஸ்ஸ பச்சயஸ்ஸ பச்சயுப்பன்னா.

தத்த<sup>2</sup> லோகியானி ச<sup>2</sup>ளாரம்மணானி லோப<sup>4</sup>மூலசித்தானங் பச்சயோ. ஸத்தரஸ லோகியகுஸலானி சதுன்னங் ஞாணவிப்பயுத்த குஸலானங். தானி குஸலானிசேவ ஹெட்டி<sup>2</sup>மமக்<sup>3</sup>ப<sup>2</sup>லானி ச நிப்<sup>3</sup>பா<sup>3</sup>னஞ்ச சதுன்னங் ஞாணஸம்பயுத்தகுஸலானங். அரஹத்தமக்<sup>3</sup>ப<sup>2</sup>லானி ச நிப்<sup>3</sup>பா<sup>3</sup>னஞ்ச சதுன்னங் ஞாணஸம்பயுத்தகிரியானங். நிப்<sup>3</sup>பா<sup>3</sup>னங் அட்ட<sup>2</sup>ன்னங் லோகுத்தரசித்தானந்தி.

கேனட்டே<sup>2</sup>ன ஆரம்மணங், கேனட்டே<sup>2</sup>ன அதி<sup>4</sup>பதி. ஆலம்பி<sup>3</sup> தப்<sup>3</sup>புட்டே<sup>2</sup>ன ஆரம்மணங், ஆதி<sup>4</sup>பச்சட்டே<sup>2</sup>ன அதி<sup>4</sup>பதி. கோ ஆதி<sup>4</sup>பச்சட்டோ<sup>2</sup>. அத்தானங் க<sup>3</sup>ருங் கத்வா பவத்தேஸு சித்தசேதஸிகேஸு இஸ்ஸரபா<sup>4</sup>வோ ஆதி<sup>4</sup>பச்சட்டோ<sup>2</sup>. லோகே ஸாமிகா விய ஆரம்மணாதி<sup>4</sup>பதிபச்சய த<sup>4</sup>ம்மா துட்ட<sup>2</sup>ப்<sup>3</sup>பா<sup>3</sup>, தா<sup>3</sup>ஸா விய பச்சயுப்பன்னத<sup>4</sup>ம்மா துட்ட<sup>2</sup>ப்<sup>3</sup>பா<sup>3</sup>.

ஸுதஸோமஜாதகே ராஜா போரிஸாதோ<sup>3</sup> மனுஸ்ஸமங்ஸங் க<sup>3</sup>ருங் கரொந்தோ மனுஸ்ஸமங்ஸஹேது ரஜ்ஜங் பஹாய அரஞ்ஞே விசரதி. தத்த<sup>2</sup> மனுஸ்ஸமங்ஸே க<sup>3</sup>ந்த<sup>4</sup>ரஸ த<sup>4</sup>ம்மா ஆரம்மணாதி<sup>4</sup>பதிபச்சயோ. ரஞ்ஞோ போரிஸாத<sup>3</sup>ஸ்ஸ லோப<sup>4</sup>மூலசித்தங் பச்சயுப்பன்னத<sup>4</sup>ம்மோ. ராஜா ஸுத ஸோமோ ஸச்சத<sup>4</sup>ம்மங் க<sup>3</sup>ருங் கத்வா ஸச்சத<sup>4</sup>ம்மஹேது ரஜ்ஜஸம்பத்திஞ்ச ஞாதி ஸங்க<sup>4</sup>ஞ்ச அத்தனோ ஜீவிதஞ்ச ச<sup>2</sup>ட்டெத்வா புன ரஞ்ஞோ போரிஸாத<sup>3</sup>ஸ்ஸ ஹத்த<sup>2</sup>ங் உபக<sup>3</sup>தோ. தத்த<sup>2</sup> ஸச்சத<sup>4</sup>ம்மோ ஆரம்மணாதி<sup>4</sup>பதிபச்சயோ. ரஞ்ஞோ ஸுதஸோமஸ்ஸ குஸலசித்தங் பச்சயுப்பன்னத<sup>4</sup>ம்மோ. ஏஸனயோ ஸப்<sup>3</sup>பே<sup>3</sup>ஸு க<sup>3</sup>ருகதேஸு ஆரம்மணேஸு.

கதமோ ஸஹஜாதாதி<sup>4</sup>பதிபச்சயோ. அதி<sup>4</sup>பதிபா<sup>4</sup>வங் பத்தா சத்தாரோ த<sup>4</sup>ம்மா அதி<sup>4</sup>பதிபச்சயோ, ச<sup>2</sup>ந்தோ<sup>3</sup> சித்தங் வீரியங் விமங்ஸா.

கதமே த<sup>4</sup>ம்மா தஸ்ஸ பச்சயஸ்ஸ பச்சயுப்பன்னா. அதி<sup>4</sup>பதி ஸம்பயுத்தா சித்தசேதஸிகா ச அதி<sup>4</sup>பதிஸமுட்டி<sup>2</sup>தா சித்தஜ்ஞுபத<sup>4</sup>ம்மா ச தஸ்ஸ பச்சயஸ்ஸ பச்சயுப்பன்னா.

கேனட்டே<sup>2</sup>ன ஸஹஜாதோ, கேனட்டே<sup>2</sup>ன அதி<sup>4</sup>பதி.

ஸஹுப்பாத<sup>3</sup>னட்டே<sup>2</sup>ன ஸஹஜாதோ, ஸஹஜாதானங் த<sup>4</sup>ம்மானங் அபி<sup>4</sup>ப<sup>4</sup>வனட்டே<sup>2</sup>ன அதி<sup>4</sup>பதி. தத்த<sup>2</sup> ஸஹுப்பாத<sup>3</sup>னட்டே<sup>2</sup>னாதி யோ த<sup>4</sup>ம்மோ ஸயங் உப்பஜ்ஜமானோ அத்தனா ஸஹஜாதத<sup>4</sup>ம்மே ச அத்தனா ஸஹேவ உப்பாதே<sup>3</sup>தி, தஸ்ஸ அத்தனா ஸஹஜாதத<sup>4</sup>ம்மானங் ஸஹுப்பாத<sup>3</sup>னட்டே<sup>2</sup>ன.

அபி<sup>4</sup>ப<sup>4</sup>வனட்டே<sup>2</sup>னாதி அஜ்ஜொ<sup>2</sup>த்த<sup>2</sup>ரணட்டே<sup>2</sup>ன. யதா<sup>2</sup> ராஜா சக்கவத்தி அத்தனோ புஞ்ஞித்<sup>3</sup>தி<sup>4</sup>யா ஸகலதீ<sup>3</sup>பவாஸினோ அபி<sup>4</sup>ப<sup>4</sup>வந்தோ அஜ்ஜொ<sup>2</sup>த்த<sup>2</sup>ரந்தோ அத்தனோ வஸே வத்தாபேதி, ஸகலதீ<sup>3</sup>பவாஸினோ ச தஸ்ஸ வஸே வத்தந்தி. ததா<sup>2</sup> அதி<sup>4</sup>பதிட்டா<sup>2</sup>னபத்தா இமே சத்தாரோ த<sup>4</sup>ம்மா அத்தனோ அத்தனோ விஸயே ஸஹஜாதத<sup>4</sup>ம்மே அபி<sup>4</sup>ப<sup>4</sup>வந்தா அஜ்ஜொ<sup>2</sup>த்த<sup>2</sup>ரந்தா அத்தனோ வஸே வத்தாபெந்தி, ஸஹஜாதத<sup>4</sup>ம்மா ச தேஸங் வஸே வத்தந்தி. யதா<sup>2</sup> வா ஸிலாத<sup>2</sup>ம்பே<sup>4</sup> பத<sup>2</sup>விதா<sup>4</sup>து உத<sup>3</sup>கக்க<sup>2</sup>ந்தே<sup>4</sup> ஆபோதா<sup>4</sup>து அக்<sup>3</sup>கி<sup>3</sup>க்க<sup>2</sup>ந்தே<sup>4</sup> தேஜோதா<sup>4</sup>து வாதக்க<sup>2</sup>ந்தே<sup>4</sup> வாயோதா<sup>4</sup>து அத்தனா ஸஹஜாதா திஸ்ஸோ தா<sup>4</sup>துயோ அபி<sup>4</sup>ப<sup>4</sup>வந்தா அஜ்ஜொ<sup>2</sup>த்த<sup>2</sup>ரந்தா அத்தனோ க<sup>3</sup>திங் க<sup>3</sup>மாபெந்தி, ஸஹஜாததா<sup>4</sup>துயோ ச தாஸங் க<sup>3</sup>திங் க<sup>3</sup>ச்ச<sup>2</sup>ந்தி, ஏவமேவ அதி<sup>4</sup>பதிட்டா<sup>2</sup>னபத்தா இமே சத்தாரோ த<sup>4</sup>ம்மா அத்தனோ ப<sup>3</sup>லேன ஸஹஜாதத<sup>4</sup>ம்மே அத்தனோ க<sup>3</sup>திங் க<sup>3</sup>மாபெந்தி, ஸஹஜாதத<sup>4</sup>ம்மா ச தேஸங் க<sup>3</sup>திங் க<sup>3</sup>ச்ச<sup>2</sup>ந்தி, ஏவங் ஸஹஜாதத<sup>4</sup>ம்மானங் அபி<sup>4</sup>ப<sup>4</sup>வனட்டே<sup>2</sup>ன.

எத்த<sup>2</sup> வதெ<sup>3</sup>ய்யுங், யதி<sup>3</sup> ஸஹஜாதத<sup>4</sup>ம்மானங் அபி<sup>4</sup>ப<sup>4</sup>வனட்டே<sup>2</sup>ன அதி<sup>4</sup>பதினாம ஸியா. ஏவங் ஸதி திட்ட<sup>2</sup>து ச<sup>2</sup>ந்தோ<sup>3</sup>, லோபோ<sup>4</sup> ஏவ அதி<sup>4</sup>பதினாம ஸியா, ஸோ ஹி ச<sup>2</sup>ந்த<sup>3</sup>தோபி ப<sup>3</sup>லவதரோ ஹுத்வா ஸஹ ஜாதத<sup>4</sup>ம்மே அபி<sup>4</sup>ப<sup>4</sup>வந்தோ பவத்தீதி. வுச்சதே, பா<sup>3</sup>லபுது<sup>2</sup>ஜ்ஜனேஸு ஏவ லோபோ<sup>4</sup> ச<sup>2</sup>ந்த<sup>3</sup>தோ ப<sup>3</sup>லவதரோ ஹோதி, பண்டி<sup>3</sup>தேஸு பன ச<sup>2</sup>ந்தோ<sup>3</sup> ஏவ லோப<sup>4</sup>தோ ப<sup>3</sup>லவதரோ ஹுத்வா ஸஹஜாதத<sup>4</sup>ம்மே அபி<sup>4</sup> ப<sup>4</sup>வந்தோ பவத்தி. ஸசே ஹி லோபோ<sup>4</sup> ஏவ ச<sup>2</sup>ந்த<sup>3</sup>தோ ப<sup>3</sup>லவதரோ ஸியா, கத<sup>2</sup>ங் இமே ஸத்தா லோப<sup>4</sup>ஸ்ஸ ஹத்த<sup>2</sup>க<sup>3</sup>தா ப<sup>4</sup>வஸம்பத்தி போ<sup>4</sup>க<sup>3</sup>ஸம்மத்தியோ ச<sup>2</sup>ட்டெத்வா நெக்க<sup>2</sup>ம்மத<sup>4</sup>ம்மே பூரெத்வா வட்டது<sup>3</sup>க்க<sup>2</sup>தோ நிஸ்ஸரெய்யுங். யஸ்மா பன ச<sup>2</sup>ந்தோ<sup>3</sup> ஏவ லோப<sup>4</sup>தோ ப<sup>3</sup>லவதரோ ஹோதி, தஸ்மா இமே ஸத்தா லோப<sup>4</sup>ஸ்ஸ ஹத்த<sup>2</sup>க<sup>3</sup>தா ப<sup>4</sup>வஸம்பத்தி போ<sup>4</sup>க<sup>3</sup>ஸம்மத்தியோ ச<sup>2</sup>ட்டெத்வா நெக்க<sup>2</sup>ம்மத<sup>4</sup>ம்மே பூரெத்வா வட்டது<sup>3</sup>க்க<sup>2</sup>தோ நிஸ்ஸரந்தி. தஸ்மா ச<sup>2</sup>ந்தோ<sup>3</sup> ஏவ லோப<sup>4</sup>தோ ப<sup>3</sup>லவதரோ ஹோதி, ச<sup>2</sup>ந்தோ<sup>3</sup> ஏவ அதி<sup>4</sup>பதி, ந லோபோ<sup>4</sup>தி. ஏஸ நயோ தோ<sup>3</sup>ஸாதீ<sup>3</sup>ஸுபீதி.

தத்த<sup>2</sup> லோகே மஹந்தேஸு ஸுது<sup>3</sup>க்கரேஸு புரிஸகம்மேஸு பச்சபட்டி<sup>2</sup>தேஸு இமே சத்தாரோ த<sup>4</sup>ம்மா கம்மஸித்தி<sup>3</sup>தி<sup>4</sup>யா ஸங்வத்தந்தி. கத<sup>2</sup>ங்.

ஹீனச்ச<sup>2</sup>ந்தா<sup>3</sup> ப<sup>3</sup>ஹுஜ்ஜனா மஹந்தானி ஸுது<sup>3</sup>க்கரானி புரிஸகம்மானி தி<sup>3</sup>ஸ்வா நிவத்தச்ச<sup>2</sup>ந்தா<sup>3</sup> ஹொந்தி. காதுங் ந இச்ச<sup>2</sup>ந்தி, அம்ஹாகங் அவிஸயோதி நிரபெக்கா<sup>2</sup> ட<sup>2</sup>பெந்தி. ச<sup>2</sup>ந்தா<sup>3</sup>தி<sup>4</sup>கோ பன தாதி<sup>3</sup>ஸானி புரிஸகம்மானி தி<sup>3</sup>ஸ்வா உக்<sup>3</sup>தச்ச<sup>2</sup>ந்தோ<sup>3</sup> ஹொதி, அதிவிய காதுங் இச்ச<sup>2</sup>தி, மம விஸயோ ஏஸோதி அதி<sup>4</sup>ட்டா<sup>2</sup>னங் கச்ச<sup>2</sup>தி. ஸோ ச<sup>2</sup>ந்தே<sup>3</sup>ன அபி<sup>4</sup>கட்<sup>3</sup>டி<sup>4</sup>தோ யாவ தங் கம்மங் ந ஸிஜ்ஜ<sup>2</sup>தி, தாவ அந்தரா தங் கம்மங் ச<sup>2</sup>ட்டேதுங் ந ஸக்கோதி. ஏவஞ்ச ஸதி அதிமஹந்தங்பி தங் கம்மங் ஏகஸ்மிங் காலே ஸித்த<sup>3</sup>த<sup>4</sup>ங் ப<sup>4</sup>விஸ்ஸதி.

ஹீனவீரியா ச ப<sup>3</sup>ஹுஜ்ஜனா தாதி<sup>3</sup>ஸானி கம்மானி தி<sup>3</sup>ஸ்வா நிவத்த வீரியா ஹொந்தி, இத<sup>3</sup>ங் மே கம்மங் கரொந்தஸ்ஸ ப<sup>3</sup>ஹுங் காயது<sup>3</sup>க்க<sup>2</sup>ங் வா சேதோது<sup>3</sup>க்க<sup>2</sup>ங் வா ப<sup>4</sup>விஸ்ஸதீதி நிவத்தந்தி. வீரியாதி<sup>4</sup>கோ பன தாதி<sup>3</sup>ஸானி புரிஸகம்மானி தி<sup>3</sup>ஸ்வா உக்<sup>3</sup>தவீரியோ ஹொதி, இதா<sup>3</sup>னேவ உட்ட<sup>2</sup>ஹித்வா காதுங் இச்ச<sup>2</sup>தி. ஸோ சிரகாலங்பி தங் கம்மங் கரொந்தோ ப<sup>3</sup>ஹுங் காயது<sup>3</sup>க்க<sup>2</sup>ங் வா சேதோது<sup>3</sup>க்க<sup>2</sup>ங் வா அனுப<sup>4</sup>வந்தோபி தஸ்மிங் வீரிய கம்மே நனிப்<sup>3</sup>பி<sup>3</sup>ந்த<sup>3</sup>தி, மஹந்தேன கம்மவீரியேன வினா ப<sup>4</sup>விதுங் ந ஸக்கோதி, தாதி<sup>3</sup>ஸேன வீரியேன ரத்திதி<sup>3</sup>வங் கே<sup>2</sup>பெந்தோ சித்தஸுக<sup>2</sup>ங் விந்த<sup>3</sup>தி. ஏவஞ்ச ஸதி அதிமஹந்தங்பி தங் கம்மங் ஏகஸ்மிங் காலே ஸித்த<sup>3</sup>த<sup>4</sup>ங் ப<sup>4</sup>விஸ்ஸதி.



ஹீனசித்தா ச ப்ஹுஜ்ஜனா தாதிஸானி கம்மானி திஸ்வா நிவத்தசித்தா  
ஹொந்தி. புன ஆரம்மணங்பி ந கரொந்தி. சித்தாதி<sup>4</sup>கோ பன தாதிஸானி  
கம்மானி திஸ்வா உக்<sup>3</sup>தசித்தோ ஹொதி, சித்தங் வினோதே<sup>3</sup>துங்பி ந  
ஸக்கோதி, நிச்சகாலங் தத்த<sup>2</sup> நிபந்த<sup>4</sup>சித்தோ ஹொதி. ஸோ சித்தவஸிகோ  
ஹுத்வா சிரகாலங்பி தங் கம்மங் கரொந்தோ ப்ஹுங்  
காயது<sup>3</sup>க்கங்வாபீதிஆதி<sup>3</sup>னா ச<sup>2</sup>ந்தா<sup>3</sup>தி<sup>4</sup>பதினயேன வத்தப்<sup>3</sup>ங்.

மந்த<sup>3</sup>பஞ்ஞா ச ப்ஹுஜ்ஜனா தாதிஸானி கம்மானி திஸ்வா நிவத்தபஞ்ஞா  
ஹொந்தி, கம்மானங் ஆதி<sup>3</sup>ம்பி ந பஸ்ஸந்தி, அந்தபி ந பஸ்ஸந்தி,  
அந்த<sup>4</sup>காரே பவிஸந்தா விய ஹொந்தி, தானி கம்மானி காதுங் சித்தங்பி ந  
நமதி. பஞ்ஞாதி<sup>4</sup>கோ பன தாதிஸானி கம்மானி திஸ்வா உக்<sup>3</sup>தபஞ்ஞோ  
ஹொதி, கம்மானங் ஆதி<sup>3</sup>ங்பி பஸ்ஸதி, அந்தங்பி பஸ்ஸதி, ப<sup>2</sup>லங்பி பஸ்ஸதி,  
ஆனிஸங்ஸங்பி பஸ்ஸதி. ஸுகே<sup>2</sup>ன கம்மஸித்தி<sup>4</sup>யா நானாஉபாயங்பி  
பஸ்ஸதி. ஸோ சிரகாலங்பி தங் கம்மங் கரொந்தோதிஆதி<sup>3</sup>னா  
வீரியாதி<sup>4</sup>பதினயேன வத்தப்<sup>3</sup>ங். இத<sup>4</sup> பன மஹதியா கம்மவீமங்ஸாயாதி ச  
தாதிஸியா கம்ம வீமங்ஸாயாதி ச வத்தப்<sup>3</sup>ங்.

ஏவங் லோகே மஹந்தேஸு ஸுது<sup>3</sup>க்கரேஸு புரிஸகம்மேஸு  
பச்சபட்டி<sup>2</sup>தேஸு இமே சத்தாரோ த<sup>4</sup>ம்மா கம்மஸித்தி<sup>4</sup>யா ஸங்வத்தந்தி.  
இமேஸஞ்ச சதுன்னங் அதி<sup>4</sup>பதீனங் விஜ்ஜமானத்தா லோகே புரிஸவிஸேஸா  
நாம திஸ்ஸந்தி, ஸப்<sup>3</sup>பஞ்ஞுபுத்தா<sup>4</sup> நாம திஸ்ஸந்தி,  
ஸப்<sup>3</sup>பஞ்ஞுபோ<sup>3</sup>தி<sup>4</sup>ஸத்தா நாம திஸ்ஸந்தி, பச்சேகபுத்தா<sup>4</sup> நாம  
திஸ்ஸந்தி, பச்சேகபோ<sup>3</sup>தி<sup>4</sup>ஸத்தானாம திஸ்ஸந்தி, அக்<sup>3</sup>ஸாவகானாம  
மஹாஸாவகா நாம ஸாவகபோ<sup>3</sup>தி<sup>4</sup>ஸத்தா நாம திஸ்ஸந்தி. லோகேபி  
ஏவருபானங் புரிஸவிஸேஸானங் வஸேன ஸத்த லோகஸ்ஸ அத்தா<sup>2</sup>ய  
ஹிதாய ஸுகா<sup>2</sup>ய பஞ்ஞாஸிப்பவிஸேஸா ச பரிபோ<sup>4</sup>க<sup>3</sup>வத்து<sup>2</sup>விஸேஸா ச  
திஸ்ஸந்தீதி. அதி<sup>4</sup>பதிபச்சயதீ<sup>3</sup>பனா நிட்டி<sup>2</sup>தா.

## 4. அனந்தரபச்சயோ

கதமோ அனந்தரபச்சயோ. அனந்தரே க<sup>2</sup>ணே நிருத்<sup>3</sup>தோ<sup>4</sup> சித்த  
சேதஸிகத்<sup>4</sup>ம்மஸமூஹோ அனந்தரபச்சயோ.

கதமோ த<sup>4</sup>ம்மோ அனந்தரபச்சயஸ்ஸ பச்சயுப்பன்னோ. பச்சி<sup>2</sup>மே அனந்தரே  
ஏவ க<sup>2</sup>ணே உப்பன்னோ சித்தசேதஸிகத்<sup>4</sup>ம்மஸமூஹோ தஸ்ஸ பச்சயஸ்ஸ  
பச்சயுப்பன்னோ.

ஏகஸ்மிங் ப<sup>4</sup>வே படிஸந்தி<sup>4</sup>சித்தங் பட<sup>2</sup>மப<sup>4</sup>வங்க<sup>3</sup>சித்தஸ்ஸ அனந்தர  
பச்சயோ, பட<sup>2</sup>ம ப<sup>4</sup>வங்க<sup>3</sup>சித்தங் து<sup>3</sup>தியப<sup>4</sup>வங்க<sup>3</sup>சித்தஸ்ஸ  
அனந்தரபச்சயோதிஆதி<sup>3</sup>னா வத்தப்<sup>3</sup>போ<sup>3</sup>.

யதா<sup>3</sup> பன த<sup>4</sup>ம்மயமகே ஸுத்<sup>3</sup>தா<sup>4</sup>வாஸானங் து<sup>3</sup>தியே அகுஸலே சித்தே  
வத்தமானேதி வத்தனயேன தஸ்ஸ ஸத்தஸ்ஸ அத்தனோ அபி<sup>4</sup>னவங்  
அத்தபா<sup>4</sup>வங் ஆரப்<sup>3</sup>ப<sup>4</sup> ஏதங் மம ஏஸோஹமஸ்மி ஏஸோ மே அத்தாதி  
பவத்தங் ப<sup>4</sup>வனிகந்திக தண்ஹாஸஹக<sup>3</sup>தசித்தங் உப்பஜ்ஜதி. ததா<sup>3</sup> பட<sup>2</sup>மங்  
த்<sup>3</sup>விக்க<sup>2</sup>த்துங் ப<sup>4</sup>வங்க<sup>3</sup>ங் சலதி. ததோ மனொத்<sup>3</sup>வாராவஜ்ஜனசித்தங்  
உப்பஜ்ஜதி. ததோ ஸத்த ப<sup>4</sup>வனிகந்திகஜவனானி உப்பஜ்ஜந்தி. ததோ பரங்  
ப<sup>4</sup>வங்க<sup>3</sup>வாரோ.

அபி ச ஸோ ஸத்தோ ததா<sup>3</sup> பச்சுப்பன்னப<sup>4</sup>வே கிஞ்சி ந ஜானாதி,  
புப்<sup>3</sup>ப<sup>3</sup>ப<sup>4</sup>வே அத்தனா அனுபு<sup>4</sup>தங் ஆரம்மணங் அனுஸ்ஸரமானோ அச்ச<sup>2</sup>தி.  
வத்து<sup>2</sup>ஸ்ஸ பன அதிது<sup>3</sup>ப்<sup>3</sup>லத்தா தஞ்ச ஆரம்மணங் அபரிப்<sup>3</sup>யத்தமேவ  
ஹோதி. தங் ஆரப்<sup>3</sup>ப<sup>4</sup> உத்<sup>3</sup>த<sup>4</sup>ச்சஸஹக<sup>3</sup>தசித்தமேவ ப<sup>3</sup>ஹுலங் பவத்ததி.

யதா<sup>3</sup> க<sup>3</sup>ப்<sup>3</sup>போ<sup>4</sup> தோ<sup>2</sup>கங் வட்<sup>3</sup>ட<sup>4</sup>மானோ ஹோதி அதிரேகத்<sup>3</sup>வேமாஸங்  
க<sup>3</sup>தோ, ததா<sup>3</sup> சக்கா<sup>2</sup>தீ<sup>3</sup>னி இந்த்<sup>3</sup>ரியானி பரிபுண்ணானி ஹொந்தி. ஏவங் ஸந்தேபி  
மாதுக<sup>3</sup>ப்<sup>3</sup>போ<sup>4</sup> ஆலோகாதீ<sup>3</sup>னங் பச்சயானங் அபா<sup>4</sup>வதோ சக்கு<sup>2</sup>விஞ்ஞாணாதீ<sup>3</sup>னி  
சத்தாரி விஞ்ஞாணானி நுப்பஜ்ஜந்தி, காயவிஞ்ஞாணமனோவிஞ்ஞாணானி ஏவ  
உப்பஜ்ஜந்தி. ஸோ ஸத்தோ மாதுயா இரியாபத<sup>2</sup>பரிவத்தனாதீ<sup>3</sup>ஸு ப<sup>3</sup>ஹுனி  
து<sup>3</sup>க்க<sup>2</sup>தோ<sup>3</sup>மனஸ்ஸானி பச்சனுபோ<sup>4</sup>தி. விஜாயனகாலே பன பு<sup>4</sup>ஸங் து<sup>3</sup>க்க<sup>2</sup>ங்  
நிக<sup>3</sup>ச்ச<sup>2</sup>தியேவ. விஜாயித்வாபி யாவ வத்து<sup>2</sup>ருபானி முது<sup>3</sup>னி ஹொந்தி,  
பரிபாகங் ந க<sup>3</sup>ச்ச<sup>2</sup>ந்தி, தாவ ஸோ அதிமந்த<sup>3</sup>ருபோ உத்தானஸெய்யகோ  
ஹுத்வா அச்ச<sup>2</sup>தி. ந கிஞ்சி பச்சுப்பன்னங் ஆரம்மணங் ஸல்லக்கே<sup>2</sup>தி.  
யேபு<sup>4</sup>ய்யேன புரிம ப<sup>4</sup>வானுஸாரீ ஏவ தஸ்ஸ விஞ்ஞாணங் ஹொதி. ஸசே  
ஸோ நிரய ப<sup>4</sup>வதோ ஆக<sup>3</sup>தோ ஹொதி, ஸோ விருபமுக<sup>2</sup>ப<sup>3</sup>ஹுலோ ஹொதி.  
புரிமானி நிரயாரம்மணானி ஆரப்<sup>3</sup>ப<sup>4</sup> க<sup>2</sup>ணே க<sup>2</sup>ணே விருபமுக<sup>2</sup>மஸ்ஸ  
பஞ்ஞாயதி. அத<sup>2</sup> தே<sup>3</sup>வலோகதோ ஆக<sup>3</sup>தோ ஹொதி, தி<sup>3</sup>ப்<sup>3</sup>பா<sup>3</sup>னி ஆரம்மணானி

ஆரப்<sup>3</sup>ப<sup>4</sup> விப்பஸன்னமுக<sup>2</sup>ப<sup>3</sup>ஹுலோ ஹோதி, க<sup>2</sup>ணே க<sup>2</sup>ணே  
மிஹிதமுக<sup>2</sup>மஸ்ஸ பஞ்ஞாயதி.

யதா<sup>3</sup> பன வத்து<sup>2</sup>ருபானி திக்கா<sup>2</sup>னி ஹொந்தி, பரிபாகங் க<sup>3</sup>ச்ச<sup>2</sup>ந்தி.  
விஞ்ஞாணானி சஸ்ஸ ஸுவிஸதா<sup>3</sup>னி பவத்தந்தி. ததா<sup>3</sup> அமந்த<sup>3</sup>ருபோ  
ஹுத்வா கீளந்தோ லீளந்தோ மோத<sup>3</sup>ந்தோ பமோத<sup>3</sup>ந்தோ அச்ச<sup>2</sup>தி. பச்சப்பன்னே  
ஆரம்மணானி ஸல்லக்கே<sup>2</sup>தி. மாதுபா<sup>4</sup>ஸங் ஸல்லக்கே<sup>2</sup>தி. இத<sup>4</sup>  
லோகானுஸாரீ விஞ்ஞாணமஸ்ஸ ப<sup>3</sup>ஹுலங் பவத்ததி. புரிமஜாதிங்  
பமுஸ்ஸதி.

கிங் பன ஸப்<sup>3</sup>போ<sup>3</sup>பி ஸத்தோ இமஸ்மிங் டா<sup>2</sup>னே ஏவ புரிமங் ஜாதிங்  
பமுஸ்ஸதீதி சே. ந ஸப்<sup>3</sup>போ<sup>3</sup>பி ஸத்தோ இமஸ்மிங் டா<sup>2</sup>னே ஏவ பமுஸ்ஸதி.  
கோசி அதிரேகதரங் க<sup>3</sup>ம்ப<sup>4</sup>வாஸது<sup>3</sup>க்கே<sup>2</sup>ன பரிபீளிதோ க<sup>3</sup>ப்<sup>3</sup>போ<sup>4</sup> ஏவ  
பமுஸ்ஸதி. கோசி விஜாயனகாலே, கோசி இமஸ்மிங் டா<sup>2</sup>னே பமுஸ்ஸதி.  
கோசி இதோபரம்பி த<sup>3</sup>ஹரகாலே ந பமுஸ்ஸதி. வுட்<sup>3</sup>ட<sup>4</sup>காலே ஏவ  
பமுஸ்ஸதி. கோசி யாவஜீவங்பி ந பமுஸ்ஸதி. த்<sup>3</sup>வே தயோ ப<sup>4</sup>வே  
அனுஸ்ஸரந்தோபி அத்தி<sup>2</sup>யேவ. இமே ஜாதிஸ்ஸரஸத்தா நாம ஹொந்தி.

தத்த<sup>2</sup> விஜாயனகாலதோ பட்டா<sup>2</sup>ய ச<sup>2</sup>த்<sup>3</sup>வாரிகவீதி<sup>2</sup>சித்தானி பவத்தந்தி.  
பச்சப்பன்னாரம்மணங் ஸல்லக்க<sup>2</sup>ணதோ பட்டா<sup>2</sup>ய ச<sup>2</sup>த்<sup>3</sup>வாரிகவீதி<sup>2</sup> சித்தானி  
பரிபுண்ணானி பவத்தந்தி. ஸப்<sup>3</sup>ப<sup>3</sup>த்த<sup>2</sup>பி புரிமங் புரிமங் அனந்தரே நிருத்த<sup>3</sup>த<sup>4</sup>ங்  
சித்தங் பச்சி<sup>2</sup>மஸ்ஸ பச்சி<sup>2</sup>மஸ்ஸ அனந்தரே உப்பன்னஸ்ஸ சித்தஸ்ஸ  
அனந்தர பச்சயோ ஹோதி. அயஞ்ச அனந்தரபச்சயோ நாம அனமதக்<sup>3</sup>கே<sup>3</sup>  
ஸங்ஸாரே ஏகஸ்ஸ ஸத்தஸ்ஸ ஏகப்ப<sup>3</sup>ந்தோ<sup>4</sup> ஏவ ஹோதி. யதா<sup>3</sup> ஸத்தோ  
அரஹத்த மக்<sup>3</sup>க<sup>3</sup>ங் லபி<sup>4</sup>த்வா க<sup>2</sup>ந்த<sup>4</sup>பரினிப்<sup>3</sup>பா<sup>3</sup>னங் பாபுணாதி, ததா<sup>3</sup> ஏவ  
ஸோ ப<sup>3</sup>ந்தோ<sup>4</sup> சி<sup>2</sup>ஜ்ஜதி.

கேனட்டே<sup>2</sup>ன அனந்தரோ, கேனட்டே<sup>2</sup>ன பச்சயோதி. அத்தனோ அனந்தரே  
அத்தஸதி<sup>3</sup>ஸஸ்ஸ த<sup>4</sup>ம்மந்தரஸ்ஸ உப்பாத<sup>3</sup>னட்டே<sup>2</sup>ன அனந்தரோ,  
உபகாரகட்டே<sup>2</sup>ன பச்சயோ. தத்த<sup>2</sup> அத்தஸதி<sup>3</sup>ஸஸ்ஸாதி ஸாரம்மண பா<sup>4</sup>வேன  
அத்தனா ஸதி<sup>3</sup>ஸஸ்ஸ. ஸாரம்மணபா<sup>4</sup>வேனாதி ச யோ த<sup>4</sup>ம்மோ  
ஆரம்மணேன வினா ந பவத்ததி, ஸோ ஸாரம்மணோ நாம, ஏவங்  
ஸாரம்மணபா<sup>4</sup>வேன. த<sup>4</sup>ம்மந்தரஸ்ஸ உப்பாத<sup>3</sup>னட்டே<sup>2</sup>னாதி புரிமஸ்மிங்  
சித்தே நிருத்தே<sup>4</sup>பி தஸ்ஸ சிந்தனகிரியாவேகோ<sup>3</sup> ந லுபஸம்மதி, பச்சி<sup>2</sup>மங்  
சித்தங் உப்பாதே<sup>3</sup>த்வா ஏவ லுபஸம்மதி, ஏவங் பச்சி<sup>2</sup>மஸ்ஸ த<sup>4</sup>ம்மந்தரஸ்ஸ  
உப்பாத<sup>3</sup>னட்டே<sup>2</sup>ன.

தத்த<sup>2</sup> புரிமா புரிமா மாதுபரம்பரா விய அனந்தரபச்சயபரம்பரா த<sup>3</sup>ட்ட<sup>2</sup>ப்<sup>3</sup>பா<sup>3</sup>.  
பச்சி<sup>2</sup>மா பச்சி<sup>2</sup>மா தீ<sup>4</sup>துபரம்பரா விய தஸ்ஸ பச்சயுப்பன்னபரம்பரா த<sup>3</sup>ட்ட<sup>2</sup>ப்<sup>3</sup>பா<sup>3</sup>.  
ஏவங் ஸந்தே அரஹந்தானங் ஸப்<sup>3</sup>ப<sup>3</sup>பச்சி<sup>2</sup>மங் பரினிப்<sup>3</sup>பா<sup>3</sup>னசித்தம்பி புன

படிஸந்தி<sup>4</sup>சித்தஸங்கா<sup>2</sup>தங் த<sup>4</sup>ம்மந்தரங் உப்பாதெ<sup>3</sup>ய்யாதி. ந உப்பாதெ<sup>3</sup>ய்ய.  
கஸ்மா, ததா<sup>3</sup> கம்மகிலேஸவேகா<sup>3</sup>னங் ஸப்<sup>3</sup>ப<sup>3</sup>ஸோ  
படிப்பஸ்ஸத்<sup>3</sup>தி<sup>4</sup>பா<sup>4</sup>வேன அச்சந்தஸந்ததரத்தா தஸ்ஸ சித்தஸ்ஸாதி.  
அனந்தரபச்சய தீ<sup>3</sup>பனா நி<sup>2</sup>டி<sup>2</sup>தா.

## 5. ஸமனந்தரபச்சயோ

பச்சயத்<sup>4</sup>ம்மவிபா<sup>4</sup>கோ<sup>3</sup> ச பச்சயுப்பன்னத்<sup>4</sup>ம்மவிபா<sup>4</sup>கோ<sup>3</sup> ச  
அனந்தபச்சய ஸதி<sup>3</sup>ஸோ.

கேனட்டே<sup>2</sup>ன ஸமனந்தரோதி. ஸுட்டு<sup>2</sup> அனந்தரட்டே<sup>2</sup>ன ஸமனந்தரோ. யதா<sup>2</sup>  
ஸிலாத<sup>2</sup>ம்பா<sup>4</sup>தீ<sup>3</sup>ஸு ரூபகலாபா ஏகாப<sup>3</sup>த்<sup>3</sup>தா<sup>4</sup> ஸமானாபி ரூப  
த்<sup>4</sup>ம்மபா<sup>4</sup>வேன ஸண்டா<sup>2</sup>ன ஜாதிகத்தா மஜ்ஜே<sup>2</sup> பரிச்சே<sup>2</sup>த்<sup>3</sup>ரூபஸஹிதா ஏவ  
ஹொந்தி. த்<sup>3</sup>வின்னங் ரூபகலாபானங் மஜ்ஜே<sup>2</sup> அந்தரங் நாம விவரங் நாம  
அத்தி<sup>2</sup>யேவ. ந ததா<sup>2</sup> புரிமபச்சி<sup>2</sup>மானங் த்<sup>3</sup>வின்னங் சித்தசேதஸிக கலாபானங்  
மஜ்ஜே<sup>2</sup>. தே பன அரூபத்<sup>4</sup>ம்மபா<sup>4</sup>வேன அஸண்டா<sup>2</sup>ன ஜாதிகத்தா மஜ்ஜே<sup>2</sup>  
பரிச்சே<sup>2</sup>த்<sup>3</sup>த்<sup>4</sup>ம்மஸ்ஸ நாம கஸ்ஸசி ஆகாஸவிவரஸ்ஸ அபா<sup>4</sup>வதோ  
ஸப்<sup>3</sup>புஸோ அந்தர ரஹிதா ஏவ ஹொந்தி. லோகஸ்ஸபி த்<sup>3</sup>வின்னங்  
கலாபானங் அந்தரங் நாம ந தி<sup>3</sup>ஸ்ஸதி. ததோ இமே ஸத்தா சித்தங் நாம  
நிச்சங் து<sup>4</sup>வங் தா<sup>2</sup>வரங் அவிபரிணாமத்<sup>4</sup>ம்மந்தி ஏவங் சித்தே  
நிச்சஸஞ்ஞினோ ஹொந்தி. ஏவங் ஸுட்டு<sup>2</sup> அனந்தரட்டே<sup>2</sup>ன ஸமனந்தரோ.  
அனந்தரட்டே<sup>2</sup>னாதி ச அத்தனோ அனந்தரே அத்தஸதி<sup>3</sup>ஸ்ஸஸ்ஸ  
த்<sup>4</sup>ம்மந்தரஸ்ஸ உப்பாத<sup>3</sup>னட்டே<sup>2</sup>னாதி புப்<sup>3</sup>பே<sup>3</sup> வுத்தமேவ.

ஏவங் ஸந்தே நிரோத்<sup>4</sup>ஸமாபத்திகாலே புரிமசித்தங் நாம நேவ  
ஸஞ்ஞானாஸஞ்ஞாயதனசித்தங், பச்சி<sup>2</sup>மசித்தங் நாம அரியப<sup>2</sup>லசித்தங்,  
த்<sup>3</sup>வின்னங் சித்தானங் அந்தரே ஏகரத்திதி<sup>3</sup>வம்பி த்<sup>3</sup>வேரத்திதி<sup>3</sup>வானிபி.ல.  
ஸத்தரத்திதி<sup>3</sup>வானிபி அசித்தகோ ஹொதி. அஸஞ்ஞஸத்தபு<sup>4</sup>மியங்பி புரிமே  
காமப<sup>4</sup>வே சுதிசித்தங் புரிமசித்தங் நாம. பச்சி<sup>2</sup>மே காமப<sup>4</sup>வே  
படிஸந்தி<sup>4</sup>சித்தங் பச்சி<sup>2</sup>மசித்தங் நாம, த்<sup>3</sup>வின்னங் சித்தானங் அந்தரே  
அஸஞ்ஞஸத்தப<sup>4</sup>வே பஞ்சகப்பஸதானி புக்<sup>3</sup>கலோ அசித்தகோ திட்ட<sup>2</sup>தி. தத்த<sup>2</sup>  
த்<sup>3</sup>வே புரிமசித்தானி அத்தனோ அனந்தரே அத்தஸதி<sup>3</sup>ஸ்ஸஸ்ஸ த்<sup>4</sup>ம்மந்தரஸ்ஸ  
உப்பாத<sup>3</sup>னபச்சயஸத்திரஹிதானி ஹொந்தீதி. ந ஹொந்தி. மஹந்தேஹி பன  
பா<sup>4</sup>வனாபணிதி<sup>4</sup>புலேஹி படிபா<sup>3</sup>ஹிதத்தா புரிமசித்தானி ச நிருஜ்ஜ<sup>2</sup>மானானி  
அனந்தரே த்<sup>4</sup>ம்மந்தரஸ்ஸ உப்பாத<sup>3</sup>ன ஸத்திஸஹிதானி ஏவ நிருஜ்ஜ<sup>2</sup>ந்தி.  
பச்சி<sup>2</sup>மசித்தானி ச உப்பஜ்ஜமானானி தஸ்மிங் க<sup>2</sup>ணே ஏகாப<sup>3</sup>த்<sup>3</sup>த்<sup>4</sup>பா<sup>4</sup>வேன  
அனுப்பஜ்ஜித்வா சிரகாலே ஏவ உப்பஜ்ஜந்தி. ந ச எத்தகமத்தேன புரிமசித்தானங்  
அனந்தரே த்<sup>4</sup>ம்மந்தரஸ்ஸ உப்பாத<sup>3</sup>ன ஸத்தினாம நத்தீ<sup>2</sup>தி ச, தே  
அனந்தரபச்சயத்<sup>4</sup>ம்மா நாம ந ஹொந்தீதி ச ஸக்கா வத்துங். யதா<sup>2</sup> தங்  
ரஞ்ஞோ யோதா<sup>4</sup> நாம அத்தி<sup>2</sup>, கதா<sup>3</sup>சி ராஜா காலங் ஞத்வா தும்ஹே இதா<sup>3</sup>னி  
மாயுஜ்ஜ<sup>2</sup>த<sup>2</sup>, யுத்<sup>3</sup>த்<sup>4</sup>காலோ ந ஹொதி, அஸுகஸ்மிங் காலே ஏவ யுஜ்ஜ<sup>2</sup>தா<sup>2</sup>தி  
வதே<sup>3</sup>ய்ய. தே ச ததா<sup>3</sup> அயுஜ்ஜ<sup>2</sup>மானா விசரெய்யுங். ஏவங் ஸந்தேபி தேஸங்

யுஜ்ஜ²னஸத்தி நாம நத்தீ²தி ச, தே யோதா⁴ நாம ந ஹொந்தீதி ச ந ஸக்கா வத்துந்தி.

எத்த² வதெ³ய்யுங், இமஸ்மிங் பச்சயே தே பன அருபத⁴ம்மபா⁴வேன அஸண்டா²ன ஜாதிகத்தா மஜ்ஜே²பரிச்சே²த³த⁴ம்மஸ்ஸ நாம கஸ்ஸசி அபா⁴வதோ ஸப்³ப³ஸோ அந்தரரஹிதா ஏவ ஹொந்தீதி வுத்தங். ஏவங் ஸந்தே புப்³பே³ ஆரம்மண பச்சயே பே⁴ரிஸத்³த³வீணாஸத்³தோ³பமாஹி யோ சித்தானங் க²ணே க²ணே உப்பாதோ³ ச நிரோதோ⁴ ச வுத்தோ, ஸோ அம்ஹேஹி கத²ங் பச்சேதப்³போ³தி. அஞ்ஞமஞ்ஞவிருத்³தா⁴னங் நானாசித்தானங் க²ணமத்தேபி புப்³பா³பர பரிவத்தனஸ்ஸ லோகே பஞ்ஞாயனதோ. அயமத்தோ² புப்³பே³ சித்த யமகதீ³பனியங் வித்தா²ரதோ வுத்தோயேவாதி. ஸமனந்தரபச்சய தீ³பனா நிட்டி²தா.

## 6. ஸஹஜாதபச்சயோ

பச்சயத்<sup>4</sup>ம்மவிபா<sup>4</sup>கோ<sup>3</sup> ச பச்சயுப்பன்னத்<sup>4</sup>ம்மவிபா<sup>4</sup>கோ<sup>3</sup>ச வுச்சதி.  
ஏகதோ உப்பன்னா ஸப்<sup>3</sup>பே<sup>3</sup>பி சித்தசேதஸிகா த<sup>4</sup>ம்மா அஞ்ஞமஞ்ஞங்  
ஸஹஜாத பச்சயா ச ஹொந்தி ஸஹஜாதபச்சயுப்பன்னா ச.  
படிஸந்தி<sup>4</sup>னாமக்க<sup>2</sup>ந்தா<sup>4</sup> ச படிஸந்தி<sup>4</sup>ஸஹஜாதங் ஹத<sup>3</sup>யவத்து<sup>2</sup> ச  
அஞ்ஞமஞ்ஞங் ஸஹஜாதபச்சயா ச ஹொந்தி ஸஹஜாதபச்சயுப்பன்னா ச.  
ஸப்<sup>3</sup>பா<sup>3</sup>னி மஹாபூ<sup>4</sup>தானிபி அஞ்ஞமஞ்ஞங் ஸஹஜாதபச்சயா ச ஹொந்தி  
பச்சயுப்பன்னத்<sup>4</sup>ம்மா ச. படிஸந்தி<sup>4</sup>சித்தஸ்ஸ உப்பாத<sup>3</sup>க்க<sup>2</sup>ணே ஸப்<sup>3</sup>பா<sup>3</sup>னி  
கம்மஜருபானி ச பவத்திகாலே தஸ்ஸ தஸ்ஸ சித்தஸ்ஸ உப்பாத<sup>3</sup>க்க<sup>2</sup>ணே  
தேன தேன சித்தேன ஜாதானி ஸப்<sup>3</sup>பா<sup>3</sup>னி சித்தஜருபானி ச  
ஸஹஜாதசித்தஸ்ஸ பச்சயுப்பன்னானி நாம. ஸப்<sup>3</sup>பா<sup>3</sup>னி உபாதா<sup>3</sup>ருபானி  
ஸஹஜாதமஹாபூ<sup>4</sup>தானங் பச்சயுப்பன்னானி நாம.

கேனட்டே<sup>2</sup>ன ஸஹஜாதோ, கேனட்டே<sup>2</sup>ன பச்சயோ. ஸஹ ஜானநட்டே<sup>2</sup>ன  
ஸஹஜாதோ, உபகார்கட்டே<sup>2</sup>ன பச்சயோ. தத்த<sup>2</sup> ஸஹஜானநட்டே<sup>2</sup>னாதி யோ  
த<sup>4</sup>ம்மோ ஜாயமானோ அத்தனோ பச்சயுப்பன்னேஹி த<sup>4</sup>ம்மேஹி ஸஹேவ  
ஸயஞ்ச ஜாயதி உப்பஜ்ஜதி, அத்தனோ பச்சயுப்பன்னே ச த<sup>4</sup>ம்மே அத்தனா  
ஸஹேவ ஜனேதி உப்பாதே<sup>3</sup>தி, தஸ்ஸ ஸோ அத்தோ<sup>2</sup> ஸஹஜானநட்டோ<sup>2</sup>  
நாம.

யதா<sup>2</sup> ஸூரியோ நாம உத<sup>3</sup>யந்தோ ஸூரியாதபே ச ஸூரியா லோகே ச  
அத்தனா ஸஹேவ ஜனயந்தோ உதே<sup>3</sup>தி. யதா<sup>2</sup> ச பதீ<sup>3</sup>போ நாம ஜலந்தோ  
பதீ<sup>3</sup>பாதபே ச பதீ<sup>3</sup>பாலோகே ச அத்தனா ஸஹேவ ஜனயந்தோ ஜலதி.  
ஏவமேவங் அயங் பச்சயத்<sup>4</sup>ம்மோ உப்பஜ்ஜமானோ அத்தனோ  
பச்சயுப்பன்னத்<sup>4</sup>ம்மே அத்தனா ஸஹேவ உப்பாதே<sup>3</sup>தி. தத்த<sup>2</sup> ஸூரியோ விய  
ஏகமேகோ நாம த<sup>4</sup>ம்மோ, ஸூரியாதபா விய தங்ஸம்பயுத்தத்<sup>4</sup>ம்மா,  
ஸூரியாலோகா விய ஸஹஜாதருபத்<sup>4</sup>ம்மா. ததா<sup>2</sup> ஸூரியோ விய ஏகமேகோ  
மஹாபூ<sup>4</sup>தருபத்<sup>4</sup>ம்மோ, ஸூரியாதபா விய ஸஹஜாதமஹாபூ<sup>4</sup>தத்<sup>4</sup>ம்மா,  
ஸூரியாலோகா விய ஸஹஜாதஉபாதா<sup>3</sup>ருபத்<sup>4</sup>ம்மா, ஏஸ நயோ  
பதீ<sup>3</sup>புபமாயபீதி. ஸஹஜாதபச்சயதீ<sup>3</sup>பனா நி<sup>2</sup>டி<sup>2</sup>தா.

## 7. அஞ்ஞமஞ்ஞபச்சயோ

ஸஹஜாதபச்சயே விப<sup>4</sup>த்தேஸு த<sup>4</sup>ம்மேஸு யோ யோ பச்சய  
த<sup>4</sup>ம்மோதி வுத்தோ, ஸோ ஸோ ஏவ இத<sup>4</sup> பச்சயத<sup>4</sup>ம்மோ சேவ  
பச்சயுப்பன்ன த<sup>4</sup>ம்மோ ச ஹோதி. ஸப்<sup>3</sup>பே<sup>3</sup>பி சித்தசேதஸிகா த<sup>4</sup>ம்மா  
அஞ்ஞமஞ்ஞஸ்ஸ பச்சயத<sup>4</sup>ம்மா ச ஹோந்தி அஞ்ஞமஞ்ஞஸ்ஸ  
பச்சயுப்பன்னத<sup>4</sup>ம்மா. ஸஹஜாதா சத்தாரோ மஹாபூ<sup>4</sup>தா அஞ்ஞமஞ்ஞஸ்ஸ  
பச்சயத<sup>4</sup>ம்மா ச ஹோந்தி அஞ்ஞமஞ்ஞஸ்ஸ பச்சயுப்பன்னத<sup>4</sup>ம்மா ச.  
படிஸந்தி<sup>4</sup>னாமக்க<sup>2</sup>ந்தா<sup>4</sup> ச படிஸந்தி<sup>4</sup> ஸஹஜாதங் ஹத<sup>3</sup>யவத்து<sup>2</sup>ருபஞ்ச  
அஞ்ஞமஞ்ஞஸ்ஸ பச்சயத<sup>4</sup>ம்மா ச ஹோந்தி அஞ்ஞமஞ்ஞஸ்ஸ  
பச்சயுப்பன்னத<sup>4</sup>ம்மா ச. அத்தோ<sup>2</sup> ஸுவிஞ்ஞெய்யோயேவ.

யதா<sup>2</sup> அஞ்ஞமஞ்ஞங் நிஸ்ஸாய உஸ்ஸாபிதா தயோ த<sup>3</sup>ண்டா<sup>3</sup>  
அஞ்ஞமஞ்ஞஸ்ஸ நிஸ்ஸயா ச ஹோந்தி, அஞ்ஞமஞ்ஞங் நிஸ்ஸிதா ச.  
தேஸு ஏகமேகஸ்மிங் உஸ்ஸிதே ஸப்<sup>3</sup>பே<sup>3</sup> உஸ்ஸிதா ஹோந்தி,  
ஏகமேகஸ்மிங் பதந்தே ஸப்<sup>3</sup>பே<sup>3</sup> பதந்தி. ஏவங் அஞ்ஞமஞ்ஞத<sup>4</sup>ம்மா ச  
த<sup>3</sup>ட்ட<sup>2</sup>ப<sup>3</sup>பா<sup>3</sup>.

எத்த<sup>2</sup> வதெ<sup>3</sup>ய்யுங், ஸப்<sup>3</sup>பே<sup>3</sup> சேதஸிகா த<sup>4</sup>ம்மா சித்தபச்சயங் அலப<sup>4</sup>  
மானா உப்பஜ்ஜிதுங் ந ஸக்கொந்தீதி யுத்தங். கஸ்மா. பு<sup>2</sup>ஸனாதீ<sup>3</sup>னங் சேதஸிக  
கிச்சானங் விஜானநகிச்சபு<sup>3</sup>புங்க<sup>3</sup>மத்தா, மனோபு<sup>3</sup>புங்க<sup>3</sup>மாதி ஹி வுத்தங்.  
சித்தங் பன சேதஸிகபச்சயங் அலப<sup>4</sup>மானங் உப்பஜ்ஜிதுங் ந ஸக்கோதீதி ந  
யுஜ்ஜெய்யாதி. வுச்சதே, சேதஸிகத<sup>4</sup>ம்மா நாம சித்தஸ்ஸ ஸஹாயங்கா<sup>3</sup>னி  
ஹோந்தி. தஸ்மா தேஹி வினா சித்தம்பி உப்பஜ்ஜிதுங் ந ஸக்கோதியேவ.  
ஏஸேவ நயோ சதுஸு மஹாபூ<sup>4</sup>தேஸுபீதி. உபாதா<sup>3</sup>ருபானி பன  
மஹாபூ<sup>4</sup>தானங் நிஸ்ஸந்த<sup>3</sup>மத்தத்தா ஸஹாயங்கா<sup>3</sup>னி ந ஹோந்தீதி. நனு  
ஆஹாரருபஞ்ச ஜீவிதருபஞ்ச பச்சயவிஸேஸத்தா ஸஹாயங்க<sup>3</sup>ங் ஹோதீதி.  
வுச்சதே, டி<sup>2</sup>தியா ஏவ ஸஹாயங்க<sup>3</sup>ங் ஹோதி. ந உப்பாதே<sup>3</sup>. இத<sup>4</sup> பன  
உப்பாதே<sup>3</sup> ஸஹாயங்க<sup>3</sup>ங் அதி<sup>4</sup>ப்பேதந்தி. அஞ்ஞமஞ்ஞபச்சயதீ<sup>3</sup>பனா நிட்டி<sup>2</sup>தா.



## 8. நிஸ்ஸயபச்சயோ

திவிதோ<sup>4</sup> நிஸ்ஸயபச்சயோ, ஸஹஜாதனிஸ்ஸயோ வத்து<sup>2</sup>  
புரேஜாதனிஸ்ஸயோ வத்தா<sup>2</sup>ரம்மணபுரேஜாதனிஸ்ஸயோ.

தத்த<sup>2</sup> கதமோ ஸஹஜாதனிஸ்ஸயோ. ஸப்<sup>3</sup>போ<sup>3</sup> ஸஹஜாத பச்சயோ  
ஸஹஜாதனிஸ்ஸயோ. தஸ்மா தத்த<sup>2</sup> பச்சயவிபா<sup>4</sup>கோ<sup>3</sup> ச  
பச்சயுப்பன்னவிபா<sup>4</sup>கோ<sup>3</sup> ச ஸஹஜாதபச்சயே வுத்தனயேன வேதி<sup>3</sup>தப்<sup>3</sup>போ<sup>3</sup>.

கதமோ பன வத்து<sup>2</sup>புரேஜாதனிஸ்ஸயோ. ச<sup>2</sup> வத்தா<sup>2</sup>னி சக்கு<sup>2</sup> வத்து<sup>2</sup>  
ஸோதவத்து<sup>2</sup> கா<sup>4</sup>னவத்து<sup>2</sup> ஜித்ஹவத்து<sup>2</sup> காயவத்து<sup>2</sup> ஹத<sup>3</sup>யவத்து<sup>2</sup>. இமானி  
ச<sup>2</sup>வத்தா<sup>2</sup>னி பவத்திகாலே ஸத்தானங் விஞ்ஞாணதா<sup>4</sup>தூனங் வத்து<sup>2</sup>புரே  
ஜாதனிஸ்ஸயோ.

வத்து<sup>2</sup>ருபமேவ புரேஜாதங் ஹுத்வா நிஸ்ஸயோ வத்து<sup>2</sup>புரேஜாத  
நிஸ்ஸயோ. தத்த<sup>2</sup> சித்தசேதஸிகானங் நிஸ்ஸயட்டா<sup>2</sup>னட்டே<sup>2</sup>ன வத்து<sup>2</sup> நாம.  
புரேஜாதந்தி அத்தனோ அத்தனோ பச்சயுப்பன்னஸ்ஸ த<sup>4</sup>ம்மஸ்ஸ  
உப்பத்திக்க<sup>2</sup>ணதோ புரிமே க<sup>2</sup>ணே ஜாதங்.

தத்த<sup>2</sup> படிஸந்தி<sup>4</sup>சித்தங் ததா<sup>3</sup> புரேஜாதஸ்ஸ வத்து<sup>2</sup>ருபஸ்ஸ அபா<sup>4</sup>வதோ  
அத்தனா ஸஹுப்பன்னமேவ ஹத<sup>3</sup>யவத்து<sup>2</sup>ருபங் நிஸ்ஸாய உப்பஜ்ஜதி. பட<sup>2</sup>ம  
ப<sup>4</sup>வங்க<sup>3</sup>சித்தங் பன படிஸந்தி<sup>4</sup>சித்தேன ஸஹுப்பன்னஹத<sup>3</sup>ய வத்து<sup>2</sup>ருபங்  
நிஸ்ஸாய உப்பஜ்ஜதி. து<sup>3</sup>தியப<sup>4</sup>வங்க<sup>3</sup>சித்தங் பட<sup>2</sup>மப<sup>4</sup>வங்க<sup>3</sup>சித்தேன  
ஸஹுப்பன்னங் நிஸ்ஸாய உப்பஜ்ஜதி. ஏவங் ததியப<sup>4</sup>வங்க<sup>3</sup>சித்தங் து<sup>3</sup>திய  
ப<sup>4</sup>வங்க<sup>3</sup>சித்தேன ஸஹுப்பன்னந்திஆதி<sup>3</sup>னா யாவமரணாஸன்னகாலா  
த்<sup>3</sup>வின்னங் மனோதா<sup>4</sup>துமனோவிஞ்ஞாணதா<sup>4</sup>தூனங்  
வத்து<sup>2</sup>புரேஜாதனிஸ்ஸயோ வேதி<sup>3</sup>தப்<sup>3</sup>போ<sup>3</sup>.

யதா<sup>2</sup> வீணாஸத்<sup>3</sup>தா<sup>3</sup> நாம வீணாதந்தீஸு வீணாத<sup>3</sup>ண்ட<sup>3</sup>கேஹி  
பஹரணவேகே<sup>3</sup>ன ஏவ ஜாயந்தி, நோ அஞ்ஞதா<sup>2</sup>. ததா<sup>2</sup> பஞ்சவிஞ்ஞாணானி நாம  
பஞ்சவத்து<sup>2</sup>ஸங்கா<sup>2</sup>தேஸு பஞ்சத்<sup>3</sup>வாரேஸு பஞ்சன்னங் ஆரம்மணானங்  
ஆபாதா க<sup>3</sup>மனவேகே<sup>3</sup>ன ஏவ ஜாயந்தி, நோ அஞ்ஞதா<sup>2</sup>.

ஆபாதாக<sup>3</sup>மனஞ்ச தேஸங் த்<sup>3</sup>வாராரம்மணானங் டி<sup>2</sup>திபத்தகாலே ஏவ  
ஹோதி. ஆபாதாக<sup>3</sup>மனபச்சயா ச த்<sup>3</sup>விக்க<sup>2</sup>த்துங் ப<sup>4</sup>வங்க<sup>3</sup>ங் சலதி.  
ப<sup>4</sup>வங்க<sup>3</sup>சலன பச்சயா ச ஆவஜ்ஜனங் உப்பஜ்ஜதி. ஆவஜ்ஜனபச்சயா ச தானி  
பஞ்சவிஞ்ஞாணானி உப்பஜ்ஜந்தி. தஸ்மா சக்கா<sup>2</sup>தீ<sup>3</sup>னி பஞ்சவத்து<sup>2</sup>னி புரே  
அதீதப<sup>4</sup>வங்க<sup>3</sup>சித்தஸ்ஸ உப்பாத<sup>3</sup>க்க<sup>2</sup>ணே உப்பன்னானி ஏவ  
பஞ்சவிஞ்ஞாணதா<sup>4</sup>தூனங் வத்து<sup>2</sup>புரேஜாதபச்சயா ஹோந்தி.

மரணாஸன்னகாலே பன ஸப்³பா³னி ச² வத்து²னி சுதிசித்ததோ புரே  
ஸத்தரஸமஸ்ஸ ப்⁴வங்க³சித்தஸ்ஸ உப்பாத³க்க²ணே ஏவ உப்பஜ்ஜந்தி, ததோ  
பரங் ந உப்பஜ்ஜந்தி. தஸ்மா மரணாஸன்னகாலே ப்⁴வங்க³சித்தானி ச  
ஸப்³பா³னி ச²த்³வாரிகவீதி²சித்தானி ச சுதிசித்தஞ்ச புரேதரங் உப்பன்னானி  
தானியேவ அத்தனோ அத்தனோ வத்து²னி நிஸ்ஸாய உப்பஜ்ஜந்தி. அயங்  
வத்து²புரேஜாத நிஸ்ஸயோ.

கதமோ பன வத்தா²ரம்மணபுரேஜாதனிஸ்ஸயோ. யதா³ அத்தனோ  
அஜ்ஜ²த்தங் வத்து²ருபங் ஆரப்³ப்⁴ யங் ரூபங் நிஸ்ஸாய மம  
மனோவிஞ்ஞாணங் வத்ததி, ஏதங் மம ஏஸோ ஹமஸ்மி ஏஸோ மே அத்தாதி  
ஏவங் தண்ஹாமான தி³ட்டி²ஹி க³ஹணவஸேன வா ஏதங் அனிச்சங் ஏதங்  
து³க்க²ங் ஏதங் அனத்தாதி ஏவங் ஸம்மஸனவஸேன வா ஆவஜ்ஜனாதீ³னி  
மனோத்³வாரிகவீதி² சித்தானி பவத்தந்தி. ததா³ தங் தங் வத்து²ருபங் பச்சேகங்  
தேஸங் நிஸ்ஸயவத்து² ச ஹோதி தேஸங் ஆரம்மணஞ்ச. தஸ்மா தங் தங்  
ஹத³யருபங் தஸ்ஸ தஸ்ஸ சித்துப்பாத³ஸ்ஸ வத்தா²ரம்மணபுரேஜாதபச்சயோ  
ஹோதி. அயங் வத்தா²ரம்மண புரேஜாதனிஸ்ஸயோ. ஏவங் நிஸ்ஸயபச்சயோ  
திவிதோ⁴ ஹோதி.

இத⁴ ஸுத்தந்தனிஸ்ஸயோபி வத்தப்³போ³. இமே மனுஸ்ஸா வா  
திரச்சா²னக³தா வா ருக்கா²த³யோ வா மஹாபத²வியங் பதிட்டி²தா, மஹா பத²வீ  
ச ஹெட்டா² மஹாஉத³கக்க²ந்தே⁴, மஹாஉத³கக்க²ந்தோ⁴ ச ஹெட்டா²  
மஹாவாதக்க²ந்தே⁴, மஹாவாதக்க²ந்தோ⁴ ச ஹெட்டா² அஜடாகாஸே,  
மனுஸ்ஸா கே³ஹேஸு, பி⁴க்க² விஹாரேஸு, தே³வா  
தி³ப்³பிவிமானேஸுதிஆதி³னா ஸப்³ப³ங் லோகப்பவத்திங் ஞத்வா  
நிஸ்ஸயபச்சயோ வேதி³தப்³போ³. நிஸ்ஸயபச்சயதீ³பனா நிட்டி²தா.

## 9. உபனிஸ்ஸயபச்சயோ

திவிதோ<sup>4</sup> உபனிஸ்ஸயபச்சயோ, ஆரம்மணூபனிஸ்ஸயோ  
அனந்தரூபனிஸ்ஸயோ பகதூபனிஸ்ஸயோ. தத்த<sup>2</sup> ஆரம்மணூப நிஸ்ஸயோ  
ஆரம்மணாதி<sup>4</sup>பதிபச்சயஸதி<sup>3</sup>ஸோ, அனந்தரூபனிஸ்ஸயோ  
அனந்தரபச்சயஸதி<sup>3</sup>ஸோ.

கதமோ பகதூபனிஸ்ஸயோ. ஸப்<sup>3</sup>பே<sup>3</sup>பி அதீதானாக<sup>3</sup>த பச்சப்பன்னா  
அஜ்ஜ<sup>2</sup>த்தப<sup>3</sup>ஹித்தா<sup>4</sup>பூ<sup>4</sup>தா சித்தசேதஸிகரூபத<sup>4</sup>ம்மா ச நிப்<sup>3</sup>பா<sup>3</sup>னஞ்ச  
பஞ்ஞத்தி ச ஸப்<sup>3</sup>பே<sup>3</sup>ஸங் பச்சப்பன்னானங் சித்தசேதஸிகானங் த<sup>4</sup>ம்மானங்  
யதா<sup>2</sup>ரஹங் பகதூபனிஸ்ஸயோ.

தத்த<sup>2</sup> அதீதோ பரினிப்<sup>3</sup>பு<sup>3</sup>தோ அம்ஹாகங் பு<sup>3</sup>த்<sup>3</sup>தோ<sup>4</sup> ச த<sup>4</sup>ம்மோ ச  
அரியஸாவகஸங்கோ<sup>4</sup> ச ஸம்முதிஸங்க<sup>4</sup>பரம்பரா ச அம்ஹாகங் பச்சி<sup>2</sup>ம  
ஜனானங் குஸலுப்பத்தியா பகதூபனிஸ்ஸயபச்சயோ. ததா<sup>2</sup> லோகே அதீதா  
காலங்கதா மாதாபிதரோ ச ஆசரியா ச பண்டி<sup>3</sup>தஸமணப்<sup>3</sup>ராஹ்மணா ச பாகடா  
நானாதித்தா<sup>2</sup>சரியா ச மஹித்<sup>3</sup>தி<sup>4</sup>கா மஹானுபா<sup>4</sup>வா போராணகராஜானோ ச  
பச்சி<sup>2</sup>மகானங் ஜனானங் குஸலுப்பத்தியா வா அகுஸலுப்பத்தியா வா  
ஸுக<sup>2</sup>து<sup>3</sup>க்கு<sup>2</sup>ப்பத்தியா வா பகதூபனிஸ்ஸயோ. ததா<sup>2</sup> ஹி தே பச்சி<sup>2</sup>மகானங்  
ஜனானங் அத்தா<sup>2</sup>ய நானாஸத்<sup>3</sup>த<sup>4</sup>ம்மபஞ்ஞத்தியோ வா  
நானாஅஸத்<sup>3</sup>த<sup>4</sup>ம்மபஞ்ஞத்தியோ வா நானாலோகூபகரணானி வா புரே  
பட்ட<sup>2</sup>பேஸங். பச்சி<sup>2</sup>மஜனா ச தேஹி பட்ட<sup>2</sup>பிதேஸு தா<sup>3</sup>னஸ்ஸீலாதி<sup>3</sup>த<sup>4</sup>ம்மேஸு  
வா லோகசாரித்த குலகொ<sup>3</sup>த்தசாரித்த த<sup>4</sup>ம்மேஸு வா நானாதி<sup>3</sup>ட்டி<sup>2</sup>வாதே<sup>3</sup>ஸு  
வா நானாகம்மாயதனஸிப்பாயதன விஜ்ஜாடா<sup>2</sup>னேஸு வா யதா<sup>2</sup>பட்ட<sup>2</sup>பிதேஸு  
கா<sup>3</sup>மனிக<sup>3</sup>மனக<sup>2</sup>ரகெ<sup>2</sup>த்தவத்து<sup>2</sup> தளாகபொக்க<sup>2</sup>ரணிஆவாடாதி<sup>3</sup>ஸு வா  
கே<sup>3</sup>ஹரத<sup>2</sup>ஸகடனாவா ஸம்போதஸம்ப<sup>3</sup>ந்தா<sup>4</sup>தி<sup>3</sup>ஸு வா  
ஜாதரூபரஜதமணிமுத்தாதி<sup>3</sup>ஸு வா தா<sup>3</sup>யஜ்ஜங் படிபஜ்ஜந்தா லோகே  
வட்<sup>3</sup>ட<sup>4</sup>ந்தி.

அனாக<sup>3</sup>தோபி மெத்தெய்யோ நாம பு<sup>3</sup>த்<sup>3</sup>தோ<sup>4</sup> ச தஸ்ஸ த<sup>4</sup>ம்மோ ச  
தஸ்ஸ ஸங்கோ<sup>4</sup> ச ஏதரஹி ப<sup>3</sup>ஹுஜ்ஜனானங் பாரமிபுஞ்ஞப்பவத்தியா  
பகதூபனிஸ்ஸயபச்சயோ. ததா<sup>2</sup> இமஸ்மிங் ப<sup>4</sup>வே ச பச்சி<sup>2</sup>மே காலே  
படிலபி<sup>4</sup>ஸ்ஸமானா இஸ்ஸரியட்டா<sup>2</sup>னத<sup>4</sup>னத<sup>4</sup>ஞ்ஞஸம்பத்தியோ புரிமே  
காலே டி<sup>2</sup>தானங் மஹாஜனானங் நானாபி<sup>4</sup>ஸங்கா<sup>2</sup>ருப்பத்தியா  
பகதூபனிஸ்ஸய பச்சயோ. அனாக<sup>3</sup>தப<sup>4</sup>வே ச அனுப<sup>4</sup>விஸ்ஸமானா  
ப<sup>4</sup>வஸம்பத்தி போ<sup>4</sup>க<sup>3</sup> ஸம்பத்தியோ மக்<sup>3</sup>க<sup>3</sup>ப<sup>3</sup>லனிப்<sup>3</sup>பா<sup>3</sup>னஸம்பத்தியோ ச  
ஏதரஹி பச்சப்பன்னப<sup>4</sup>வே டி<sup>2</sup>தானங் தா<sup>3</sup>னஸ்ஸீலாதி<sup>3</sup>புஞ்ஞகிரியுப்பத்தியா  
பகதூபனிஸ்ஸயபச்சயோ. யதா<sup>2</sup> ஹி லோகே ஹேமந்தே காலே  
த<sup>4</sup>ஞ்ஞப்ப<sup>2</sup>லானி லபி<sup>4</sup>ஸ்ஸாமாதி வஸ்ஸிகே காலே

கஸ்ஸனவப்பனகம்மானி ஆரப<sup>4</sup>ந்தி, கம்மே ஸித்<sup>3</sup>தே<sup>4</sup> தங் தங் த<sup>4</sup>னங்  
 லபி<sup>4</sup>ஸ்ஸாமாதி புப்<sup>3</sup>பா<sup>4</sup>கே<sup>3</sup> தங் தங் வீரியகம்மங் வா தங் தங்  
 பஞ்ஞாகம்மங் வா ஆரப<sup>4</sup>ந்தி. தத்த<sup>2</sup> த<sup>4</sup>ஞ்ஞப்ப<sup>2</sup>லப்படி<sup>4</sup>லாபோ<sup>4</sup> ச தங் தங்  
 த<sup>4</sup>னப்படி லாபோ<sup>4</sup>ச தங் தங் கம்மாரம்ப<sup>4</sup>ஸ்ஸ  
 அனாக<sup>3</sup>தபகதூபனிஸ்ஸயபச்சயோ தங் தங் கம்மாரம்போ<sup>4</sup> ச  
 த<sup>4</sup>ஞ்ஞப்ப<sup>2</sup>லப்படி<sup>4</sup>லாபோ<sup>4</sup>ஸ்ஸ ச தங் தங் த<sup>4</sup>னப்படி லாபோ<sup>4</sup>ஸ்ஸ ச  
 அதீதபகதூபனிஸ்ஸயபச்சயோ. ஏவமேவ பச்சி<sup>2</sup>மே அனாக<sup>3</sup>தே காலே  
 நானாகம்மப்ப<sup>2</sup>லானி ஸம்பஸ்ஸந்தா பத்த<sup>2</sup>யந்தா மஹாஜனா புரிமே  
 பச்சப்பன்னே காலே நானாபுஞ்ஞகம்மானி ஆரப<sup>4</sup>ந்தி. தத்த<sup>2</sup> புஞ்ஞப்ப<sup>2</sup>லானி  
 புஞ்ஞகம்மானங் அனாக<sup>3</sup>தபகதூபனிஸ்ஸயபச்சயோ. புஞ்ஞகம்மானி  
 புஞ்ஞப்ப<sup>2</sup>லானங் அதீதபகதூபனிஸ்ஸயபச்சயோ. தஸ்மா  
 அனாக<sup>3</sup>தபகதூபனிஸ்ஸயோபி அதீதபகதூபனிஸ்ஸயோ விய அதிமஹந்தோ  
 பச்சயோ ஹோதி.

பச்சப்பன்னா புத்த<sup>3</sup>தா<sup>4</sup>யோ பச்சயா பச்சப்பன்னானங்  
 மனுஸ்ஸதே<sup>3</sup>வப்<sup>3</sup>ரஹ்மானங் பச்சப்பன்னா மாதாபிதரோ பச்சப்பன்னானங்  
 புத்த<sup>3</sup>தீ<sup>4</sup>தாதீ<sup>3</sup>னங் பச்சப்பன்னபகதூப நிஸ்ஸயோ நாம. ஸோ ஸுபாகடோயேவ.

அஜ்ஜத்தபூ<sup>4</sup>தா பகதூபனிஸ்ஸயத<sup>4</sup>ம்மா நாம புத்த<sup>3</sup>தா<sup>4</sup>தீ<sup>3</sup>ஸு  
 ஸவிஞ்ஞாணகஸந்தானேஸு உப்பன்னா பச்சயத<sup>4</sup>ம்மா. பஹித்த<sup>3</sup>தா<sup>4</sup>பூ<sup>4</sup>தா  
 பகதூபனிஸ்ஸயத<sup>4</sup>ம்மா நாம ஸத்தானங் பதிட்டா<sup>2</sup>னபூ<sup>4</sup>தா பத<sup>2</sup>விபப்<sup>3</sup>தனதீ<sup>3</sup>  
 ஸமுத்த<sup>3</sup>தா<sup>3</sup>தீ<sup>3</sup>யோ தேஸங் தேஸங் ஸத்தானங் பஹுபகாரா அரஞ்ஞவனருக்க<sup>2</sup>  
 திணபுப்<sup>3</sup>ண்ணாபரண்ணாதீ<sup>3</sup>யோ சந்த<sup>3</sup>ஸூரியக<sup>3</sup>ஹனக்க<sup>2</sup>த்தாதீ<sup>3</sup>யோ  
 வஸ்ஸோத<sup>3</sup>கஅக்<sup>3</sup>கி<sup>3</sup>வாதஸீத<sup>2</sup>உண்ஹாதீ<sup>3</sup>யோ ச ஸப்<sup>3</sup>பே<sup>3</sup>பி தே ஸத்தானங்  
 குஸலுப்பத்தியா வா அகுஸலுப்பத்தியா வா ஸுகு<sup>2</sup>ப்பத்தியா வா  
 துக்கு<sup>2</sup>ப்பத்தியா வா ப<sup>3</sup>லவபச்சயா ஹோந்தி.

இமே ஜனா தி<sup>3</sup>ட்டே<sup>2</sup>வ த<sup>4</sup>ம்மே பரினிப்<sup>3</sup>பா<sup>3</sup>யிஸ்ஸாமாதி போ<sup>3</sup>தி<sup>4</sup>பக்கி<sup>2</sup>ய  
 த<sup>4</sup>ம்மே வா பா<sup>4</sup>வெந்தி, அனாக<sup>3</sup>தே புத்த<sup>3</sup>த<sup>4</sup>காலே பரினிப்<sup>3</sup>பா<sup>3</sup>யிஸ்ஸாமாதி  
 பாரமீத<sup>4</sup>ம்மே வா பரிபூரெந்தி. தத்த<sup>2</sup> நிப்<sup>3</sup>பா<sup>3</sup>னங் தேஸங் த<sup>4</sup>ம்மானங்  
 உப்பத்தியா ப<sup>3</sup>லவபச்சயோ ஹோதி.

லோகே நானாவோஹாரபூ<sup>4</sup>தா நாமபஞ்ஞத்தியோ ச புத்த<sup>3</sup>த<sup>4</sup> ஸாஸனே  
 திபிடகபரியத்தித<sup>4</sup>ம்மபூ<sup>4</sup>தா நாமபஞ்ஞத்தியோ ச தேஸங் தேஸங் அத்தா<sup>2</sup>னங்  
 ஜானந்தா<sup>2</sup>ய ப<sup>3</sup>லவபச்சயோ.

தத்த<sup>2</sup> ஸங்க<sup>2</sup>தத<sup>4</sup>ம்மா நாம பச்சயே ஸதி உப்பஜ்ஜந்தி, அஸதி நுப்பஜ்ஜந்தி.  
 உப்பஜ்ஜித்வாபி பச்சயே ஸதி திட்ட<sup>2</sup>ந்தி, அஸதி ந திட்ட<sup>2</sup>ந்தி. தஸ்மா தேஸங்  
 உப்பத்தியா வா டி<sup>2</sup>தியா வா பச்சயோ நாம இச்சி<sup>2</sup>தப்<sup>3</sup>போ<sup>3</sup>. நிப்<sup>3</sup>பா<sup>3</sup>னங் பன  
 பஞ்ஞத்தி ச அஸங்க<sup>2</sup>தத<sup>4</sup>ம்மா ஹோந்தி அஜாதித<sup>4</sup>ம்மா அனுப்பாதீ<sup>3</sup>த<sup>4</sup>ம்மா

நிச்ச த<sup>4</sup>ம்மா து<sup>4</sup>வத<sup>4</sup>ம்மா. தஸ்மா தேஸங் உப்பாதா<sup>3</sup>ய வா டி<sup>2</sup>தியா வா பச்சயோ நாம நத்தீ<sup>2</sup>தி.

குஸலோ குஸலஸ்ஸ உபனிஸ்ஸயோ. ஸத்<sup>3</sup>த<sup>4</sup>ங் உபனிஸ்ஸாய தா<sup>3</sup>னங் தே<sup>3</sup>தி, ஸீலங் ஸமாதி<sup>3</sup>யதீதிஆதி<sup>3</sup>னா ஸுபாகடோ. ததா<sup>2</sup> ராக<sup>3</sup>ங் உபனிஸ்ஸாய பாணங் ஹனதி, அதி<sup>3</sup>ன்னங் ஆதி<sup>3</sup>யதீதிஆதி<sup>3</sup>னா ஸப்பாயங் உதுங் ஸப்பாயங் போ<sup>4</sup>ஜனங் உபனிஸ்ஸாய காயிகங் ஸுக<sup>2</sup>ங் பச்சனுபோ<sup>4</sup>தீதிஆதி<sup>3</sup>னா ச அகுஸலோ அகுஸலஸ்ஸ, அப்யாகதோ அப்யாகதஸ்ஸ உபனிஸ்ஸயோபி ஸுபாகடோ.

குஸலோ பன அகுஸலஸ்ஸபி ப<sup>3</sup>லவூபனிஸ்ஸயோ. தா<sup>3</sup>னங் த<sup>3</sup>த்வா தேன தா<sup>3</sup>னேன அத்தானங் உக்கங்ஸேதி, பரங் வம்பே<sup>4</sup>தி. ததா<sup>2</sup> ஸீல ஸம்பன்னோ ஹுத்வா ஸமாதி<sup>4</sup>ஸம்பன்னோ ஹுத்வா பஞ்ஞாஸம்பன்னோ ஹுத்வா அத்தானங் உக்கங்ஸேதி, பரங் வம்பே<sup>4</sup>தி.

குஸலோ அப்யாகதஸ்ஸபி ப<sup>3</sup>லவூபனிஸ்ஸயோ. ஸப்பா<sup>3</sup>னி சதுபு<sup>4</sup>மிககுஸலகம்மானி வா கம்மபரிவாரானி குஸலானி வா காலந்தரே சதுபு<sup>4</sup>மிகானங் விபாகாப்யாகதானங் ப<sup>3</sup>லவூபனிஸ்ஸயோ. தா<sup>3</sup>னபாரமிங் பூரெந்தா பூரணகாலே ப<sup>3</sup>ஹுங் காயிகது<sup>3</sup>க்க<sup>2</sup>ங் பச்சனுப<sup>4</sup>வந்தி. ததா<sup>2</sup> ஸீலபாரமிங் நிக்க<sup>2</sup>மபாரமிங் பஞ்ஞாபாரமிங் வீரியபாரமிங் க<sup>2</sup>ந்திபாரமிங் ஸச்சபாரமிங் அதி<sup>4</sup>ட்டா<sup>2</sup>னபாரமிங் மெத்தாபாரமிங் உபெக்கா<sup>2</sup> பாரமிங். ஏஸேவ நயோ ஜா<sup>2</sup>னபா<sup>4</sup>வனா மக்<sup>3</sup>க<sup>3</sup>பா<sup>4</sup>வனாஸுபி.

அகுஸலோ குஸலஸ்ஸபி ப<sup>3</sup>லவூபனிஸ்ஸயோ. இதே<sup>4</sup>கச்சோ பாபங் கத்வா பச்சா<sup>2</sup> விப்படிஸாரீ ஹுத்வா தஸ்ஸ பாபஸ்ஸ பஹானாய தா<sup>3</sup>னஸீலஜா<sup>2</sup>னமக்<sup>3</sup>குஸலானி ஸம்பாதே<sup>3</sup>தி. தங் பாபங் தேஸங் குஸலானங் ப<sup>3</sup>லவூபனிஸ்ஸயோ.

அகுஸலோ அப்யாகதஸ்ஸபி ப<sup>3</sup>லவூபனிஸ்ஸயோ. இத<sup>4</sup> ப<sup>3</sup>ஹு ஜனா து<sup>3</sup>ச்சரிதானி கத்வா சதுஸு அபாயேஸு பதித்வா அபாயது<sup>3</sup>க்க<sup>2</sup>ங் பச்சனுப<sup>4</sup>வந்தி. தி<sup>3</sup>ட்ட<sup>2</sup>த<sup>4</sup>ம்மேபி கேசி அத்தனோ வா பரஸ்ஸ வா து<sup>3</sup>ச்சரிதகம்ம பச்சயா ப<sup>3</sup>ஹுங் து<sup>3</sup>க்க<sup>2</sup>ங் பச்சனுப<sup>4</sup>வந்தி. கேசி து<sup>3</sup>ச்சரிதகம்மேன த<sup>4</sup>னங் லபி<sup>4</sup>த்வா ஸுக<sup>2</sup>ங் பச்சனுப<sup>4</sup>வந்தி. ப<sup>3</sup>ஹுஜ்ஜனா ராக<sup>3</sup>மூலகங் ப<sup>3</sup>ஹுங் து<sup>3</sup>க்க<sup>2</sup>ங் பச்சனுப<sup>4</sup>வந்தி, தோ<sup>3</sup>ஸமூலகங் தி<sup>3</sup>ட்டி<sup>2</sup>மூலகங் மானமூலகந்தி.

அப்யாகதோ குஸலஸ்ஸபி ப<sup>3</sup>லவூபனிஸ்ஸயோ. த<sup>4</sup>ன ஸம்பத்தியா தா<sup>3</sup>னங் தே<sup>3</sup>தி, ஸீலங் பூரேதி, பஞ்ஞங் பூரேதி, பா<sup>4</sup>வனாஸப்பாயங் ஆவாஸங் வா லேணங் வா கு<sup>3</sup>ஹங்வா ருக்க<sup>2</sup>ங் வா அரஞ்ஞங் வா பப்<sup>3</sup>ப<sup>3</sup>தங் வா

கோ<sup>3</sup>சரகா<sup>3</sup>மங் வா உதுஸப்பாயங் வா ஆஹாரஸப்பாயங் வா லபி<sup>4</sup>த்வா தங் தங் பா<sup>4</sup>வனங் பா<sup>4</sup>வேதி.

அப்யாகதோ அகுஸலஸ்ஸபி ப<sup>3</sup>லவூபனிஸ்ஸயோ. லோகே சக்ரு<sup>2</sup>ஸம்பத<sup>3</sup>ங் நிஸ்ஸாய ப<sup>3</sup>ஹுனி த<sup>3</sup>ஸ்ஸனமூலானி அகுஸலானி உப்பஜ்ஜந்தி. ஏஸ நயோ ஸோதஸம்பதா<sup>3</sup>தீ<sup>3</sup>ஸு . ததா<sup>2</sup> ஹத்த<sup>2</sup>ஸம்பத<sup>3</sup>ங் பாத<sup>3</sup>ஸம்பத<sup>3</sup>ங் ஸத்த<sup>2</sup>ஸம்பத<sup>3</sup>ங் ஆவுத<sup>4</sup>ஸம்பத<sup>3</sup>ந்திஆதி<sup>3</sup>னாபி வத்தப்<sup>3</sup>போ<sup>3</sup>. ஏவங் உபனிஸ்ஸயோ திவிதோ<sup>4</sup> ஹோதி.

இத<sup>4</sup> ஸுத்தந்தூபனிஸ்ஸயோபி வத்தப்<sup>3</sup>போ<sup>3</sup>. கல்யாணமித்தங் உப நிஸ்ஸாய பாபமித்தங் உபனிஸ்ஸாய கா<sup>3</sup>மங் உபனிஸ்ஸாய அரஞ்ஞங் உபனிஸ்ஸாயாதிஆதி<sup>3</sup>னா ப<sup>3</sup>ஹுஸு டா<sup>2</sup>னேஸு ஆக<sup>3</sup>தோ. அபி ச பஞ்சனியாமத<sup>4</sup>ம்மா ஸத்தலோக ஸங்கா<sup>2</sup>ரலோக ஓகாஸலோக ஸங்கா<sup>2</sup>தானங் திண்ணங் லோகானங் அவிச்சி<sup>2</sup>ன்னப்பவத்தியா ப<sup>3</sup>லவபச்சயா ஹோந்தி. அயஞ்ச அத்தோ<sup>2</sup> நியாமதீ<sup>3</sup>பனியங் அம்ஹேஹி வித்தா<sup>2</sup>ரதோ தீ<sup>3</sup>பிதோதி.

கேனட்டே<sup>2</sup>ன ஆரம்மணூபனிஸ்ஸயோதி. அதி<sup>4</sup>பதிபூ<sup>4</sup>தங் ஆரம்மணமேவ ஆரம்மணிகத<sup>4</sup>ம்மானங் ப<sup>3</sup>லவனிஸ்ஸயட்டே<sup>2</sup>ன ஆரம்மணூப நிஸ்ஸயோ.

கேனட்டே<sup>2</sup>ன அனந்தரூபனிஸ்ஸயோதி. புரிமங் அனந்தரசித்தமேவ பச்சி<sup>2</sup>மஸ்ஸ அனந்தரசித்தஸ்ஸ உப்பஜ்ஜனத்தா<sup>2</sup>ய ப<sup>3</sup>லவனிஸ்ஸயட்டே<sup>2</sup>ன அனந்தரூபனிஸ்ஸயோ. மாதா விய புரிமசித்தங், புத்தோ விய பச்சி<sup>2</sup>மசித்தங். யதா<sup>2</sup> மாதா அத்தனோ அனந்தரே புத்தஸ்ஸ உப்பஜ்ஜனத்தா<sup>2</sup>ய ப<sup>3</sup>லவூப நிஸ்ஸயோ ஹோதி, ததா<sup>2</sup> புரிமசித்தங் பச்சி<sup>2</sup>மசித்தஸ்ஸ உப்பஜ்ஜனத்தா<sup>2</sup>யாதி.

கேனட்டே<sup>2</sup>ன பகதூபனிஸ்ஸயோதி. பகதியாவ லோகே பண்டி<sup>3</sup>தானங் பாகடோ உபனிஸ்ஸயோ பகதூபனிஸ்ஸயோ.

எத்த<sup>2</sup> ச அனந்தரூபனிஸ்ஸயானுபா<sup>4</sup>வோ அனந்தரசித்தே ஏவ ப<sup>2</sup>ரதி. பகதூபனிஸ்ஸயானுபா<sup>4</sup>வோ பன தூ<sup>3</sup>ரேபி ப<sup>2</sup>ரதியேவ. ததா<sup>2</sup> ஹி இமஸ்மிங் ப<sup>4</sup>வே புரிமேஸு தி<sup>3</sup>வஸேஸு வா மாஸேஸு வா ஸங்வச்ச<sup>2</sup>ரேஸு வா தி<sup>3</sup>ட்ட<sup>2</sup>ஸுதகா<sup>4</sup>யிதஸாயிதபு<sup>2</sup>ஸிதவிஞ்ஞாதானி ஆரம்மணானி பச்சா<sup>2</sup>ததா<sup>2</sup>ரூபே பச்சயே ஸதி வஸ்ஸஸதேபி மனோத்<sup>3</sup>வாரே ஆபாதங் ஆக<sup>3</sup>ச்ச<sup>2</sup>ந்தி. இத<sup>3</sup>ங் நாம புப்<sup>3</sup>பே<sup>3</sup> மயா தி<sup>3</sup>ட்ட<sup>2</sup>ங் ஸுதந்திஆதி<sup>3</sup>னா ஸத்தா அனுஸ்ஸரந்தி. ஓபபாதிகஸத்தா பன புரிமப<sup>4</sup>வங்பி அனுஸ்ஸரந்தி. ததா<sup>2</sup> மனுஸ்ஸேஸுபி அப்பேகச்சே ஜாதிஸ்ஸரஸஞ்ஞாலாபி<sup>4</sup>னோ. ததா<sup>2</sup> புப்<sup>3</sup>பே<sup>3</sup> அனேகஸதஸஹஸ்ஸேஸு தி<sup>3</sup>ட்டா<sup>2</sup>தீ<sup>3</sup>ஸு வத்தூ<sup>2</sup>ஸு பச்சா<sup>2</sup> ஏகஸ்மிங் க<sup>2</sup>ணே ஏகங் வத்து<sup>2</sup>ங் தி<sup>3</sup>ஸ்வா வா ஸுத்வா வா தஸ்மிங் ஏவ க<sup>2</sup>ணே ப<sup>3</sup>ஹுஸுபி

தேஸு மனோவிஞ்ஞாணஸந்தானங் ப²ரமானங் பவத்தீதி. உபனிஸ்ஸயபச்சய  
தீ³பனா நி²ட்டி²தா.

## 10. புரேஜாதபச்சயோ

திவிதோ<sup>4</sup> புரேஜாதபச்சயோ. வத்து<sup>2</sup>புரேஜாதபச்சயோ ச  
ஆரம்மணபுரேஜாதபச்சயோ ச வத்தா<sup>2</sup>ரம்மணபுரேஜாதபச்சயோ ச.

தத்த<sup>2</sup> வத்து<sup>2</sup>புரேஜாதோ ச வத்தா<sup>2</sup>ரம்மணபுரேஜாதோ ச புப்<sup>3</sup>பே<sup>3</sup>  
நிஸ்ஸயபச்சயே நிஸ்ஸயனாமேன வத்தா ஏவ.

ஆரம்மணபுரேஜாதோ நாம பச்சப்பன்னானி அட்டா<sup>2</sup>ரஸனிப்ப<sup>2</sup>ன்னருபானி  
ஏவ. தேஸுபி பச்சப்பன்னானி ரூபஸத்தா<sup>3</sup>தீ<sup>3</sup>னி பஞ்சாரம்மணானி பஞ்சன்னங்  
பஞ்சவிஞ்ஞாண வீதி<sup>2</sup>சித்தானங் நியமதோ ஆரம்மணபுரேஜாதபச்சயா ஹொந்தி.  
யதா<sup>2</sup> ஹி வீணாஸத்தா<sup>3</sup> நாம வீணாதந்தீஸு வீணாத<sup>3</sup>ண்ட<sup>3</sup>கேன பஹரண  
பச்சயா ஏவ உப்பஜ்ஜந்தி. ஏவஞ்ச ஸதி தே ஸத்தா<sup>3</sup> புரேஜாதாஹி வீணாதந்தி  
வீணாத<sup>3</sup>ண்ட<sup>3</sup>கேஹி வினா உப்பஜ்ஜிதுங் ந ஸக்கொந்தி. ஏவமேவங் பஞ்ச  
விஞ்ஞாண வீதி<sup>2</sup>சித்தானிபி பஞ்சஸு வத்து<sup>2</sup>த்<sup>3</sup>வாரேஸு பஞ்சன்னங்  
ஆரம்மணானங் ஆபாதாக<sup>3</sup>மன பச்சயா ஏவ உப்பஜ்ஜந்தி. ஆபாதாக<sup>3</sup>மனஞ்ச  
தேஸங் த்<sup>3</sup>வின்னங் டி<sup>2</sup>திபத்தகாலே ஏவ ஹொதி. ந கேவலஞ்ச தஸ்மிங் காலே  
தானி பஞ்சாரம்மணானி தேஸு பஞ்சவத்து<sup>2</sup>ஸு ஏவ ஆபாதமாக<sup>3</sup>ச்ச<sup>2</sup>ந்தி. அத<sup>2</sup>  
கோ<sup>2</sup> ப<sup>4</sup>வங்க<sup>3</sup>மனொத்<sup>3</sup>வாரேபி ஆபாதங் ஆக<sup>3</sup>ச்ச<sup>2</sup>ந்தியேவ. தஸ்மிங்  
ஆபாதக<sup>3</sup>மனத்தா ஏவ தங் ப<sup>4</sup>வங்க<sup>3</sup>ம்பி த்<sup>3</sup>விக்க<sup>2</sup>த்துங் சலித்வா உபச்சி<sup>2</sup>ஜ்ஜதி,  
ப<sup>4</sup>வங்கு<sup>3</sup>பச்சே<sup>2</sup>தே<sup>3</sup> ஏவ தானி வீதி<sup>2</sup>சித்தானி உப்பஜ்ஜந்தி. ஏவஞ்ச ஸதி தானி  
வீதி<sup>2</sup>சித்தானி புரேஜாதேஹி வத்து<sup>2</sup> த்<sup>3</sup>வாராரம்மணேஹி வினா உப்பஜ்ஜிதுங் ந  
ஸக்கொந்தீதி. தானி பன ஸப்<sup>3</sup>பா<sup>3</sup>னிபி அட்டா<sup>2</sup>ரஸனிப்ப<sup>2</sup>ன்னருபானி  
நிருத்தா<sup>4</sup>னி ஹுத்வா அதீதானிபி ஹொந்தி, அனுப்பன்னானி ஹுத்வா  
அனாக<sup>3</sup>தானிபி ஹொந்தி. உப்பன்னானி ஹுத்வா பச்சப்பன்னானிபி ஹொந்தி.  
ஸப்<sup>3</sup>பா<sup>3</sup>னிபி மனோவிஞ்ஞாணவீதி<sup>2</sup>சித்தானங் ஆரம்மணானி ஹொந்தி. தேஸு  
பச்சப்பன்னானி ஏவ தேஸங் ஆரம்மணபுரேஜாதபச்சயா ஹொந்தி. யதா<sup>3</sup> தூ<sup>3</sup>ரே  
வா படிச்ச<sup>2</sup>ன்னே வா டி<sup>2</sup>தங் தங் தங் ஆரம்மணவத்து<sup>2</sup>ங் மனஸா ஏவ  
ஆரம்மணங் கரோதி, ததா<sup>3</sup> தங் தங் வத்து<sup>2</sup> ஸசே தத்த<sup>2</sup> தத்த<sup>2</sup> விஜ்ஜமானங்  
ஹொதி, பச்சப்பன்னங் நாம ஹொதி. புரேஜாதபச்சயதீ<sup>3</sup>பனா நிடி<sup>2</sup>தா.



## 11. பச்சா²ஜாதபச்சயோ

பச்சி²மங் பச்சி²மங் பச்சுப்பன்னங் சித்தங் புரேஜாதஸ்ஸ பச்சுப்பன்னஸ்ஸ சது ஸமுட்டா²னிகஸ்ஸ ரூபகாயஸ்ஸ வுட்³டி⁴விருள்ஹியா பச்சா²ஜாதபச்சயோ. யதா² தங் பச்சி²மவஸ்ஸேஸு அனுவஸ்ஸங் வஸ்ஸமானானி வஸ்ஸோத³கானி புரிமவஸ்ஸேஸு ஜாதானங் ருக்க²போதகானங் வுட்³டி⁴விருள்ஹியா பச்சா²ஜாத பச்சயா ஹொந்தீதி.

தத்த² பச்சி²மங் பச்சி²மங் சித்தந்தி பட²மப⁴வங்க³தோ பட்டா²ய யாவ சுதி சித்தா ஸப்³ப³ங் சித்தங் வுச்சதி. புரேஜாதஸ்ஸாதி படிஸந்தி⁴சித்தேன ஸஹுப்பன்னங் கம்மஜரூபகாயங் ஆதி³ங் கத்வா அஜ்ஜ²த்தஸந்தானபரியாபன்னோ ஸப்³போ³ சதுஸமுட்டா²னிகரூபகாயோ வுச்சதி.

படிஸந்தி⁴சித்தேன ஸஹுப்பன்னஸ்ஸ கம்மஜரூபகாயஸ்ஸ பட²ம ப⁴வங்கா³தீ³னி பன்னரஸப⁴வங்க³சித்தானி பச்சா²ஜாதபச்சயா ஹொந்தி. படிஸந்தி⁴ சித்தங் பன தேன காயேன ஸஹுப்பன்னத்தா பச்ச²ஜாதங் ந ஹொதி. ஸோளஸமப⁴வங்க³சித்தஞ்ச தஸ்ஸ காயஸ்ஸ பி⁴ஜ்ஜனக்கெ²த்தே உப்பன்னத்தா பச்சயோ ந ஹொதி. தஸ்மா பன்னரஸப⁴வங்க³சித்தானி வித்தங்.

படிஸந்தி⁴சித்தஸ்ஸ டி²திக்க²ணே பன த³வே ரூபகாயா உப்பஜ்ஜந்தி கம்மஜரூபகாயோ ச உதுஜரூபகாயோச. ததா² ப⁴ங்க³க்க²ணேபி. பட²மப⁴வங்க³ஸ்ஸ உப்பாத³க்க²ணே பன தயோ ரூபகாயா உப்பஜ்ஜந்தி கம்மஜரூபகாயோ ச உதுஜரூபகாயோ ச சித்தஜரூபகாயோ ச. யதா³ ப³ஹித்³தா⁴ஹாரப்ப²ரணங் லபி⁴த்வா அஜ்ஜ²த்தாஹாரோ ஆஹாரஜரூபகாயங் ஜனேதி, ததோ பட்டா²ய சதுஸமுட்டா²னிகா சத்தாரோ ரூபகாயா தீ³ப ஜாலா விய பவத்தந்தி. தே உப்பாத³க்க²ணங் அதிக்கம்ம யாவ டி²திபா⁴வேன த⁴ரந்தி, தாவ பன்னரஸசித்தானி தேஸங் காயானங் பச்சா²ஜாதபச்சயா ஹொந்தியேவ.

வுட்³டி⁴விருள்ஹியாதி சதுஸமுட்டா²னிகரூபஸந்ததியா உபரூபரி வுட்³டி⁴யா ச விருள்ஹியா ச. ததா²ஹி புரிமா புரிமா சத்தாரோ ரூபகாயா ஸசே பச்சா²ஜாத பச்சயங் புனப்புனங் லப⁴ந்தி, ஏவங் ஸதி தே நிருஜ்ஜ²ந்தாபி பச்சா²ரூபஸந்திபரம்பரானங் வுட்³டி⁴யா ச விருள்ஹியா ச வேபுல்லாய ச ப³லவ பச்சயா ஹுத்வா நிருஜ்ஜ²ந்தீதி. பச்சா²ஜாதபச்சயதீ³பனா நிடி²தா.

## 12. ஆஸேவனபச்சயோ

த்<sup>3</sup>வாத<sup>3</sup>ஸ அகுஸலசித்தானி ஸத்தரஸ லோகியகுஸல சித்தானி  
ஆவஜ்ஜனத்<sup>3</sup>வயவஜ்ஜிதானி அட்டா<sup>2</sup>ரஸகிரியசித்தானீதி ஸத்த சத்தாலீஸங்  
லோகியஜவனசித்தானி ஆஸேவனபச்சயோ. தேஸு நிரந்தரப்பவத்தங்  
ஜவனஸந்ததிங் பத்வா புரிமங் புரிமங் ஜவனசித்தங் ஆஸேவன பச்சயோ.  
சதுஹி மக்<sup>3</sup>க<sup>3</sup>சித்தேஹி பச்சி<sup>2</sup>மங் பச்சி<sup>2</sup>மங் சித்தங் ஆஸேவனபச்சயுப்பன்னங்.

கேனட்டே<sup>2</sup>ன ஆஸேவனந்தி. உபருபரிபகு<sup>3</sup>ணபா<sup>4</sup>வவட்<sup>3</sup>ட<sup>4</sup>னத்த<sup>2</sup>ங்தா<sup>2</sup>ம  
ப<sup>3</sup>லவட்<sup>3</sup>ட<sup>4</sup>னத்த<sup>2</sup>ஞ்ச பரிவாஸக்<sup>3</sup>கா<sup>3</sup>ஹாபனட்டே<sup>2</sup>ன.

தத்த<sup>2</sup> பகு<sup>3</sup>ணபா<sup>4</sup>வோதி புனப்புனங் ஸஜ்ஜா<sup>2</sup>யிதஸ்ஸ பானிபாட<sup>2</sup>ஸ்ஸ  
ஸுகே<sup>2</sup>ன பவத்தனங் விய ஜவனட்டா<sup>2</sup>னஜவனகிச்சஸங்கா<sup>2</sup>தே  
டா<sup>2</sup>னகிச்சவிஸேஸே பச்சி<sup>2</sup>ம பச்சி<sup>2</sup>மசித்தஸ்ஸ ஸுகே<sup>2</sup>ன பவத்தனங்.  
பரிவாஸோ நாம கோஸய்யவத்த<sup>2</sup>ங் புனப்புனங் ஸுக<sup>3</sup>ந்தே<sup>4</sup>ன பரிவாஸனங்  
விய சித்தஸந்தானே புனப்புன்னங் ரஜ்ஜனது<sup>3</sup>ஸ்ஸனாதி<sup>3</sup>னா வா அரஜ்ஜன  
அது<sup>3</sup>ஸ்ஸனாதி<sup>3</sup>னா வா பரிவாஸனங். புரிமஸ்மிங் ஜவனசித்தே நிருத்<sup>3</sup>தே<sup>4</sup>பி  
தஸ்ஸ ஜவனவேகோ<sup>3</sup> ந நிருஜ்ஜ<sup>2</sup>தி, பச்சி<sup>2</sup>மங் சித்தஸந்தானங் ப<sup>2</sup>ரமானோ  
பவத்ததியேவ. தஸ்மா பச்சி<sup>2</sup>மங் பச்சி<sup>2</sup>மங் ஜவனசித்தங் உப்பஜ்ஜமானங் தேன  
வேகே<sup>3</sup>ன பக்<sup>3</sup>க<sup>3</sup>ஹிதங் ப<sup>3</sup>லவதரங் ஹுத்வா உப்பஜ்ஜதி. ஏவங் புரிமசித்தங்  
அத்தனோ பரிவாஸங் பச்சி<sup>2</sup>மசித்தங் க<sup>3</sup>ண்ஹாபேதி. பச்சி<sup>2</sup>மஞ்ச சித்தங்  
புரிமஸ்ஸ சித்தஸ்ஸ பரிவாஸங் க<sup>3</sup>ஹேத்வா பவத்ததி. ஏவங் ஸந்தேபி ஸோ  
ஆஸேவனவேகோ<sup>3</sup> பகதியா ஸத்தஹி சித்தவாரேஹி பரிக்க<sup>2</sup>யங் க<sup>3</sup>ச்ச<sup>2</sup>தி,  
ததோ பரங் ததா<sup>3</sup>ரம்மணவிபாக சித்தங் வா உப்பஜ்ஜதி, ப<sup>4</sup>வங்க<sup>3</sup> சித்தவாரோ  
வா பவத்ததி.

இத<sup>4</sup> ஸுத்தந்தாஸேவனபச்சயோபி வத்தப்<sup>3</sup>போ<sup>3</sup>. ஸதிபட்டா<sup>2</sup>னங்  
பா<sup>4</sup>வேதி, ஸம்மப்பதா<sup>4</sup>னங் பா<sup>4</sup>வேதி, ஸதிஸம்பொ<sup>3</sup>ஜ்ஜ<sup>2</sup>ங்க<sup>3</sup>ங் பா<sup>4</sup>வேதி,  
த<sup>4</sup>ம்ம விசயஸம்பொ<sup>3</sup>ஜ்ஜ<sup>2</sup>ங்க<sup>3</sup>ங் பா<sup>4</sup>வேதி, ஸம்மாதி<sup>3</sup>ட்டி<sup>2</sup>ங் பா<sup>4</sup>வேதி,  
ஸம்மாஸங்கப்பங் பா<sup>4</sup>வேதீதிஆதி<sup>3</sup>னா ப<sup>3</sup>ஹுஸு டா<sup>2</sup>னேஸு வுத்தோ. தத்த<sup>2</sup>  
பா<sup>4</sup>வேதீதி ஏகங்பி தி<sup>3</sup>வஸங் பா<sup>4</sup>வேதி, ஸத்தபி தி<sup>3</sup>வஸானி பா<sup>4</sup>வேதி,  
ஏகங்பி மாஸங் பா<sup>4</sup>வேதி, ஸத்தபி மாஸானி பா<sup>4</sup>வேதி, ஏகங்பி ஸங்வச்ச<sup>2</sup>ரங்  
பா<sup>4</sup>வேதி, ஸத்தபி ஸங்வச்ச<sup>2</sup>ரானி பா<sup>4</sup>வேதீதி அத்தோ<sup>2</sup>.

புரிமபுரிமேஸு ப<sup>4</sup>வேஸு ஆஸேவிதானி பா<sup>4</sup>விதானி ப<sup>3</sup>ஹுலீ கதானி  
குஸலானி வா அகுஸலானி வா பச்சி<sup>2</sup>மபச்சி<sup>2</sup>மேஸு ப<sup>4</sup>வேஸு ப<sup>3</sup>லவதரானங்  
குஸலானங் வா அகுஸலானங் வா உப்பத்தியா ஆஸேவன பச்சயோ.

காலந்தரே வா ப்<sup>4</sup>வந்தரே வா தாதி<sup>3</sup>ஸானங் குஸலாகுஸலானங்  
உப்பத்தியா பச்சயோ உபனிஸ்ஸயபச்சயோ நாம. தேஸங்யேவ ப்<sup>3</sup>லவதரத்தா<sup>2</sup>ய  
பச்சயோ ஆஸேவனபச்சயோ நாம.

லோகேபி மஹந்தேஸு சித்தபா<sup>4</sup>வனாகம்மேஸு வாசா  
பா<sup>4</sup>வனாகம்மேஸு காயபா<sup>4</sup>வனாகம்மேஸு  
அங்க<sup>3</sup>பச்சங்க<sup>3</sup>பா<sup>4</sup>வனாகம்மேஸு கம்மாயதனஸிப்பாயதனவிஜ்ஜாடா<sup>2</sup>னேஸு ச  
ஆஸேவனா பா<sup>4</sup>வனா ப்<sup>3</sup>ஹுலீகம்மானங் நிஸ்ஸந்த<sup>3</sup>கு<sup>3</sup>ணா நாம  
ஸந்தி<sup>3</sup>ஸ்ஸந்தியேவ.

ஸப்<sup>3</sup>பே<sup>3</sup>ஸங் க<sup>2</sup>ணிகத<sup>4</sup>ம்மானங் மஜ்ஜே<sup>2</sup> ஏவருபஸ்ஸ ஆஸேவன  
பச்சயஸ்ஸ விஜ்ஜமானத்தா புரிஸப்<sup>3</sup>லபுரிஸதா<sup>2</sup>மானங் உபருபரி வட்<sup>3</sup>ட்<sup>4</sup>ன  
வஸேன சிரகாலங் பவத்திதானி புரிஸகம்மானி நிப்ப<sup>2</sup>த்திங் பாபுணந்தி,  
ஸப்<sup>3</sup>புஞ்ஞபு<sup>3</sup>த்<sup>3</sup>த<sup>4</sup>பா<sup>4</sup>வங்பி க<sup>3</sup>ச்ச<sup>2</sup>ந்தி. ஆஸேவனபச்சயதீ<sup>3</sup>பனா நிட்டி<sup>2</sup>தா.

### 13. கம்மபச்சயோ

து<sup>3</sup>விதோ<sup>4</sup> கம்மபச்சயோ ஸஹஜாதகம்மபச்சயோ நானாக்க<sup>2</sup>ணிக கம்மபச்சயோ.

தத்த<sup>2</sup> க<sup>2</sup>ணத்தயஸமங்கி<sup>3</sup> பூ<sup>4</sup>தா ஸப்<sup>3</sup>பா<sup>3</sup>பி குஸலாகுஸலா ப்<sup>3</sup>யாகதசேதனா ஸஹஜாதகம்ம பச்சயோ. சேதனாஸம்பயுத்தா ஸப்<sup>3</sup>பே<sup>3</sup>பி சித்தசேதஸிகா த<sup>4</sup>ம்மாச படிஸந்தி<sup>4</sup>சித்தேன ஸஹுப்பன்னா கம்மஜ்ஞபத<sup>4</sup>ம்மா ச பவத்திகாலே ஸப்<sup>3</sup>பே<sup>3</sup>பி சித்தஜ்ஞபத<sup>4</sup>ம்மா ச தஸ்ஸ பச்சயஸ்ஸ பச்சயுப்பன்னா.

அதீதா குஸலாகுஸலசேதனா நானாக்க<sup>2</sup>ணிககம்ம பச்சயோ. பா<sup>3</sup>த்திங்ஸவிதா<sup>4</sup> லோகியவிபாக சித்தசேதஸிகா த<sup>4</sup>ம்மா ச ஸப்<sup>3</sup>பே<sup>3</sup> கம்மஜ்ஞபத<sup>4</sup>ம்மா ச தஸ்ஸ பச்சயஸ்ஸ பச்சயுப்பன்னா.

கேனட்டே<sup>2</sup>ன கம்மந்தி. கிரியாவிலேஸஸட்டே<sup>2</sup>ன கம்மங். சேதனா ஹி கிரியா விலேஸஸோ ஹோதி ஸப்<sup>3</sup>புகம்மேஸு ஜெட்ட<sup>2</sup>கத்தா. தா ஹி ஸப்<sup>3</sup>பே<sup>3</sup>ஸு காயவசீமனோகம்மேஸு பச்சபட்டி<sup>2</sup>தேஸு தஸ்ஸ தஸ்ஸ கம்மஸ்ஸ நிப்பத்தத்தா<sup>2</sup>ய ஸம்பயுத்தத<sup>4</sup>ம்மே சேதேதி கப்பேதி ஸங்வித<sup>3</sup>ஹதி, ஏகதோ உட்டா<sup>2</sup>பேதி, தஸ்மா ஸப்<sup>3</sup>புகம்மேஸு ஜெட்ட<sup>2</sup>கா ஹோதி. இதி கிரியாவிலேஸஸட்டே<sup>2</sup>ன கம்மங் நாம. கரொந்தி ஏதேனாதி வா கம்மங். கிங் கரொந்தி. காயிககிரியங்பி கரொந்தி, வாசஸிககிரியங்பி கரொந்தி, மாஸஸிககிரியங்பி கரொந்தி. தத்த<sup>2</sup> காயிககிரியா நாம க<sup>3</sup>மனடா<sup>2</sup>ன நிஸஜ்ஜாத<sup>3</sup>யோ அபி<sup>4</sup>க்கமனபடிக்கமனாத<sup>3</sup>யோ அந்தமஸோ அக்கி<sup>2</sup>த<sup>3</sup>லானங் உக்கி<sup>2</sup>பனநிக்கி<sup>2</sup>பனானிபி. வாசஸிககிரியா நாம வாசாபவத்தனகிரியா. மாஸஸிககிரியா நாம ஸுசிந்தித து<sup>3</sup>சிந்திதகிரியா, அந்தமஸோ பஞ்ச விஞ்ஞாணானங் த<sup>3</sup>ஸ்ஸனகிச்சஸவனகிச்சாதீ<sup>3</sup>னிபி. ஸப்<sup>3</sup>பா<sup>3</sup>பி இமா கிரியாயோ ஏதாய சேதனாய ஸத்தா கரொந்தி, ஸங்வித<sup>3</sup>ஹந்தி, தஸ்மா ஸா சேதனா கம்மங் நாம.

அத்தனோ பச்சயுப்பன்னேன ஸஹ ஜாயதீதி ஸஹஜாதங். ஸஹஜாதஞ்ச தங் கம்மஞ்சாதி ஸஹஜாதகம்மங். ஸஹஜாதகம்மங் ஹுத்வா பச்சயோ ஸஹஜாதகம்ம பச்சயோ. ஸஹஜாதகம்மபா<sup>4</sup>வேன பச்சயோதி வுத்தங் ஹோதி.

அஞ்ஞோ கம்மஸ்ஸ உப்பத்திக்க<sup>2</sup>ணோ அஞ்ஞோ விபாகஸ்ஸ உப்பத்திக்க<sup>2</sup>ணோதி ஏவங் விஸுங் விஸுங் உப்பத்திக்க<sup>2</sup>ணோ ஏதஸ்ஸாதி நானாக்க<sup>2</sup>ணிகங். நானாக்க<sup>2</sup>ணிகஞ்ச தங் கம்மஞ்சாதி நானாக்க<sup>2</sup>ணிககம்மங். நானாக்க<sup>2</sup>ணிககம்மங் ஹுத்வா பச்சயோ நானாக்க<sup>2</sup>ணிககம்மபச்சயோ.

நானாக்க<sup>2</sup>ணிககம்மபச்சயபா<sup>4</sup>வேன பச்சயோதி வுத்தங் ஹோதி.  
அரியமக்<sup>3</sup>ஸம்பயுத்தா சேதனா அத்தனோ நிருத்<sup>3</sup>தா<sup>4</sup>னந்தரே ஏவ  
அரியப<sup>2</sup>லவிபாகங் ஜனேதி, ஸாபி நானாக்க<sup>2</sup>ணிகா ஏவ ஹோதி.

எத்த<sup>2</sup> ச ஏகா தா<sup>3</sup>னகுஸலசேதனா அத்தனா ஸஹஜாதானங்  
சித்தசேதஸிகானஞ்ச காயிகவாசஸிககிரியாபூ<sup>4</sup>தானங் சித்தஜருபானஞ்ச  
ஸஹஜாதகம்மபச்சயோ. தாய சேதனாய ஆயதிங் காலந்தரே  
உப்பஜ்ஜமானஸ்ஸ விபாகக்க<sup>2</sup>ந்த<sup>4</sup>ஸ்ஸ ச கம்மஜருபக்க<sup>2</sup>ந்த<sup>4</sup>ஸ்ஸ ச  
நானாக்க<sup>2</sup>ணிக கம்மபச்சயோ. ஏவங் ஏகா கம்மபத<sup>2</sup>பத்தா  
ஸுசரிதது<sup>3</sup>ச்சரிதசேதனா த்<sup>3</sup>வீஸு காலேஸுத்<sup>3</sup>வின்னங் பச்சயுப்பன்னானங்  
த்<sup>3</sup>வீஹி பச்சயஸத்தீஹி பச்சயோ ஹோதீதி.

எத்த<sup>2</sup> ச நானாக்க<sup>2</sup>ணிககம்மபச்சயே கம்மந்தி கிரியாவிலேஸோ. ஸோ பன  
சேதனாய நிருத்<sup>3</sup>தா<sup>4</sup>யபி அனிருஜ்ஜி<sup>2</sup>த்வா தங் சித்தஸந்தானங்  
அனுக்<sup>3</sup>ச்ச<sup>2</sup>தியேவ. யதா<sup>3</sup> விபச்சிதுங் ஓகாஸங் லப<sup>4</sup>தி, ததா<sup>3</sup> ஸோ கிரியா  
விலேஸோ சுதினந்தரே ஏகோ அத்தபா<sup>4</sup>வோ ஹுத்வா விபச்சதி பாதுப<sup>4</sup>வதி.  
ஓகாஸங் பன அலப<sup>4</sup>மானா ப<sup>4</sup>வஸதங்பி ப<sup>4</sup>வஸஹஸ்ஸங்பி  
ப<sup>4</sup>வஸதஸஹஸ்ஸங்பி தங் ஸந்தானங் அனுக்<sup>3</sup>ச்ச<sup>2</sup>தியேவ. மஹக்<sup>3</sup>தகம்மங்  
பன லத்<sup>3</sup>தோ<sup>4</sup>காலேஸு ஸதி து<sup>3</sup>தியப<sup>4</sup>வே ப்<sup>3</sup>ரஹ்மலோகே ஏகோ  
ப்<sup>3</sup>ரஹ்மத்தபா<sup>4</sup>வோ ஹுத்வா விபச்சதி பாதுப<sup>4</sup>வதி. ஸுபரிபக்ககம்மத்தா பன  
து<sup>3</sup>தியப<sup>4</sup>வேயேவ கீ<sup>2</sup>யதி, ததோ பரங் நானுக்<sup>3</sup>ச்ச<sup>2</sup>தீதி. கம்மபச்சயதீ<sup>3</sup>பனா  
நிட்டி<sup>2</sup>தா.

## 14. விபாகபச்சயோ

சுத்திங்ஸவிதா<sup>4</sup> விபாகபூ<sup>4</sup>தா ஸஹஜாதசித்தசேதஸிகா த<sup>4</sup>ம்மா விபாக பச்சயோ. தேயேவ அஞ்ஞமஞ்ஞஞ்ச படிஸந்தி<sup>4</sup>க்க<sup>2</sup>ணே கம்மஜ்ஞுபானி ச பவத்திக்க<sup>2</sup>ணே விபாக சித்தஜாதானி சித்தஜ்ஞுபானி ச விபாகபச்சயுப்பன்னா.

கேனட்டே<sup>2</sup>ன விபாகோதி. விபச்சனட்டே<sup>2</sup>ன விபாகோ. விபச்சனங் நாம முது<sup>3</sup>தருணபா<sup>4</sup>வங் அதிகம்ம விபக்கபா<sup>4</sup>வங் ஆபஜ்ஜனங். கஸ்ஸ பன த<sup>4</sup>ம்மஸ்ஸ முது<sup>3</sup>தருணபா<sup>4</sup>வோ, கஸ்ஸ விபக்கபா<sup>4</sup>வோதி. நானாக்<sup>2</sup>ணிககம்மபச்சய ஸங்கா<sup>2</sup>தஸ்ஸ அதீதகம்மஸ்ஸ முது<sup>3</sup>தருணபா<sup>4</sup>வோ, தஸ்ஸேவ கம்மஸ்ஸ விபக்கபா<sup>4</sup>வோ.

தத்த<sup>2</sup> ஏகஸ்ஸ கம்மஸ்ஸ சதஸ்ஸோ அவத்தா<sup>2</sup>யோ ஹொந்தி சேதனா வத்தா<sup>2</sup> கம்மாவத்தா<sup>2</sup> நிமித்தாவத்தா<sup>2</sup> விபாகாவத்தா<sup>2</sup>தி.

தத்த<sup>2</sup> தாய சேதனாய நிருத்தா<sup>4</sup>யபி தஸ்ஸா கிரியா விஸேஸோ ந நிருஜ்ஜ<sup>2</sup>தி, தங் சித்தஸந்தானங் அனுக்<sup>3</sup>ச்ச<sup>2</sup>தியேவ. அயங் கம்மாவத்தா<sup>2</sup> நாம.

நிமித்தாவத்தா<sup>2</sup>தி தங் கம்மங் யதா<sup>3</sup> விபச்சிதுங் ஓகாஸங் லப<sup>4</sup>தி, ததா<sup>3</sup> மரணாஸன்னகாலே தஸ்ஸ புக்<sup>3</sup>க்<sup>3</sup>லஸ்ஸ தமேவ கம்மங் வா பச்சபட்டா<sup>2</sup>தி, ஸோ புக்<sup>3</sup>க்<sup>3</sup>லோ ததா<sup>3</sup> தா<sup>3</sup>னங் தெந்தோ விய ஸீலங் ரக்கந்தோ விய பாணகா<sup>4</sup>தங் வா கரொந்தோ விய ஹொதி. கம்மனிமித்தங் வா பச்சபட்டா<sup>2</sup>தி, தா<sup>3</sup>ன வத்து<sup>2</sup>ஆதி<sup>3</sup>கங் வா ஸத்தா<sup>2</sup>தி<sup>3</sup>கங் வா அஞ்ஞங் வாபி புப்<sup>3</sup>பே<sup>3</sup> தஸ்ஸ கம்மஸ்ஸ உபகரணபூ<sup>4</sup>தங் ஆரம்மணங் ததா<sup>3</sup> தஸ்ஸ புக்<sup>3</sup>க்<sup>3</sup>லஸ்ஸ ஹத்த<sup>2</sup>க<sup>3</sup>தங் விய ஹொதி. க<sup>3</sup>தினிமித்தங் வா பச்சபட்டா<sup>2</sup>தி, தி<sup>3</sup>ப்<sup>3</sup>பி<sup>3</sup>விமானாதி<sup>3</sup>கங் வா நிரயக்<sup>3</sup>கி<sup>3</sup>ஜாலாதி<sup>3</sup>கங் வா உப்பஜ்ஜமானப<sup>4</sup>வே உபலபி<sup>4</sup>தப்<sup>3</sup>பங் வா அனுப<sup>4</sup>விதப்<sup>3</sup>பங் வா ஆரம்மணங் ததா<sup>3</sup> தி<sup>3</sup>ஸ்ஸமானங் ஹொதி. அயங் நிமித்தா வத்தா<sup>2</sup> நாம.

விபாகாவத்தா<sup>2</sup>தி ஸசே ஸோ புக்<sup>3</sup>க்<sup>3</sup>லோ ததா<sup>2</sup> பச்சபட்டி<sup>2</sup>தங் தங் கம்மங் வா கம்மனிமித்தங் வா க<sup>3</sup>தினிமித்தங் வா ஏகங் ஆரம்மணங் அமுஞ்சமானோ மரதி, ததா<sup>3</sup> தங் கம்மங் தஸ்மிங்ப<sup>4</sup>வே விபச்சதி, தங் கம்மங் தஸ்மிங்ப<sup>4</sup>வே ஏகோ அத்தபா<sup>4</sup>வோ ஹுத்வா பாதுப<sup>4</sup>வதி . தத்த<sup>2</sup> புரிமாஸு தீஸு அவத்தா<sup>2</sup>ஸு தங் கம்மங் முது<sup>3</sup>தருணபூ<sup>4</sup>தங் ஹொதி, பச்சி<sup>2</sup>மங் பன விபாகாவத்த<sup>2</sup>ங் பத்வா விபக்கபூ<sup>4</sup>தங் ஹொதி. தேன வுத்தங் விபச்சனங் நாம முது<sup>3</sup>தருணபா<sup>4</sup>வங் அதிகம்ம விபக்கபா<sup>4</sup>வங் ஆபஜ்ஜனந்தி. ஏவங் விபக்கபா<sup>4</sup>வங் ஆபன்னோ சித்த சேதஸிகத<sup>4</sup>ம்மஸமுஹொ விபாகோ நாம.

தத்த<sup>2</sup> யதா<sup>2</sup> அம்ப<sup>3</sup>ப்ப<sup>2</sup>லானி நாம யதா<sup>3</sup> விபக்கபா<sup>4</sup>வங் ஆபஜ்ஜந்தி, ததா<sup>3</sup> ஸப்<sup>3</sup>பு<sup>3</sup>ஸோ ஸினித்<sup>3</sup>த<sup>4</sup>ருபானி ஹொந்தி. ஏவமேவங் விபாகத<sup>4</sup>ம்மா நாம

நிருஸ்ஸாஹா நிப்<sup>3</sup>யாபாரா ஹுத்வா ஸப்<sup>3</sup>பு<sup>3</sup>ஸோ ஸந்தரூபா ஹொந்தி.  
தேஸங் ஸந்தரூபத்தாயேவ ப<sup>4</sup>வங்க<sup>3</sup>சித்தானங் ஆரம்மணங் அவிபூ<sup>4</sup>தங்  
ஹொதி, ப<sup>4</sup>வங்க<sup>3</sup>தோ வட்டா<sup>2</sup>னகாலே தங் ஆரம்மணங் ந ஜானாதி. ததா<sup>2</sup>ஹி  
ரத்தியங் நித்<sup>3</sup>தா<sup>3</sup>யந்தஸ்ஸ புரிமப<sup>4</sup>வே மரணாஸன்னகாலே யதா<sup>2</sup>க<sup>3</sup>ஹிதங்  
கம்மாதி<sup>3</sup>கங் ஆரம்மணங் ஆரப்<sup>3</sup>ப<sup>4</sup> ப<sup>4</sup>வங்க<sup>3</sup>ஸோதங் பவத்தமானங்பி தஸ்ஸ  
ப<sup>4</sup>வங்க<sup>3</sup>ஸோதஸ்ஸ தங் ஆரம்மணங் ஆரப்<sup>3</sup>ப<sup>4</sup> இத<sup>3</sup>ங் நாம மே புரிமப<sup>4</sup>வே  
ஆரம்மணங் தி<sup>3</sup>ட்ட<sup>2</sup>ந்தி கஸ்ஸசி ஜானநவீதி<sup>2</sup>சித்தஸ்ஸ உப்பத்தியா பச்சயோ ந  
ஹொதி. ஸோ புக்<sup>3</sup>க<sup>3</sup>லோ நித்<sup>3</sup>தா<sup>3</sup>யனகாலேபி உட்டா<sup>2</sup>னகாலேபி  
புரிமப<sup>4</sup>வஸித்<sup>3</sup>த<sup>4</sup>ங் தங் நிமித்தங் ந ஜானாதி. ஏவங்  
நிருஸ்ஸாஹனிப்<sup>3</sup>யாபாரஸந்தரூப பா<sup>4</sup>வேன உபகாரகதா விபாகபச்சயதா  
நாமாதி. விபாக பச்சயதீ<sup>3</sup>பனா நிட்டி<sup>2</sup>தா.

## 15. ஆஹாரபச்சயோ

து<sup>3</sup>விதோ<sup>4</sup> ஆஹாரபச்சயோ ரூபாஹாரபச்சயோ அரூபாஹார பச்சயோ.

தத்த<sup>2</sup> ரூபாஹாரபச்சயோ நாம கப<sup>3</sup>ளீகாராஹாரஸங்கா<sup>2</sup>தங் ஓஜ ரூபங்  
வுச்சதி. ஸோ ச அஜ்ஜ<sup>2</sup>த்தாஹாரோ ப<sup>3</sup>ஹித்<sup>3</sup>தா<sup>4</sup>ஹாரோதி து<sup>3</sup>விதோ<sup>4</sup>.  
கப<sup>3</sup>ளீகாராஹாரப<sup>4</sup>க்கா<sup>2</sup>னங் ஸத்தானங் ஸப்<sup>3</sup>பே<sup>3</sup>பி  
சதுஸமுட்டா<sup>2</sup>னிகரூபத<sup>4</sup>ம்மா தஸ்ஸ து<sup>3</sup>வித<sup>4</sup>ஸ்ஸ ரூபாஹாரஸ்ஸ  
பச்சயுப்பன்னா.

அரூபாஹாரோ பன திவிதோ<sup>4</sup> ப<sup>2</sup>ஸ்ஸாஹாரோ மனோஸஞ்சேதனா  
ஹாரோ விஞ்ஞாணாஹாரோ ச. தயோபேதே த<sup>4</sup>ம்மா ஸஹஜாதானங்  
நாமரூபத<sup>4</sup>ம்மானங் ஆஹாரபச்சயோ ஹொந்தி. ஸஹஜாதா ச நாமரூப  
த<sup>4</sup>ம்மா தேஸங் பச்சயுப்பன்னா.

கேனட்டே<sup>2</sup>ன ஆஹாரோதி. பு<sup>4</sup>ஸங் ஹரணட்டே<sup>2</sup>ன ஆஹாரோ. பு<sup>4</sup>ஸங்  
ஹரணட்டே<sup>2</sup>னாதிச த<sup>3</sup>ள்ஹங் பவத்தாபனட்டே<sup>2</sup>ன, சிரகாலங் டி<sup>2</sup>தியா  
வுட்<sup>3</sup>டி<sup>4</sup>யா விருள்ஹியா வேபுல்லாய உபத்த<sup>2</sup>ம்ப<sup>4</sup>னட்டே<sup>2</sup>னாதி வுத்தங்  
ஹொதி. ஜனநகிச்சயுத்தோபி ஆஹாரோ உபத்த<sup>2</sup>ம்ப<sup>4</sup>னகிச்சப்பதா<sup>4</sup>னோ  
ஹொதீதி.

தத்த<sup>2</sup> து<sup>3</sup>விதோ<sup>4</sup> ரூபாஹாரோ அஜ்ஜ<sup>2</sup>த்தஸந்தானே சதுஸமுட்டா<sup>2</sup>னிகங்  
ரூபகாயங் உபப்<sup>3</sup>ரூஹயந்தோ பு<sup>4</sup>ஸங் ஹரதி, த<sup>3</sup>ள்ஹங் பவத்தேதி, சிரங்  
அத்<sup>3</sup>தா<sup>4</sup>னங் க<sup>3</sup>மேதி, தங் தங் ஆயுகப்பபரியோஸானங் பாபேதீதி ஆஹாரோ.

ப<sup>2</sup>ஸ்ஸாஹாரோ ஆரம்மணேஸு இட்டா<sup>2</sup>னிட்ட<sup>2</sup>ரஸங் நீஹரந்தோ  
ஸம்பயுத்தத<sup>4</sup>ம்மே பு<sup>4</sup>ஸங் ஹரதி. மனோஸஞ்சேதனாஹாரோ காயவசீ  
மனோகம்மேஸு உஸ்ஸாஹங் ஜனெந்தோ ஸம்பயுத்தத<sup>4</sup>ம்மே பு<sup>4</sup>ஸங்  
ஹரதி. விஞ்ஞாணாஹாரோ ஆரம்மணவிஜானந்தே<sup>2</sup>ன பு<sup>3</sup>ப<sup>3</sup>ங்க<sup>3</sup>மகிச்சங்  
வஹந்தோ ஸம்பயுத்தத<sup>4</sup>ம்மே பு<sup>4</sup>ஸங் ஹரதி, த<sup>3</sup>ள்ஹங் பவத்தேதி, சிரங்  
அத்<sup>3</sup>தா<sup>4</sup>னங் க<sup>3</sup>மேதீதி ஆஹாரோ. ஸம்பயுத்தத<sup>4</sup>ம்மே பு<sup>4</sup>ஸங் ஹரந்தோ  
ஸஹஜாதரூபத<sup>4</sup>ம்மேபி பு<sup>4</sup>ஸங் ஹரதியேவ.

இத<sup>4</sup> ஸுத்தந்தனயோபி வத்தப்<sup>3</sup>போ<sup>3</sup>. யதா<sup>2</sup> ஸகுணா நாம சக்க<sup>2</sup>ஹி  
தி<sup>3</sup>ஸாவிதி<sup>3</sup>ஸங் விபா<sup>4</sup>வெத்வா பத்தேஹி ருக்க<sup>2</sup>தோ ருக்க<sup>2</sup>ங் வனதோ வனங்  
ஆகாஸேன பக்க<sup>2</sup>ந்தி<sup>3</sup>த்வா துண்ட<sup>3</sup>கேஹி ப<sup>2</sup>லாப<sup>2</sup>லானி துதி<sup>3</sup>த்வா யாவஜீவங்  
அத்தானங் யாபெந்தி. ததா<sup>2</sup> இமே ஸத்தா ச<sup>2</sup>ஹி விஞ்ஞாணேஹி ஆரம்மணானி  
விபா<sup>4</sup>வெத்வா ச<sup>2</sup>ஹி மனோஸஞ்சேதனாஹாரேஹி  
ஆரம்மணவத்து<sup>2</sup>ப்படிபாப<sup>4</sup>த்தா<sup>2</sup>ய உஸ்ஸுக்கனங் கத்வா ச<sup>2</sup>ஹி  
ப<sup>2</sup>ஸ்ஸாஹாரேஹி ஆரம்மணேஸு ரஸங் பாதுப<sup>4</sup>வந்தங் கத்வா



ஸு<sup>௧</sup>து<sup>௩</sup>க்க<sup>௨</sup>ங் அனுப<sup>௪</sup>வந்தி. விஞ்ஞானேஹி வா ஆரம்மணானி  
விபா<sup>௪</sup>வெத்வா நாமரூப ஸம்பத்திங் ஸாதெ<sup>௪</sup>ந்தி. ப<sup>௨</sup>ஸ்ஸேஹி  
ஆரம்மணேஸு ரஸங் பாதுப<sup>௪</sup>வந்தங் கத்வா ஆரம்மணரஸானுப<sup>௪</sup>வனங்  
வேத<sup>௩</sup>னங் ஸம்பாதெ<sup>௩</sup>த்வா தண்ஹாவேபுல்லங் ஆபஜ்ஜந்தி. சேதனாஹி  
தண்ஹாமூலகானி நானாகம்மானி பஸவெத்வா ப<sup>௪</sup>வதோ ப<sup>௪</sup>வங்  
ஸங்ஸரந்தி. ஏவங் ஆஹாரத<sup>௪</sup>ம்மானங் மஹந்தங் ஆஹாரகிச்சங்  
வேதி<sup>௩</sup>தப்<sup>௩</sup>ப<sup>௩</sup>ந்தி. ஆஹாரபச்சயதீ<sup>௩</sup>பனா நிட்டி<sup>௨</sup>தா.

## 16. இந்த்<sup>3</sup>ரியபச்சயோ

திவிதோ<sup>4</sup> இந்த்<sup>3</sup>ரியபச்சயோ ஸஹஜாதிந்த்<sup>3</sup>ரியபச்சயோ புரே  
ஜாதிந்த்<sup>3</sup>ரியபச்சயோ ரூபஜீவிதிந்த்<sup>3</sup>ரியபச்சயோ.

தத்த<sup>2</sup> பன்னரஸிந்த்<sup>3</sup>ரியத<sup>4</sup>ம்மா ஸஹஜாதிந்த்<sup>3</sup>ரியபச்சயோ நாம,  
ஜீவிதிந்த்<sup>3</sup>ரியங் மனிந்த்<sup>3</sup>ரியங் ஸுகி<sup>2</sup>ந்த்<sup>3</sup>ரியங் து<sup>3</sup>க்கி<sup>2</sup>ந்த்<sup>3</sup>ரியங்  
ஸோமனஸ்ஸிந்த்<sup>3</sup>ரியங் தோ<sup>3</sup>மனஸ்ஸிந்த்<sup>3</sup>ரியங் உபெக்கி<sup>2</sup>ந்த்<sup>3</sup>ரியங்  
ஸத்<sup>3</sup>தி<sup>4</sup>ந்த்<sup>3</sup>ரியங் வீரியிந்த்<sup>3</sup>ரியங் ஸதிந்த்<sup>3</sup>ரியங் ஸமாதி<sup>4</sup>ந்த்<sup>3</sup>ரியங்  
பஞ்ஞிந்த்<sup>3</sup>ரியங் அனஞ்ஞாதஞ்ஞஸ்ஸாமீதிந்த்<sup>3</sup>ரியங் அஞ்ஞிந்த்<sup>3</sup>ரியங்  
அஞ்ஞாதாவிந்த்<sup>3</sup>ரியந்தி. தேஹி ஸஹஜாதா சித்தசேதஸிகத<sup>4</sup>ம்மா ச  
ரூபத<sup>4</sup>ம்மா ச தஸ்ஸ பச்சயுப்பன்னா.

பஞ்சிந்த்<sup>3</sup>ரியரூபானி புரேஜாதிந்த்<sup>3</sup>ரியபச்சயோ, சக்கு<sup>2</sup>ந்த்<sup>3</sup>ரியங்  
ஸோதிந்த்<sup>3</sup>ரியங் கா<sup>4</sup>னிந்த்<sup>3</sup>ரியங் ஜிவ்ஹிந்த்<sup>3</sup>ரியங் காயிந்த்<sup>3</sup>ரியங்.  
பஞ்சவிஞ்ஞாணசித்த சேதஸிக த<sup>4</sup>ம்மா தஸ்ஸ பச்சயுப்பன்னா.

ஏகங் ரூபஜீவிதிந்த்<sup>3</sup>ரியங் ரூபஜீவிதிந்த்<sup>3</sup>ரியபச்சயோ. ஸப்<sup>3</sup>பா<sup>3</sup>னி கம்மஜ  
ரூபானி ஜீவிதரூபவஜ்ஜிதானி தஸ்ஸ பச்சயுப்பன்னானி.

கேனட்டே<sup>2</sup>ன இந்த்<sup>3</sup>ரியந்தி. இஸ்ஸரியட்டே<sup>2</sup>ன இந்த்<sup>3</sup>ரியங். தத்த<sup>2</sup> கத்த<sup>2</sup>  
இஸ்ஸரியந்தி. அத்தனோ அத்தனோ பச்சயுப்பன்னேஸு த<sup>4</sup>ம்மேஸு  
இஸ்ஸரியங். கஸ்மிங் கஸ்மிங் கிச்சே இஸ்ஸரியந்தி . அத்தனோ அத்தனோ  
கிச்சே இஸ்ஸரியங். நாமஜீவிதங் ஸம்பயுத்தத<sup>4</sup>ம்மானங் ஜீவனகிச்சே  
இஸ்ஸரியங். ஜீவனகிச்சேதி ஆயுவட்<sup>3</sup>ட<sup>4</sup>னகிச்சே, ஸந்ததிடி<sup>2</sup>தியா  
சிரகாலடி<sup>2</sup>திகிச்சேதி அத்தோ<sup>2</sup>. மனிந்த்<sup>3</sup>ரியங் ஆரம்மணக்<sup>3</sup>ஹணகிச்சே  
ஸம்பயுத்தத<sup>4</sup>ம்மானங் இஸ்ஸரியங். அவஸேஸோ இந்த்<sup>3</sup>ரியட்டோ<sup>2</sup> புப்<sup>3</sup>பே<sup>3</sup>  
இந்த்<sup>3</sup>ரியயமகதீ<sup>3</sup>பனியங் வுத்தோயேவ.

எத்த<sup>2</sup> வதெ<sup>3</sup>ய்ய, த்<sup>3</sup>வே இத்தி<sup>2</sup>ந்த்<sup>3</sup>ரியபுரிஸிந்த்<sup>3</sup>ரியத<sup>4</sup>ம்மா இந்த்<sup>3</sup>ரியபூ<sup>4</sup>தா  
ஸமானாபி கஸ்மா இந்த்<sup>3</sup>ரியபச்சயே விஸுங் ந க<sup>3</sup>ஹிதாதி. பச்சயகிச்சஸ்ஸ  
அபா<sup>4</sup>வதோ. திவித<sup>4</sup>ஞ்ஹி பச்சயகிச்சங் ஜனநகிச்சஞ்ச உபத்த<sup>2</sup>ம்ப<sup>4</sup>னகிச்சஞ்ச  
அனுபாலனகிச்சஞ்ச. தத்த<sup>2</sup> யோ பச்சயோ பச்சயுப்பன்னத<sup>4</sup>ம்மஸ்ஸ  
உப்பாதா<sup>3</sup>ய பச்சயோ ஹோதி, யஸ்மிங் அஸதி பச்சயுப்பன்னோ த<sup>4</sup>ம்மோ ந  
உப்பஜ்ஜதி, தஸ்ஸ பச்சயகிச்சங் ஜனநகிச்சங் நாம. யதா<sup>2</sup> அனந்தரபச்சயோ.  
யோ பச்சயோ பச்சயுப்பன்னத<sup>4</sup>ம்மஸ்ஸ டி<sup>2</sup>தியா ச வுட்<sup>3</sup>டி<sup>4</sup>யா ச  
விருள்ஹியா ச பச்சயோ ஹோதி, யஸ்மிங் அஸதி பச்சயுப்பன்னோ த<sup>4</sup>ம்மோ  
ந திட்ட<sup>2</sup>தி ந வட்<sup>3</sup>ட<sup>4</sup>தி ந விருஹதி, தஸ்ஸ பச்சயகிச்சங்  
உபத்த<sup>2</sup>ம்ப<sup>4</sup>னகிச்சங் நாம. யதா<sup>2</sup> பச்சா<sup>2</sup>ஜாதபச்சயோ. யோ பச்சயோ

பச்சயுப்பன்னஸ்ஸ த<sup>4</sup>ம்மஸ்ஸ பவத்தியா பச்சயோ ஹோதி, யேன வினா பச்சயுப்பன்னோ த<sup>4</sup>ம்மோ சிரகாலங் ந பவத்ததி, ஸந்ததி க<sup>3</sup>மனங் சி<sup>2</sup>ஜ்ஜதி, தஸ்ஸ பச்சய கிச்சங் அனுபாலனகிச்சங் நாம. யதா<sup>2</sup> ரூப ஜீவிதிந்த்<sup>3</sup>ரியபச்சயோ. ஏதே பன த்<sup>3</sup>வே இந்த்<sup>3</sup>ரியத<sup>4</sup>ம்மா தேஸு தீஸு பச்சய கிச்சேஸு ஏககிச்சங்பி நஸாதெ<sup>4</sup>ந்தி, தஸ்மா ஏதே த்<sup>3</sup>வே த<sup>4</sup>ம்மா இந்த்<sup>3</sup>ரிய பச்சயே விஸுங் ந க<sup>3</sup>ஹிதாதி.

ஏதங் ஸந்தே ஏதே த்<sup>3</sup>வே த<sup>4</sup>ம்மா இந்த்<sup>3</sup>ரியாதிபி ந வத்தப்<sup>3</sup>பா<sup>3</sup>தி. நோ ந வத்தப்<sup>3</sup>பா<sup>3</sup>. கஸ்மா. இந்த்<sup>3</sup>ரியகிச்சஸப்<sup>3</sup>பா<sup>4</sup>வதோதி. கிங் பன ஏதேஸங் இந்த்<sup>3</sup>ரியகிச்சந்தி. லிங்க<sup>3</sup>னிமித்தகுத்தஆகப்பேஸு இஸ்ஸரதா இந்த்<sup>3</sup>ரிய கிச்சங். ததா<sup>2</sup> ஹி யஸ்ஸ புக்<sup>3</sup>க<sup>3</sup>லஸ்ஸ படிஸந்தி<sup>4</sup>க்க<sup>2</sup>ணே இத்தி<sup>2</sup>ந்த்<sup>3</sup>ரியரூபங் உப்பஜ்ஜதி, தஸ்ஸ ஸந்தானே சதூஹி கம்மாதீ<sup>3</sup>ஹி பச்சயேஹி உப்பன்னா பஞ்சக்க<sup>2</sup>ந்த<sup>4</sup> த<sup>4</sup>ம்மா இத்தி<sup>2</sup>பா<sup>4</sup>வாய பரிணமந்தி, ஸோ அத்தபா<sup>4</sup>வோ ஏகந்தேன இத்தி<sup>2</sup>லிங்க<sup>3</sup> இத்தி<sup>2</sup>னிமித்த இத்தி<sup>2</sup>குத்த இத்தா<sup>2</sup>கப்பயுத்தோ ஹோதி, நோ அஞ்ஞதா<sup>2</sup>. ந ச இத்தி<sup>2</sup>ந்த்<sup>3</sup>ரியரூபங் தே பஞ்சக்க<sup>2</sup>ந்த<sup>4</sup>த<sup>4</sup>ம்மே ஜனேதி, ந ச உபத்த<sup>2</sup>ம்ப<sup>4</sup>தி, நாபி அனுபாலேதி, அத<sup>2</sup> கோ<sup>2</sup> தே த<sup>4</sup>ம்மா அத்தனோ அத்தனோ பச்சயேஹி உப்பஜ்ஜமானா ஏவஞ்சேவஞ்ச உப்பஜ்ஜந்தூதி ஆணங் ட<sup>2</sup>பெந்தங் விய தேஸு அத்தனோ அனுபா<sup>4</sup>வங் பவத்தேதி. தே ச த<sup>4</sup>ம்மா ததே<sup>2</sup>வ உப்பஜ்ஜந்தி, நோ அஞ்ஞதா<sup>2</sup>தி. அயங் இத்தி<sup>2</sup>ந்த்<sup>3</sup>ரியரூபஸ்ஸ இத்தி<sup>2</sup>லிங்கா<sup>3</sup>தீ<sup>3</sup>ஸு இஸ்ஸரதா. ஏஸ நயோ புரிஸிந்த்<sup>3</sup>ரியரூபஸ்ஸ புரிஸலிங்கா<sup>3</sup>தீ<sup>3</sup>ஸு இஸ்ஸரதாயங். ஏவங் ஏதே த்<sup>3</sup>வே த<sup>4</sup>ம்மா லிங்கா<sup>3</sup>தீ<sup>3</sup>ஸு இந்த்<sup>3</sup>ரியகிச்ச ஸப்<sup>3</sup>பா<sup>4</sup>வதோ இந்த்<sup>3</sup>ரியா நாம ஹோந்தீதி.

ஹத<sup>3</sup>யவத்து<sup>2</sup>ரூபங் பன த்<sup>3</sup>வின்னங் விஞ்ஞாணதா<sup>4</sup>தூனங் நிஸ்ஸயவத்து<sup>2</sup>கிச்சங் ஸாத<sup>4</sup>யமானங்பி தாஸு இந்த்<sup>3</sup>ரியகிச்சங் ந ஸாதே<sup>4</sup>தி. ந ஹி பா<sup>4</sup>வித சித்தஸ்ஸ புக்<sup>3</sup>க<sup>3</sup>லஸ்ஸ ஹத<sup>3</sup>யரூபே பஸன்னேவா அப்பஸன்னே வா ஜாதேபி மனோவிஞ்ஞாணதா<sup>4</sup>துயோ தத<sup>3</sup>னுவத்திகா ஹோந்தீதி. இந்த்<sup>3</sup>ரிய பச்சயதீ<sup>3</sup>பனா நிட்டி<sup>2</sup>தா.

## 17. ஜா²னபச்சயோ

ஸத்த ஜா²னங்கா³னி ஜா²னபச்சயோ, விதக்கோ விசாரோ பீதி  
ஸோமனஸ்ஸங் தோ³மனஸ்ஸங் உபெக்கா² ஏகக்³க³தா. தேஹி ஸஹஜாதா  
பஞ்சவிஞ்ஞாணவஜ்ஜிதா சித்தசேதஸிகத⁴ம்மா ச ரூபத⁴ம்மா ச தஸ்ஸ  
பச்சயுப்பன்னா.

கேனட்டே²ன ஜா²னந்தி. உபனிஜ்ஜா²யனட்டே²ன ஜா²னங். உபனிஜ்ஜா²ய  
நட்டே²னாதி ச மனஸா ஆரம்மணங் உபக³ந்த்வா நிஜ்ஜா²யனட்டே²ன  
பெக்க²னட்டே²ன. யதா² ஹி இஸ்ஸாஸோ தூ³ரே ட²த்வா கு²த்³த³கே  
லக்க²மண்ட³லே ஸரங் பவேஸெந்தோ ஹத்தே²ஹி ஸரங் உஜுகஞ்ச  
நிச்சலஞ்ச கத்வா மண்ட³லஞ்ச விபு⁴தங் கத்வா சக்கு²னா நிஜ்ஜா²யந்தோ  
பவேஸேதி. ஏவமேவ இமேஹி அங்கே³ஹி சித்தங் உஜுகஞ்ச நிச்சலஞ்ச கத்வா  
ஆரம்மணஞ்ச விபு⁴தங் கத்வா நிஜ்ஜா²யந்தோ புக்³க³லோ உபனிஜ்ஜா²யதீதி  
வுச்சதி. ஏவங் உபனிஜ்ஜா²யித்வா யங்கிஞ்சி காயகம்மங் வா வசீகம்மங் வா  
மனோகம்மங் வா கரொந்தோ அவிரஜ்ஜ²மானோ கரோதி.

தத்த² காயகம்மங் நாம அபி⁴க்கமப்படிக்கமாதிகங் வுச்சதி. வசீகம்மங் நாம  
அக்க²ரவண்ணபரிபுண்ணங் வசீபே⁴த³கரணங் வுச்சதி. மனோகம்மங் நாம  
யங்கிஞ்சி மனஸா ஆரம்மணவிபா⁴வனங் வுச்சதி. தா³னகம்மங் வா  
பாணாதிபாத கம்மங் வா அனுரூபேஹி ஜா²னங்கே³ஹி வினா து³ப்³ப³லேன  
சித்தேன காதூங் ந ஸக்கா ஹோதி. ஏஸ நயோ ஸேஸேஸு குஸலாகுஸல  
கம்மேஸுதி.

அயஞ்ச அத்தோ² விதக்காதீ³னங் ஜா²னங்க³த⁴ம்மானங் விஸுங் விஸுங்  
ஸபா⁴வ லக்க²ணேஹி தீ³பேதப்³போ³. ஸம்பயுத்தத⁴ம்மே  
ஆரம்மணாபி⁴னிரோபன லக்க²ணோ விதக்கோ, ஸோ சித்தங் ஆரம்மணே  
த³ள்ஹங் நியோஜேதி. ஆரம்மணானுமஜ்ஜனலக்க²ணோ விசாரோ, ஸோ சித்தங்  
ஆரம்மணே த³ள்ஹங் ஸங்யோஜேதி. ஆரம்மணஸம்பியாயனலக்க²ணாபீதி, ஸா  
சித்தங் ஆரம்மணே பரிதுட்ட²ங் கரோதி. திஸ்ஸோபி வேத³னா  
ஆரம்மணரஸானு ப⁴வனலக்க²ணா, தாபி சித்தங் ஆரம்மணே  
இட்டா²னிட்ட²மஜ்ஜ²த்தரஸானுப⁴வன கிச்சேன த³ள்ஹப்படிப³த்³த⁴ங் கரொந்தி.  
ஸமாதா⁴னலக்க²ணா ஏகக்³க³தா, ஸாபி சித்தங் ஆரம்மணே நிச்சலங் கத்வா  
ட²பேதீதி. ஜா²னபச்சயதீ³பனா நிட்டி²தா.

## 18. மக்³க³பச்சயோ

த்³வாத³ஸ மக்³க³ங்கா³னி மக்³க³பச்சயோ ஸம்மாதி³ட்டி² ஸம்மாஸங்கப்போ ஸம்மா வாசா ஸம்மாகம்மந்தோ ஸம்மாஆஜீவோ ஸம்மாவாயாமோ ஸம்மாஸதி ஸம்மாஸமாதி⁴ மிச்சா²தி³ட்டி² மிச்சா²ஸங்கப்போ மிச்சா²வாயாமோ மிச்சா²ஸமாதி⁴. ஸேஸா மிச்சா²வாசா மிச்சா²கம்மந்தோ மிச்சா²ஆஜீவோதி தயோ த⁴ம்மா விஸுங் சேதஸிகத⁴ம்மா ந ஹொந்தி. முஸாவாதா³தி³வஸேன பவத்தானங் சதுன்னங் அகுஸலக்²ந்தா⁴னங் நாமங். தஸ்மா தே மக்³க³பச்சயே விஸுங் ந க³ஹிதாதி. ஸப்³பே³ ஸஹேதுகா சித்த சேதஸிகத⁴ம்மா ச ஸஹேதுகசித்தஸஹ ஜாதா ரூபத⁴ம்மா ச தஸ்ஸ பச்சயுப்பன்னா.

கேனட்டே²ன மக்³கோ³தி. ஸுக³திது³க்³க³தினிப்³பா³ன தி³ஸாதே³ஸஸம்பா பனட்டே²ன மக்³கோ³. ஸம்மாதி³ட்டி²ஆதி³கானி ஹி அட்ட² ஸம்மாமக்³க³ங்கா³னி ஸுக³தி தி³ஸாதே³ஸஞ்ச நிப்³பா³னதி³ஸாதே³ஸஞ்ச ஸம்பாபனத்தா²ய ஸங்வத்தந்தி. சத்தாரி மிச்சா²மக்³க³ங்கா³னி து³க்³க³திதி³ஸாதே³ஸங் ஸம்பாபனத்தா²ய ஸங்வத்தந்தீதி.

தத்த² ஜா²னபச்சயோ ஆரம்மணே சித்தங் உஜுங் கரோதி, தி²ரங் கரோதி, அப்பனாபத்தங் கரோதி. அப்பனாபத்தங் நாம க³ம்பீ⁴ரே உத³கே பக்கி²த்தோ மச்சோ²விய கஸிணனிமித்தாதி³கே நிமித்தாரம்மணே அனுபவிட்ட²ங் சித்தங் பவுச்சதி. மக்³க³பச்சயோ வட்டபதே² சேதனாகம்மங் விவட்டபதே² பா⁴வனாகம்மங் உஜுங் கரோதி, தி²ரங் கரோதி, கம்மபத²பத்தங் கரோதி, வுத்³தி⁴ங் விருள்ஹிங் வேபுல்லங் கரோதி, பூ⁴மந்தரபத்தங் கரோதி. அய மேதேஸங் த³வின்னங் பச்சயானங் விஸேஸோ.

தத்த² கம்மபத²பத்தங் நாம பாணாதிபாதாதீ³னங் குஸலாகுஸல கம்மானங் அங்க³பாரிபூரியா படிஸந்தி⁴ஜனநே ஸமத்த²பா⁴வஸங்கா²தங் கம்மக³திங் பத்தங் சேதனாகம்மங். பூ⁴மந்தரபத்தங் நாம பா⁴வனானுக்கமேன காம பூ⁴மிதோ பட்டா²ய யாவ லோகுத்தரபூ⁴மியா ஏகஸ்மிங்இரியாபதே²பி உபரூபரிபூ⁴மிங் பத்தங் பா⁴வனாகம்மங். அயஞ்ச அத்தோ² ஜா²னபச்சயே வுத்தனயேன ஸம்மாதி³ட்டி²ஆதி³கானங் மக்³க³ங்க³த⁴ம்மானங் விஸுங் விஸுங் ஸபா⁴வ லக்க²ணேஹி தீ³பேதப்³போ³தி. மக்³க³பச்சயதீ³பனா நிட்டி²தா.

## 19. ஸம்பயுத்தபச்சயோ

ஸம்பயுத்தபச்சயோ விப்பயுத்தபச்சயோதி ஏகங் து<sup>3</sup>க்கங். அத்தி<sup>2</sup> பச்சயோ நத்தி<sup>2</sup> பச்சயோதி ஏகங் து<sup>3</sup>க்கங். விக<sup>3</sup>தபச்சயோ அவிக<sup>3</sup>த பச்சயோதி ஏகங் து<sup>3</sup>க்கங். இமானி தீணி பச்சயது<sup>3</sup>க்கானி விஸுங் பச்சய விஸேஸானி ந ஹொந்தி. புப்<sup>3</sup>பே<sup>3</sup> ஆக<sup>3</sup>தேஸு பச்சயேஸு கேசி பச்சயா அத்தனோ பச்சயுப்பன்னேஹி ஸம்பயுத்தா ஹுத்வா பச்சயத்தங் க<sup>3</sup>ச்ச<sup>2</sup>ந்தி, கேசி விப்பயுத்தா ஹுத்வா, கேசி விஜ்ஜமானா ஹுத்வா, கேசி அவிஜ்ஜமானா ஹுத்வா, கேசி விக<sup>3</sup>தா ஹுத்வா, கேசி அவிக<sup>3</sup>தா ஹுத்வா பச்சயத்தங் க<sup>3</sup>ச்ச<sup>2</sup>ந்தீதி த<sup>3</sup>ஸ்ஸனத்த<sup>2</sup>ங் இமானி தீணி பச்சயது<sup>3</sup>க்கானி வுத்தானி.

எத்த<sup>2</sup> ச அத்தீ<sup>2</sup>தி கோ<sup>2</sup> கச்சான அயமேகோ அந்தோ, நத்தீ<sup>2</sup>தி கோ<sup>2</sup> து<sup>3</sup>தியோ அந்தோதி ஏவருபேஸு டா<sup>2</sup>னேஸு அத்தி<sup>2</sup>னத்தி<sup>2</sup>ஸத்<sup>3</sup>தா<sup>3</sup> ஸஸ்ஸதுச்சே<sup>2</sup>தே<sup>3</sup>ஸுபவத்தந்தி, தஸ்மா ஏவருபானங் அத்தா<sup>2</sup>னங் நிவத்தனத்த<sup>2</sup>ங் புன விக<sup>3</sup>தது<sup>3</sup>க்கங் வுத்தங்.

ஸப்<sup>3</sup>பே<sup>3</sup>பி ஸஹஜாதா சித்தசேதஸிகா த<sup>4</sup>ம்மா அஞ்ஞமஞ்ஞஸ்ஸ பச்சயா சேவ ஹொந்தி பச்சயுப்பன்னா ச.

கேனட்டே<sup>2</sup>ன ஸம்பயுத்தோ. ஏகுப்பாத<sup>3</sup>தா ஏகனிரோத<sup>4</sup>தா ஏகவத்து<sup>2</sup>கதா ஏகாரம்மணதாதி இமேஹி சதூஹி ஸம்பயோக<sup>3</sup>ங்கே<sup>3</sup>ஹி ஸமன்னாக<sup>3</sup>தோ ஹுத்வா ஸங்யுத்தோ ஏகீபா<sup>4</sup>வங் க<sup>3</sup>தோதி ஸம்பயுத்தோ.

தத்த<sup>2</sup> ஏகீபா<sup>4</sup>வங் க<sup>3</sup>தோதி சக்கு<sup>2</sup>விஞ்ஞாணங் ப<sup>2</sup>ஸ்ஸாதீ<sup>3</sup>ஹி ஸத்தஹி சேதஸிகேஹி ஸஹ ஏகீபா<sup>4</sup>வங் க<sup>3</sup>தங் ஹொதி, த<sup>3</sup>ஸ்ஸனந்தி ஏகங் வோஹாரங் க<sup>3</sup>ச்ச<sup>2</sup>தி. அட்ட<sup>2</sup> த<sup>4</sup>ம்மா விஸுங் விஸுங் வோஹாரங் ந க<sup>3</sup>ச்ச<sup>2</sup>ந்தி, வினிப்<sup>3</sup>பு<sup>4</sup>ஜ்ஜித்வா விஞ்ஞாதுங் ந ஸக்கோதி. ஏஸ நயோ ஸேஸேஸு ஸப்<sup>3</sup>பிசித்துப்பாதே<sup>3</sup>ஸுதி. ஸம்பயுத்தபச்சயதீ<sup>3</sup>பனா நிட்டி<sup>2</sup>தா.

## 20. விப்பயுத்தபச்சயோ

சதுப்<sup>3</sup>பி<sup>3</sup>தோ<sup>4</sup> விப்பயுத்தபச்சயோ, ஸஹஜாதோ வத்து<sup>2</sup>புரே ஜாதோ  
வத்தா<sup>2</sup>ரம்மணபுரேஜாதோ பச்சா<sup>2</sup>ஜாதோதி.

தத்த<sup>2</sup> ஸஹஜாதவிப்பயுத்தோ நாம த்<sup>3</sup>விஸு ஸஹஜாதபச்சய  
பச்சயுப்பன்னேஸு நாமருபேஸு நாமங் வா ரூபஸ்ஸ ரூபங் வா நாமஸ்ஸ  
விப்பயுத்தங் ஹுத்வா பச்சயோ. தத்த<sup>2</sup> நாமந்தி பவத்திகாலே  
சதுக்க<sup>2</sup>ந்த<sup>4</sup>னாமங், ரூபஸ்ஸாதி சித்தஜரூபஸ்ஸ, ரூபந்தி படிஸந்தி<sup>4</sup>க்க<sup>2</sup>ணே  
ஹத<sup>3</sup>யவத்து<sup>2</sup>ரூபங், நாமஸ்ஸாதி படிஸந்தி<sup>4</sup>சதுக்க<sup>2</sup>ந்த<sup>4</sup>னாமஸ்ஸ. ஸேஸா  
தயோபி விப்பயுத்தபச்சயா புப்<sup>3</sup>பே<sup>3</sup> விப<sup>4</sup>த்தா ஏவாதி. விப்பயுத்தபச்சயதீ<sup>3</sup>பனா  
நிட்டி<sup>2</sup>தா.

## 21. அத்தி<sup>2</sup>பச்சயோ

ஸத்தவிதோ<sup>4</sup> அத்தி<sup>2</sup>பச்சயோ, ஸஹஜாதத்தி<sup>2</sup>பச்சயோ வத்து<sup>2</sup>புரே ஜாதத்தி<sup>2</sup>பச்சயோ ஆரம்மணபுரேஜாதத்தி<sup>2</sup>பச்சயோ வத்தா<sup>2</sup>ரம்மணபுரே ஜாதத்தி<sup>2</sup>பச்சயோ பச்சா<sup>2</sup>ஜாதத்தி<sup>2</sup>பச்சயோ ரூபாஹாரத்தி<sup>2</sup>பச்சயோ ரூப ஜீவிதிந்த்<sup>3</sup>ரியத்தி<sup>2</sup>பச்சயோதி.

தத்த<sup>2</sup> ஸஹஜாதபச்சயோ ஏவ ஸஹஜாதத்தி<sup>2</sup>பச்சயோ நாம. ஏஸ நயோ ஸேஸேஸு ச<sup>2</sup>ஸு. பச்சயபச்சயுப்பன்னவிபா<sup>4</sup>கோ<sup>3</sup>பி ஹெட்டா<sup>2</sup> தத்த<sup>2</sup> தத்த<sup>2</sup> வுத்தோயேவ.

கேனட்டே<sup>2</sup>ன அத்தி<sup>2</sup>பச்சயோ. ஸயங் க<sup>2</sup>ணிகபச்சப்பன்னதா ஸங்கா<sup>2</sup>தேன அத்தி<sup>2</sup>பா<sup>4</sup>வேன பச்சப்பன்னஸ்ஸ த<sup>4</sup>ம்மஸ்ஸ பச்சயோ அத்தி<sup>2</sup>பச்சயோ. அத்தி<sup>2</sup>பச்சயதீ<sup>3</sup>பனா நிட்டி<sup>2</sup>தா.



## 22. நத்தி<sup>2</sup>பச்சயோ

### 23. விக<sup>3</sup>தபச்சயோ

### 24. அவிக<sup>3</sup>தபச்சயோ

ஸப்<sup>3</sup>போ<sup>3</sup> அனந்தரபச்சயோ நத்தி<sup>2</sup> பச்சயோ நாம. ததா<sup>2</sup> விக<sup>3</sup>த பச்சயோ.  
அவிக<sup>3</sup>தபச்சயோபி அத்தி<sup>2</sup>பச்சயேன ஸப்<sup>3</sup>புஸதி<sup>3</sup>ஸோ. அத்தி<sup>2</sup>திச அவிக<sup>3</sup>தோதி  
ச அத்த<sup>2</sup>தோ ஏகமேவ. ததா<sup>2</sup> நத்தி<sup>2</sup>தி ச விக<sup>3</sup>தோதிச.  
நத்தி<sup>2</sup>விக<sup>3</sup>தஅவிக<sup>3</sup>தபச்சயதி<sup>3</sup>பனா நி<sup>2</sup>டி<sup>2</sup>தா.

பச்சயத்த<sup>2</sup>தி<sup>3</sup>பனா நி<sup>2</sup>டி<sup>2</sup>தா.

## பச்சயஸபா<sup>4</sup>கோ<sup>3</sup>

பச்சயஸபா<sup>4</sup>கோ<sup>3</sup> வுச்சதே. பஞ்சத<sup>3</sup>ஸ ஸஹஜாதஜாதிகா ஹொந்தி, சத்தாரோ மஹாஸஹஜாதா சத்தாரோ மஜ்ஜி<sup>2</sup>மஸஹஜாதா ஸத்த கு<sup>2</sup>த்<sup>3</sup>த<sup>3</sup>கஸஹஜாதா. தத்த<sup>2</sup> சத்தாரோ மஹாஸஹஜாதா நாம ஸஹஜாதோ ஸஹஜாதனிஸ்ஸயோ ஸஹஜாதத்தி<sup>2</sup> ஸஹஜாத அவிக<sup>3</sup>தோ. சத்தாரோ மஜ்ஜி<sup>2</sup>மஸஹஜாதா நாம அஞ்ஞமஞ்ஞோ விபாகோ ஸம்பயுத்தோ ஸஹஜாதவிப்பயுத்தோ. ஸத்த கு<sup>2</sup>த்<sup>3</sup>த<sup>3</sup>கஸஹ ஜாதா நாம ஹேது ஸஹஜாதாதி<sup>4</sup>பதி ஸஹஜாதகம்மங் ஸஹ ஜாதாஹாரோ ஸஹஜாதிந்த்<sup>3</sup>ரியங் ஜா<sup>2</sup>னங் மக்<sup>3</sup>கோ<sup>3</sup>.

தயோ ரூபாஹாரா, ரூபாஹாரோ ரூபாஹாரத்தி<sup>2</sup> ரூபாஹாரா விக<sup>3</sup>தோ.

தீணி ரூபஜீவிதிந்த்<sup>3</sup>ரியானி, ரூபஜீவிதிந்த்<sup>3</sup>ரியங் ரூபஜீவிதிந்த்<sup>3</sup>ரியத்தி<sup>2</sup> ரூபஜீவிதிந்த்<sup>3</sup>ரியாவிக<sup>3</sup>தங்.

ஸத்தரஸ புரேஜாதஜாதிகா ஹொந்தி, ச<sup>2</sup> வத்து<sup>2</sup>புரேஜாதா ச<sup>2</sup> ஆரம்மணபுரேஜாதா பஞ்ச வத்தா<sup>2</sup>ரம்மணபுரேஜாதா. தத்த<sup>2</sup> ச<sup>2</sup> வத்து<sup>2</sup>புரேஜாதா நாம வத்து<sup>2</sup>புரேஜாதோ வத்து<sup>2</sup>புரேஜாதனிஸ்ஸயோ வத்து<sup>2</sup>புரேஜாதிந்த்<sup>3</sup>ரியங் வத்து<sup>2</sup>புரேஜாதவிப்பயுத்தங் வத்து<sup>2</sup>புரேஜாதத்தி<sup>2</sup> வத்து<sup>2</sup> புரேஜாதஅவிக<sup>3</sup>தோ. ச<sup>2</sup> ஆரம்மணபுரேஜாதா நாம ஆரம்மண புரேஜாதோ கிஞ்சிஆரம்மணங் கோசி ஆரம்மணாதி<sup>4</sup>பதி கோசி ஆரம்மணூபனிஸ்ஸஸோ ஆரம்மணபுரேஜாதத்தி<sup>2</sup> ஆரம்மணபுரேஜாத அவிக<sup>3</sup>தோ. கிஞ்சி ஆரம்மணந்திஆதீ<sup>3</sup>ஸு கிஞ்சிகோசிவசனேஹி பச்சுப்பன்னங் நிப்பன்னரூபங் க<sup>3</sup>ய்ஹதி. பஞ்ச வத்தா<sup>2</sup>ரம்மணபுரேஜாதா நாம வத்தா<sup>2</sup>ரம்மண புரேஜாதோ வத்தா<sup>2</sup>ரம்மணபுரேஜாதனிஸ்ஸயோ வத்தா<sup>2</sup>ரம்மணபுரே ஜாத விப்பயுத்தோ வத்தா<sup>2</sup>ரம்மணபுரேஜாதத்தி<sup>2</sup> வத்தா<sup>2</sup>ரம்மணபுரேஜாத அவிக<sup>3</sup>தோ.

சத்தாரோ பச்சா<sup>2</sup>ஜாதஜாதிகா ஹொந்தி, பச்சா<sup>2</sup>ஜாதோ பச்சா<sup>2</sup>ஜாதவிப்பயுத்தோ பச்சா<sup>2</sup>ஜாதத்தி<sup>2</sup> பச்சா<sup>2</sup>ஜாதஅவிக<sup>3</sup>தோ.

ஸத்த அனந்தரா ஹொந்தி, அனந்தரோ ஸமனந்தரோ அனந்தரூப நிஸ்ஸயோ ஆஸேவனங் அனந்தரகம்மங் நத்தி<sup>2</sup> விக<sup>3</sup>தோ. எத்த<sup>2</sup> ச அனந்தர கம்மங் நாம அரியமக்<sup>3</sup>க<sup>3</sup>சேதனா, ஸா அத்தனோ அனந்தரே அரியப<sup>2</sup>லங் ஜனேதி.

பஞ்ச விஸுங் பச்சயா ஹொந்தி, அவஸேஸங் ஆரம்மணங் அவஸேஸோ ஆரம்மணாதி<sup>4</sup>பதி அவஸேஸோ ஆரம்மணூப நிஸ்ஸயோ ஸப்<sup>3</sup>போ<sup>3</sup> பகதூபனிஸ்ஸயோ அவஸேஸங் நானாக்க<sup>2</sup>ணிக கம்மங். இதி வித்தா<sup>2</sup>ரதோ பட்டா<sup>2</sup>னபச்சயா சதுபஞ்ஞாஸப்பபே<sup>4</sup>தா<sup>3</sup> ஹொந்தீதி.

தத்த² ஸப்³பே³ ஸஹஜாதஜாதிகா ச ஸப்³பே³ புரேஜாத ஜாதிகா ஸப்³பே³ பச்சா²ஜாதஜாதிகா ரூபாஹாரோ ரூபஜீவிதிந்த்³ரியந்தி இமே பச்சப்பன்னபச்சயா நாம. ஸப்³பே³ அனந்தரஜாதிகா ஸப்³புங் நானாக்க²ணிக கம்மந்தி இமே அதீதபச்சயா நாம. ஆரம்மணங் பகதூபனிஸ்ஸயோதி இமே தேகாலிகா ச நிப்³பா³னபஞ்ஞத்தீனங் வஸேன காலவிமுத்தா ச ஹொந்தி.

நிப்³பா³னஞ்ச பஞ்ஞத்தி சாதி இமே த்³வே த்⁴ம்மா அப்பச்சயா நாம அஸங்க²தா நாம. கஸ்மா. அஜாதிகத்தா. யேஸஞ்ஹி ஜாதி நாம அத்தி², உப்பாதோ³ நாம அத்தி². தே ஸப்பச்சயானாம ஸங்க²தா நாம படிச்சஸமுப்பன்னா நாம. இமே த்³வே த்⁴ம்மா அஜாதிகத்தா அனுப்பாத³த்தா அஜாதிபச்சயத்தாச அப்பச்சயா நாம அஸங்க²தா நாமாதி.

ஸப்பச்சயேஸு ச த்⁴ம்மேஸு ஸங்க²தேஸு ஏகோபி த்⁴ம்மோ நிச்சோ து⁴வோ ஸஸ்ஸதோ அவிபரீதத்⁴ம்மோ நாம நத்தி². அத² கோ² ஸப்³பே³ தே க²யட்டே²ன அனிச்சா ஏவ ஹொந்தி. கஸ்மா. ஸயஞ்ச பச்சயாயத்தவுத்தி கத்தா பச்சயானஞ்ச அனிச்சத்⁴ம்மத்தா. நனு நிப்³பா³னஞ்ச பஞ்ஞத்தி ச பச்சயா ஹொந்தி. தே ச நிச்சா து⁴வாதி. ஸச்சங். கேவலேன பன நிப்³பா³னபச்சயேன வா பஞ்ஞத்திபச்சயேன வா உப்பன்னோ நாம நத்தி², ப்³ஹுஹி பச்சயேஹி ஏவ உப்பன்னோ, தே பன பச்சயா அனிச்சா ஏவ அது⁴வாதி.

யே ச த்⁴ம்மா அனிச்சா ஹொந்தி, தே நிச்சகாலங் ஸத்தே திவிதே⁴ஹி து³க்க²த³ண்டே³ஹி படிப்பீளெந்தி பா³தெ⁴ந்தி, தஸ்மா தே த்⁴ம்மா ப்⁴யட்டே²ன து³க்கா² ஏவ ஹொந்தி. தத்த² திவிதா⁴ து³க்க²த³ண்டா³ நாம து³க்க²து³க்க²தா ஸங்கா²ர து³க்க²தா விபரிணாமது³க்க²தா.

யே கேசி அனிச்சா ஏவ ஹொந்தி, ஏகஸ்மிங் இரியாபதே²பி புனப்புனங் பி⁴ஜ்ஜந்தி, தே கத²ங் யாவஜீவங் நிச்சஸஞ்ஞிதானங் ஸத்தபுக்³க³லானங் அத்தா நாம ப்⁴வெய்யுங், ஸாரா நாம ப்⁴வெய்யுங். யே ச து³க்கா² ஏவ ஹொந்தி, தே கத²ங் து³க்க²ப்படிகுலானங் ஸுக²காமானங் ஸத்தானங் அத்தா நாம ப்⁴வெய்யுங், ஸாரா நாம ப்⁴வெய்யுங். தஸ்மா தே த்⁴ம்மா அஸாரகட்டே²ன அனத்தா ஏவ ஹொந்தி.

அபி ச யஸ்மா இமாய சதுவீஸதியா பச்சயதே³ஸனாய இமமத்த²ங் த³ஸ்ஸேதி. ஸப்³பே³பி ஸங்க²தத்⁴ம்மா நாம பச்சயாயத்தவுத்திகா ஏவ ஹொந்தி, ஸத்தானங் வஸாயத்தவுத்திகா ந ஹொந்தி. பச்சயாயத்த வுத்திகேஸு ச தேஸு ந ஏகோபி த்⁴ம்மோ அப்பகேன பச்சயேன உப்பஜ்ஜதி. அத² கோ² ப்³ஹுஹி ஏவ பச்சயேஹி உப்பஜ்ஜதீதி, தஸ்மா அயங் தே³ஸனா த்⁴ம்மானங் அனத்தலக்க²ணதீ³பனே மத்த²கபத்தா ஹொதீதி.

பச்சயஸபா⁴க³ஸங்க³ஹொ நிட்டி²தோ.

## பச்சயக<sup>4</sup>டனானயோ

### பஞ்சவிஞ்ஞாணேஸு பச்சயக<sup>4</sup>டனானயோ

பச்சயக<sup>4</sup>டனானயோ வுச்சதே. ஏகேகஸ்மிங் பச்சயுப்பன்னே ப<sup>3</sup>ஹுன்னங் பச்சயானங் ஸமோதா<sup>4</sup>னங் பச்சயக<sup>4</sup>டனா நாம. யேன பன த<sup>4</sup>ம்மா ஸப்பச்சயா ஸங்க<sup>2</sup>தா படிச்சஸமுப்பன்னாதி வுச்சந்தி, ஸப்<sup>3</sup>பே<sup>3</sup> தே த<sup>4</sup>ம்மா உப்பாதே<sup>3</sup> ச டி<sup>2</sup>தியஞ்ச இமேஹி சதுவீஸதியா பச்சயேஹி ஸஹிதத்தா ஸப்பச்சயா நாம, ஸப்பச்சயத்தா ஸங்க<sup>2</sup>தா நாம, ஸங்க<sup>2</sup>தத்தா படிச்சஸமுப்பன்னா நாம. கதமே பன தே த<sup>4</sup>ம்மாதி. ஏகவீஸஸதசித்தானி ச த்<sup>3</sup>விபஞ்ஞாஸசேதஸிகானி ச அட்ட<sup>2</sup>வீஸதி ரூபானி ச.

தத்த<sup>2</sup> ஏகவீஸஸதசித்தானி தா<sup>4</sup>துவஸேன ஸத்தவிதா<sup>4</sup>னி ப<sup>4</sup>வந்தி, சக்கு<sup>2</sup> விஞ்ஞாணதா<sup>4</sup>து ஸோதவிஞ்ஞாணதா<sup>4</sup>து கா<sup>4</sup>னவிஞ்ஞாணதா<sup>4</sup>து ஜித்ஹ விஞ்ஞாணதா<sup>4</sup>து காயவிஞ்ஞாணதா<sup>4</sup>து மனோதா<sup>4</sup>து மனோவிஞ்ஞாண தா<sup>4</sup>துதி. தத்த<sup>2</sup> சக்கு<sup>2</sup>விஞ்ஞாணத்<sup>3</sup>வயங் சக்கு<sup>2</sup>விஞ்ஞாணதா<sup>4</sup>து நாம. ஸோதவிஞ்ஞாணத்<sup>3</sup>வயங் ஸோதவிஞ்ஞாணதா<sup>4</sup>து நாம. கா<sup>4</sup>னவிஞ்ஞாணத்<sup>3</sup>வயங் கா<sup>4</sup>னவிஞ்ஞாணதா<sup>4</sup>து நாம. ஜித்ஹவிஞ்ஞாணத்<sup>3</sup>வயங் ஜித்ஹவிஞ்ஞாணதா<sup>4</sup>து நாம. காயவிஞ்ஞாணத்<sup>3</sup>வயங் காயவிஞ்ஞாணதா<sup>4</sup>து நாம. பஞ்சத்<sup>3</sup>வாராவஜ்ஜன சித்தஞ்ச ஸம்படிச்ச<sup>2</sup>னசித்தத்<sup>3</sup>வயஞ்ச மனோதா<sup>4</sup>து நாம. ஸேஸானி அட்ட<sup>2</sup>ஸதங் சித்தானி மனோவிஞ்ஞாணதா<sup>4</sup>து நாம.

த்<sup>3</sup>விபஞ்ஞாஸசேதஸிகானி ச ராஸிவஸேன சதுப்<sup>3</sup>பி<sup>3</sup>தா<sup>4</sup>னி ப<sup>4</sup>வந்தி, ஸத்த ஸப்<sup>3</sup>பி<sup>3</sup>சித்திகானி ச ச<sup>2</sup> பகிண்ணகானி ச சுத்<sup>3</sup>த<sup>3</sup>ஸ பாபானிச பஞ்சவீஸதி கல்யாணானி ச.

சதுவீஸதிபச்சயேஸு ச பன்னரஸபச்சயா ஸப்<sup>3</sup>பி<sup>3</sup>சித்துப்பாத<sup>3</sup> ஸாதா<sup>4</sup>ரணா ஹோந்தி, ஆரம்மணஞ்ச அனந்தரஞ்ச ஸமனந்தரஞ்ச ஸஹ ஜாதோ ச அஞ்ஞமஞ்ஞஞ்ச நிஸ்ஸயோ ச உபனிஸ்ஸயோ ச கம்மஞ்ச ஆஹாரோ ச இந்த<sup>3</sup>ரியஞ்ச ஸம்பயுத்தோ ச அத்தி<sup>2</sup> ச நத்தி<sup>2</sup> ச விக<sup>3</sup>தோ ச அவிக<sup>3</sup>தோ ச. ந ஹி கிஞ்சி சித்தங் வா சேதஸிகங் வா ஆரம்மணேன வினா உப்பன்னங் நாம அத்தி<sup>2</sup>. ததா<sup>2</sup> அனந்தராஜீஹி ச. அட்ட<sup>2</sup>பச்சயா கேஸஞ்சி சித்துப்பாதா<sup>3</sup>னங் பச்சயா ஸாதா<sup>4</sup>ரணா ஹோந்தி, ஹேது ச அதி<sup>4</sup>பதி ச புரே ஜாதோ ச ஆஸேவனஞ்ச விபாகோ ச ஜா<sup>2</sup>னஞ்ச மக்<sup>3</sup>கோ<sup>3</sup> ச விப்பயுத்தோ ச. தத்த<sup>2</sup> ஹேது ஸஹேதுகசித்துப்பாதா<sup>3</sup>னங் ஏவ ஸாதா<sup>4</sup>ரணா, அதி<sup>4</sup>பதி ச ஸாதி<sup>4</sup>பதிஜவனானங் ஏவ, புரேஜாதோ ச கேஸஞ்சி சித்துப்பாதா<sup>3</sup>னங் ஏவ, ஆஸேவனஞ்ச குஸலாகுஸலகிரியஜவனானங் ஏவ, விபாகோ ச விபாகசித்துப்பாதா<sup>3</sup>னங் ஏவ, ஜா<sup>2</sup>னஞ்ச மனோதா<sup>4</sup>து மனோவிஞ்ஞாணதா<sup>4</sup>து சித்துப்பாதா<sup>3</sup>னங் ஏவ, மக்<sup>3</sup>கோ<sup>3</sup> ச ஸஹேதுகசித்துப்பாதா<sup>3</sup>னங் ஏவ,

விப்பயுத்தோ ச அருபலோகே சித்துப்பாதா<sup>3</sup>னங் நத்தி<sup>2</sup>, ஏகோ பச்சா<sup>2</sup>ஜாதோ  
ருபத<sup>4</sup>ம்மானங் ஏவ விஸுங்பூ<sup>4</sup>தோ ஹோதி.

தத்ராயங் தீ<sup>3</sup>பனா. ஸத்த ஸப்<sup>3</sup>ப<sup>3</sup>சித்திகானி சேதஸிகானி நாம, ப<sup>2</sup>ஸ்ஸோ  
வேத<sup>3</sup>னா ஸஞ்ஞா சேதனா ஏகக்<sup>3</sup>தா ஜீவிதங் மனஸிகாரோ. தத்த<sup>2</sup> சித்தங்  
அதி<sup>4</sup>பதிஜாதிகஞ்ச ஆஹாரபச்சயோ ச இந்த்<sup>3</sup>ரியபச்சயோ ச. ப<sup>2</sup>ஸ்ஸோ  
ஆஹாரபச்சயோ. வேத<sup>3</sup>னா இந்த்<sup>3</sup>ரியபச்சயோ ச ஜா<sup>2</sup>ன பச்சயோ ச. சேதனா  
கம்மபச்சயோ ச ஆஹாரபச்சயோ ச. ஏகக்<sup>3</sup>தா இந்த்<sup>3</sup>ரியபச்சயோ ச ஜா<sup>2</sup>ன  
பச்சயோ ச மக்<sup>3</sup>பச்சயோ ச. ஜீவிதங் இந்த்<sup>3</sup>ரியபச்சயோ. ஸேஸா த்<sup>3</sup>வே  
த<sup>4</sup>ம்மா விஸேஸபச்சயா ந ஹொந்தி.

சக்கு<sup>2</sup>விஞ்ஞாணே ஸத்த ஸப்<sup>3</sup>ப<sup>3</sup>சித்திகானி சேதஸிகானி லப்<sup>3</sup>ப<sup>4</sup>ந்தி,  
விஞ்ஞாணேன ஸத்<sup>3</sup>தி<sup>4</sup>ங் அட்ட<sup>2</sup> நாமத<sup>4</sup>ம்மா ஹொந்தி. ஸப்<sup>3</sup>பே<sup>3</sup> தே  
த<sup>4</sup>ம்மா ஸத்தஹி பச்சயேஹி அஞ்ஞமஞ்ஞஸ்ஸ பச்சயா ஹொந்தி சதூஹி  
மஹாஸஹஜாதேஹி ச விப்பயுத்தவஜ்ஜிதேஹி தீஹி மஜ்ஜி<sup>2</sup>மஸஹஜாதேஹி  
ச. தெஸ்வேவ அட்ட<sup>2</sup>ஸு த<sup>4</sup>ம்மேஸு விஞ்ஞாணங் ஸேஸானங் ஸத்தன்னங்  
த<sup>4</sup>ம்மானங் ஆஹாரபச்சயேன ச இந்த்<sup>3</sup>ரியபச்சயேன ச பச்சயோ ஹொதி.  
ப<sup>2</sup>ஸ்ஸோ ஆஹாரபச்சயேன, வேத<sup>3</sup>னா இந்த்<sup>3</sup>ரியபச்சயமத்தேன, சேதனா  
கம்மபச்சயேன ச ஆஹார பச்சயேன ச, ஏகக்<sup>3</sup>தா இந்த்<sup>3</sup>ரியபச்சயமத்தேன ,  
ஜீவிதங் ஸேஸானங் ஸத்தன்னங் த<sup>4</sup>ம்மானங் இந்த்<sup>3</sup>ரியபச்சயேன பச்சயோ  
ஹொதி. சக்கு<sup>2</sup>வத்து<sup>2</sup>ருபங் பன தேஸங் அட்ட<sup>2</sup>ன்னங் த<sup>4</sup>ம்மானங் ச<sup>2</sup>ஹி  
வத்து<sup>2</sup>புரேஜாதேஹி தஸ்மிங் சக்கு<sup>2</sup>வத்து<sup>2</sup>ம்ஹி ஆபாதமாக<sup>3</sup>தானி  
பச்சப்பன்னானி ரூபாரம்மணானி தேஸங் சதூஹி ஆரம்மண புரேஜாதேஹி,  
அனந்தரனிருத்<sup>3</sup>த<sup>4</sup>ங் பஞ்சத்<sup>3</sup>வாராவஜ்ஜனசித்தஞ்ச பஞ்சஹி அனந்தரேஹி,  
புப்<sup>3</sup>பே<sup>3</sup> கதங் குஸலகம்மங் வா அகுஸலகம்மங் வா குஸலவிபாகானங் வா  
அகுஸலவிபாகானங் வா தேஸங் நானாக்க<sup>2</sup>ணிககம்மபச்சயேன, கம்ம  
ஸஹாயபூ<sup>4</sup>தானி புரிமப<sup>4</sup>வே அவிஜ்ஜாதண்ஹு<sup>3</sup>பாதா<sup>3</sup>னானி ச இமஸ்மிங்  
ப<sup>4</sup>வே ஆவாஸபுக்<sup>3</sup>லஉதுபோ<sup>4</sup>ஜனாத<sup>3</sup>யோ ச தேஸங் அட்ட<sup>2</sup>ன்னங்  
த<sup>4</sup>ம்மானங் பகதூபனிஸ்ஸயபச்சயேன பச்சயா ஹொந்தி. இமஸ்மிங் சித்தே  
ஹேது ச அதி<sup>4</sup>பதி ச பச்சா<sup>2</sup>ஜாதோ ச ஆஸேவனஞ்ச ஜா<sup>2</sup>னஞ்ச மக்<sup>3</sup>கோ<sup>3</sup>சாதி  
ச<sup>2</sup>பச்சயா ந லப்<sup>3</sup>ப<sup>4</sup>ந்தி, அட்டா<sup>2</sup>ரஸபச்சயா லப்<sup>3</sup>ப<sup>4</sup>ந்தி. யதா<sup>2</sup> ச இமஸ்மிங்  
சித்தே, ததா<sup>2</sup> ஸோதவிஞ்ஞாணாதீ<sup>3</sup>ஸுபி ச<sup>2</sup> பச்சயா ந லப்<sup>3</sup>ப<sup>4</sup>ந்தி,  
அட்டா<sup>2</sup>ரஸபச்சயா லப்<sup>3</sup>ப<sup>4</sup>ந்தீதி.

பஞ்சவிஞ்ஞாணேஸு பச்சயக<sup>4</sup>டனானயோ நிட்டி<sup>2</sup>தோ.

**அஹேதுக சித்துப்பாதே<sup>3</sup>ஸு பச்சயக<sup>4</sup>டனானயோ**

ச<sup>2</sup> பகிண்ணகானி சேதஸிகானி நாம, விதக்கோ விசாரோ அதி<sup>4</sup>மொக்கோ<sup>2</sup>  
வீரியங் பீதி ச<sup>2</sup>ந்தோ<sup>3</sup>. தத்த<sup>2</sup> விதக்கோ ஜா<sup>2</sup>னபச்சயோ ச மக்<sup>3</sup>பச்சயோ ச.

விசாரோ ஜா²னபச்சயோ. வீரியங் அதி⁴பதிஜாதிகஞ்ச இந்த³ரியபச்சயோ ச  
மக்³க³பச்சயோ ச. பீதி ஜா²னபச்சயோ. ச²ந்தோ³ அதி⁴பதிஜாதிகோ.  
அதி⁴மொக்கோ² பன விஸேஸபச்சயோ ந ஹோதி.

பஞ்சத்³வாராவஜ்ஜனசித்தஞ்ச ஸம்படிச்ச²னசித்தத்³வயஞ்ச  
உபெக்கா²ஸந்தீரண த³வயஞ்சாதி பஞ்சஸு சித்தேஸு த³ஸ சேதஸிகானி  
லப்³ப⁴ந்தி, ஸத்த ஸப்³ப³ சித்திகானி ச பகிண்ணகேஸு விதக்கோ ச விசாரோ  
ச அதி⁴மொக்கோ² ச. விஞ்ஞானேன ஸத்³தி⁴ங் பச்சேகங் ஏகாத³ஸ  
நாமத⁴ம்மா ஹோந்தி. இமேஸு சித்தேஸு ஜா²னகிச்சங் லப்³ப⁴தி. வேத³னா  
ச ஏகக்³தா ச விதக்கோ ச விசாரோ ச ஜா²னபச்சயங் ஸாதெ⁴ந்தி.  
பஞ்சத்³வாராவஜ்ஜனசித்தங் பன கிரியசித்தங் ஹோதி, விபாகபச்சயோ நத்தி².  
நானாக்க²ணிககம்மஞ்ச உபனிஸ்ஸயட்டா²னே திட்ட²தி. விபாகபச்சயேன  
ஸத்³தி⁴ங் ச² பச்சயா ந லப்³ப⁴ந்தி. ஜா²னபச்சயேன ஸத்³தி⁴ங்  
அட்டா²ரஸபச்சயா லப்³ப⁴ந்தி. ஸேஸேஸு சதூஸு விபாகசித்தேஸு பஞ்ச  
பச்சயா ந லப்³ப⁴ந்தி. விபாகபச்சயேன ச ஜா²னபச்சயேன ச ஸத்³தி⁴ங்  
ஏகனவீஸதி பச்சயா லப்³ப⁴ந்தி.

ஸோமனஸ்ஸஸந்தீரணே பீதியா ஸத்³தி⁴ங் ஏகாத³ஸசேதஸிகா யுஜ்ஜந்தி,  
மனொத்³வாராவஜ்ஜனசித்தே ச வீரியேன ஸத்³தி⁴ங் ஏகாத³ஸாதி  
விஞ்ஞானேன ஸத்³தி⁴ங் த³வாத³ஸ நாமத⁴ம்மா ஹோந்தி.  
ஹஸிதுப்பாத³சித்தே பன பீதியா ச வீரியேன ச ஸத்³தி⁴ங் த³வாத³ஸ  
சேதஸிகானி யுஜ்ஜந்தி. விஞ்ஞானேன ஸத்³தி⁴ங் தேரஸ நாமத⁴ம்மா  
ஹோந்தி. தத்த² ஸோமனஸ்ஸஸந்தீரணே ஜா²னங்கே³ஸு பீதிமத்தங்  
அதி⁴கங் ஹோதி, பு³பே³ உபெக்கா²ஸந்தீரணத்³வயே விய பஞ்சபச்சயா ந  
லப்³ப⁴ந்தி. ஏகனவீஸதிபச்சயா லப்³ப⁴ந்தி. மனொத்³வாரா வஜ்ஜனசித்தே ச  
வீரியமத்தங் அதி⁴கங் ஹோதி, தஞ்ச இந்த³ரியகிச்ச ஜா²ன  
கிச்சானிஸாதே⁴தி. அதி⁴பதிகிச்சஞ்ச மக்³க³கிச்சஞ்ச ந ஸாதே⁴தி. கிரிய  
சித்தத்தாவிபாகபச்சயோ ச நத்தி². பு³பே³ பஞ்சத்³வாராவஜ்ஜனசித்தே விய  
விபாக பச்சயேன ஸத்³தி⁴ங் ச² பச்சயா ந லப்³ப⁴ந்தி. ஜா²னபச்சயேன  
ஸத்³தி⁴ங் அட்ட²ரஸ பச்சயா லப்³ப⁴ந்தி. ஹஸிதுப்பாத³சித்தேபி  
கிரியசித்தத்தா விபாகபச்சயோ நத்தி², ஜவனசித்தத்தா பன ஆஸேவனங் அத்தி²,  
விபாகபச்சயேன ஸத்³தி⁴ங் பஞ்ச பச்சயா ந லப்³ப⁴ந்தி. ஆஸேவனபச்சயேன  
ஸத்³தி⁴ங் ஏகனவீஸதி பச்சயா லப்³ப⁴ந்தி.

அஹேதுகசித்துப்பாதே³ஸு பச்சயக⁴டனானயோ நிட்டி²தோ.

**அகுஸலசித்துப்பாதே³ஸு பச்சயக⁴டனானயோ**

த³வாத³ஸ அகுஸலசித்தானி, த³வே மோஹமூலிகானி அட்ட² லோப⁴  
மூலிகானி த³வே தோ³ஸமூலிகானி. சுத்³த³ஸ பாபசேதஸிகானி நாம மோஹோ

அஹிரிகங் அனொத்தப்பங் உத்<sup>3</sup>த<sup>4</sup>ச்சந்தி இத<sup>3</sup>ங் மோஹசதுக்கங் நாம.  
லோபோ<sup>4</sup> தி<sup>3</sup>ட்டி<sup>2</sup> மானோதி இத<sup>3</sup>ங் லோப<sup>4</sup>திக்கங் நாம. தோ<sup>3</sup>ஸோ இஸ்ஸா  
மச்ச<sup>2</sup>ரியங் குக்குச்சந்தி இத<sup>3</sup>ங் தோ<sup>3</sup>ஸசதுக்கங் நாம. தி<sup>2</sup>னங் மித்<sup>3</sup>த<sup>4</sup>ங்  
விசிகிச்சா<sup>2</sup>தி இத<sup>3</sup>ங் விஸுங் திக்கங் நாம.

தத்த<sup>2</sup> லோபோ<sup>4</sup> தோ<sup>3</sup>ஸோ மோஹோதி தயோ மூலத<sup>4</sup>ம்மா  
ஹேதுபச்சயா, தி<sup>3</sup>ட்டி<sup>2</sup> மக்<sup>3</sup>க<sup>3</sup>பச்சயோ, ஸேஸா த<sup>3</sup>ஸத<sup>4</sup>ம்மா விலேஸபச்சயா  
ந ஹொந்தி.

தத்த<sup>2</sup> த்<sup>3</sup>வே மோஹமூலிகானி நாம விசிகிச்சா<sup>2</sup>ஸம்பயுத்தசித்தங்  
உத்<sup>3</sup>த<sup>4</sup>ச்ச ஸம்பயுத்தசித்தங். தத்த<sup>2</sup> விசிகிச்சா<sup>2</sup>ஸம்பயுத்தசித்தே பன்னரஸ  
சேதஸிகானி உப்பஜ்ஜந்தி ஸத்த ஸப்<sup>3</sup>ப<sup>3</sup>சித்திகானி ச விதக்கோ விசாரோ  
வீரியந்தி தீணி பகிண்ணகானி ச பாபசேதஸிகேஸு மோஹசதுக்கஞ்ச  
விசிகிச்சா<sup>2</sup> சாதி, சித்தேன ஸத்<sup>3</sup>தி<sup>4</sup>ங் ஸோளஸ நாமத<sup>4</sup>ம்மா ஹொந்தி.  
இமஸ்மிங் சித்தே ஹேது பச்சயோபி மக்<sup>3</sup>க<sup>3</sup>பச்சயோபி லப்<sup>3</sup>ப<sup>4</sup>ந்தி. தத்த<sup>2</sup>  
மோஹோ ஹேதுபச்சயோ, விதக்கோ ச வீரியஞ்ச மக்<sup>3</sup>க<sup>3</sup>பச்சயோ, ஏகக்<sup>3</sup>க<sup>3</sup>தா  
பன விசிகிச்சா<sup>2</sup>ய து<sup>3</sup>ட்ட<sup>2</sup>த்தா இமஸ்மிங் சித்தே இந்த்<sup>3</sup>ரியகிச்சஞ்ச  
மக்<sup>3</sup>க<sup>3</sup>கிச்சஞ்ச ந ஸாதே<sup>4</sup>தி, ஜா<sup>2</sup>னகிச்சமத்தங் ஸாதே<sup>4</sup>தி. அதி<sup>4</sup>பதி ச  
பச்சா<sup>2</sup>ஜாதோ விபாகோ சாதி தயோ பச்சயான லப்<sup>3</sup>ப<sup>4</sup>ந்தி, ஸேஸா  
ஏகவீஸதிபச்சயா லப்<sup>3</sup>ப<sup>4</sup>ந்தி. உத்<sup>3</sup>த<sup>4</sup>ச்சஸம்பயுத்தசித்தேபி விசிகிச்ச<sup>2</sup>ங்  
பஹாய அதி<sup>4</sup>மொக்கே<sup>2</sup>ன ஸத்<sup>3</sup>தி<sup>4</sup>ங் பன்னரஸேவ சேதஸிகானி,  
ஸோளஸேவ நாமத<sup>4</sup>ம்மா ஹொந்தி . இமஸ்மிங் சித்தே ஏகக்<sup>3</sup>க<sup>3</sup>தா இந்த்<sup>3</sup>ரிய  
கிச்சஞ்ச ஜா<sup>2</sup>னகிச்சஞ்ச மக்<sup>3</sup>க<sup>3</sup>கிச்சஞ்ச ஸாதே<sup>4</sup>தி, தயோ பச்சயா ந  
லப்<sup>3</sup>ப<sup>4</sup>ந்தி, ஏகவீஸதி பச்சயா லப்<sup>3</sup>ப<sup>4</sup>ந்தி.

அட்ட<sup>2</sup>ஸு லோப<sup>4</sup>மூலிகசித்தேஸு பன ஸத்த ஸப்<sup>3</sup>ப<sup>3</sup>சித்திகானி ச ச<sup>2</sup>  
பகிண்ணகானி ச பாபேஸு மோஹசதுக்கஞ்ச லோப<sup>4</sup>திக்கஞ்ச  
தி<sup>2</sup>னமித்<sup>3</sup>த<sup>4</sup>ஞ்சாதி த்<sup>3</sup>வாவீஸதி சேதஸிகானி உப்பஜ்ஜந்தி. தேஸு லோபோ<sup>4</sup>  
ச மோஹோசாதி த்<sup>3</sup>வே மூலானி ஹேதுபச்சயோ. ச<sup>2</sup>ந்தோ<sup>3</sup> ச சித்தஞ்ச  
வீரியஞ்சாதி தயோ அதி<sup>4</sup>பதிஜாதிகா கதா<sup>3</sup>சி அதி<sup>4</sup>பதிகிச்சங் ஸாதெ<sup>4</sup>ந்தி,  
ஆரம்மணாதி<sup>4</sup>பதிபி எத்த<sup>2</sup> லப்<sup>3</sup>ப<sup>4</sup>தி. சேதனா கம்மபச்சயோ. தயோ ஆஹாரா  
ஆஹாரபச்சயோ. சித்தஞ்ச வேத<sup>3</sup>னா ச ஏகக்<sup>3</sup>க<sup>3</sup>தா ச ஜீவிதஞ்ச வீரியஞ்சாதி  
பஞ்ச இந்த்<sup>3</sup>ரியத<sup>4</sup>ம்மா இந்த்<sup>3</sup>ரியபச்சயோ. விதக்கோ ச விசாரோ ச பீதி ச  
வேத<sup>3</sup>னா ச ஏகக்<sup>3</sup>க<sup>3</sup>தாசாதி பஞ்ச ஜா<sup>2</sup>னங்கா<sup>3</sup>னி ஜா<sup>2</sup>னபச்சயோ. விதக்கோ ச  
ஏகக்<sup>3</sup>க<sup>3</sup>தா ச தி<sup>3</sup>ட்டி<sup>2</sup> ச வீரியஞ்சாதி சத்தாரி மக்<sup>3</sup>க<sup>3</sup>ங்கா<sup>3</sup>னி மக்<sup>3</sup>க<sup>3</sup>பச்சயோ.  
பச்சா<sup>2</sup>ஜாதோ ச விபாகோ சாதி த்<sup>3</sup>வே பச்சயா ந லப்<sup>3</sup>ப<sup>4</sup>ந்தி. ஸேஸா  
த்<sup>3</sup>வாவீஸதி பச்சயா லப்<sup>3</sup>ப<sup>4</sup>ந்தி.

தீவீஸு தோஸமுலிகசித்தேஸு பீதிஞ்ச லோபுதிக்கஞ்ச பஹாய  
தோஸசதுக்கேன ஸத்திங் த்வாவீஸதி ஏவ சேதஸிகானி, தோஸோ ச  
மோஹோ ச த்வே மூலானி, தயோ அதிபதி ஜாதிகா, தயோ ஆஹாரா, பஞ்ச  
இந்த்ரியானி, சத்தாரி ஜானங்காணி, தீணி மக்க்ங்காணி. எத்தாபி த்வே  
பச்சயா ந லப்பந்தி, த்வாவீஸதி பச்சயா லப்பந்தி.

அகுஸலசித்துப்பாதேஸு பச்சயக்டனானயோ நிட்டிதோ.

### சித்துப்பாதேஸு பச்சயக்டனானயோ

ஏகனவுதி ஸோபுணசித்தானி நாம, சதுவீஸதி காம ஸோபுணசித்தானி  
பன்னரஸ ரூபசித்தானி த்வாதஸ அரூபசித்தானி சத்தாலீஸ  
லோகுத்தரசித்தானி. தத்த சதுவீஸதி காமஸோபுண சித்தானி நாம அட்ட  
காமகுஸலசித்தானி அட்ட காமஸோபுணவிபாக சித்தானி அட்ட  
காமஸோபுணகிரியசித்தானி.

பஞ்ச வீஸதி கல்யாணசேதஸிகானி நாம, அலோபோ அதோஸோ  
அமோஹோசேதி தீணி கல்யாணமுலிகானி ச ஸத்தா ச ஸதி ச ஹிரீ ச  
ஒத்தப்பஞ்ச தத்ரமஜ்ஜத்ததா ச காயபஸ்ஸத்தி ச சித்த பஸ்ஸத்தி ச  
காயலஹுதா ச சித்தலஹுதா ச காயமுதுதா ச சித்த முதுதா ச  
காயகம்மஞ்ஞதா ச சித்த கம்மஞ்ஞதா ச காயபாகுஞ்ஞதா ச சித்தபாகுஞ்ஞதா  
ச காயுஜுகதா ச சித்துஜுகதா ச ஸம்மாவாசா ஸம்மாகம்மந்தோ  
ஸம்மாஆஜீவோதி திஸ்ஸோ விரதியோ ச கருணா முதிதாதி த்வே  
அப்பமஞ்ஞாயோ ச.

தத்த தீணி கல்யாணமூலானி ஹேதுபச்சயோ, அமோஹோ பன  
அதிபதிபச்சயே விமங்ஸாதிபதினாம, இந்த்ரியபச்சயே பஞ்ஞிந்த்ரியங் நாம,  
மக்க்ப்பச்சயே ஸம்மாதிட்டி நாம. ஸத்தா இந்த்ரியபச்சயே  
ஸத்திந்த்ரியங் நாம. ஸதி இந்த்ரியபச்சயே ஸதிந்த்ரியங் நாம,  
மக்க்ப்பச்சயே ஸம்மாஸதி நாம. திஸ்ஸோ விரதியோ மக்க்ப்பச்சயோ, ஸேஸா  
ஸத்தரஸ தம்மா விஸேஸபச்சயா ந ஹொந்தி.

அட்டஸு காமகுஸலசித்தேஸு அட்டதிங்ஸ சேதஸிகானி ஸங்க்யஹந்தி,  
ஸத்த ஸப்பசித்திகானி ச பகிண்ணகானி பஞ்சவீஸதி கல்யாணானி. தேஸு ச  
பீதி சதுாஸு ஸோமனஸ்ஸிகேஸு ஏவ, அமோஹோ சதுாஸு  
ஞாணஸம்பயுத்தேஸு ஏவ, திஸ்ஸோ விரதியோ ஸிக்காபதஸீலபூரண காலே  
ஏவ, த்வே அப்பமஞ்ஞாயோ ஸத்தேஸு காருஞ்ஞமோதனாகாரேஸு ஏவாதி.  
இமேஸுபி அட்டஸு சித்தேஸு த்வே வா தீணி வா கல்யாணமூலானி  
ஹேதுபச்சயோ, சந்தோ ச சித்தஞ்ச விரியஞ்ச விமங்ஸாசாதி சதுாஸு  
அதிபதிஜாதிகேஸு ஏகமேகோவ கதாசி அதிபதிபச்சயோ. சேதனா



கம்மபச்சயோ. தயோ ஆஹாரா ஆஹாரபச்சயோ. சித்தஞ்ச வேதனா ச ஏகக்<sup>3</sup>தா ச ஜீவிதஞ்ச ஸத்<sup>3</sup>தா<sup>4</sup> ச ஸதி ச வீரியஞ்ச பஞ்ஞாசாதி அட்ட<sup>2</sup> இந்த்<sup>3</sup>ரியானி இந்த்<sup>3</sup>ரியபச்சயோ. விதக்கோ ச விசாரோ ச பீதி ச வேதனா ச ஏகக்<sup>3</sup>தாசாதி பஞ்சஜா<sup>2</sup>னங்கா<sup>3</sup>னி ஜா<sup>2</sup>னபச்சயோ. பஞ்ஞா ச விதக்கோ ச திஸ்ஸோ விரதியோ ச ஸதி ச வீரியஞ்ச ஏகக்<sup>3</sup>தாசாதி அட்ட<sup>2</sup> மக்<sup>3</sup>ங்கா<sup>3</sup>னி மக்<sup>3</sup>பச்சயோ. இமேஸுபி அட்ட<sup>2</sup>ஸு சித்தேஸு பச்சா<sup>2</sup>ஜாதோ ச விபாகோசாதி த்வே பச்சயா ந லப்<sup>3</sup>ப<sup>4</sup>ந்தி, ஸேஸா த்வாவீஸதிபச்சயா லப்<sup>3</sup>ப<sup>4</sup>ந்தி.

அட்ட<sup>2</sup>ஸு காமஸோப<sup>4</sup>ணகிரியசித்தேஸு திஸ்ஸோ விரதியோ ந லப்<sup>3</sup>ப<sup>4</sup>ந்தி, குஸலேஸு விய த்வே பச்சயா ந லப்<sup>3</sup>ப<sup>4</sup>ந்தி, த்வாவீஸதி பச்சயா லப்<sup>3</sup>ப<sup>4</sup>ந்தி.

அட்ட<sup>2</sup>ஸு காமஸோப<sup>4</sup>ணவிபாகேஸு திஸ்ஸோ விரதியோ ச த்வே அப்பமஞ்ஞாயோ ச ந லப்<sup>3</sup>ப<sup>4</sup>ந்தி. அதி<sup>4</sup>பதிபச்சயோ ச பச்சா<sup>2</sup>ஜாதோ ச ஆஸேவனஞ்சாதி தயோ பச்சயா ந லப்<sup>3</sup>ப<sup>4</sup>ந்தி, ஏகவீஸதி பச்சயா லப்<sup>3</sup>ப<sup>4</sup>ந்தி.

உபரி ரூபாரூபலோகுத்தரசித்தேஸுபி த்வாவீஸதிபச்சயதோ அதிரேகங் நத்தி<sup>2</sup>. தஸ்மா சதுஸு ஞாணஸம்பயுத்தகாமகுஸல சித்தேஸு விய இமேஸு பச்சயக<sup>4</sup>டனா வேதி<sup>3</sup>தப்<sup>3</sup>பா<sup>3</sup>.

ஏவங் ஸந்தே கஸ்மா தானி சித்தானி காமசித்ததோ மஹந்த தரானி ச பணீததரானி ச ஹொந்தீதி. ஆஸேவனமஹந்தத்தா. தானி ஹி சித்தானி பா<sup>4</sup>வனாகம்மவிஸேஸேஹி ஸித்<sup>3</sup>தா<sup>4</sup>னி ஹொந்தி, தஸ்மா தேஸு ஆஸேவனபச்சயோ மஹந்தோ ஹொதி. ஆஸேவன மஹந்தத்தா ச இந்த்<sup>3</sup>ரியபச்சயோபி ஜா<sup>2</sup>னபச்சயோபி மக்<sup>3</sup>பச்சயோபி அஞ்ஞேபி வா தேஸங் பச்சயா மஹந்தா ஹொந்தி. பச்சயானங் உபரூபரி மஹந்தத்தா தானி சித்தானி உபரூபரி ச காமசித்ததோ மஹந்ததரானி ச பணீததரானி ச ஹொந்தீதி.

சித்துப்பாதே<sup>3</sup>ஸு பச்சயக<sup>4</sup>டனானயோ நிட்டி<sup>2</sup>தோ.

### ரூபகலாபேஸு பச்சயக<sup>4</sup>டனானயோ

ரூபகலாபேஸு பச்சயக<sup>4</sup>டனானயோ வுச்சதே. அட்ட<sup>2</sup>வீஸதி ரூபானி நாம, சத்தாரி மஹாபூ<sup>4</sup>தானி பத<sup>2</sup>வீ ஆபோ தேஜோ வாயோ. பஞ்ச பஸாத்<sup>3</sup>ரூபானி சக்<sup>2</sup> ஸோதங் கா<sup>4</sup>னங் ஜித்ஹ காயோ. பஞ்ச கோ<sup>3</sup>சரரூபானி ரூபங் ஸத்<sup>3</sup>தோ<sup>3</sup> க்<sup>3</sup>ந்தோ<sup>4</sup> ரஸோ பொ<sup>2</sup>ட்ட<sup>2</sup>ப்<sup>3</sup>பங். தத்த<sup>2</sup> பொ<sup>2</sup>ட்ட<sup>2</sup>ப்<sup>3</sup>பங் திவித<sup>4</sup>ங் பத<sup>2</sup>வீபொ<sup>2</sup>ட்ட<sup>2</sup>ப்<sup>3</sup>பங் தேஜோபொ<sup>2</sup>ட்ட<sup>2</sup>ப்<sup>3</sup>பங் வாயோபொ<sup>2</sup>ட்ட<sup>2</sup>ப்<sup>3</sup>பங். த்வே பா<sup>4</sup>வரூபானி இத்தி<sup>2</sup>பா<sup>4</sup>வரூபங் பும்பா<sup>4</sup>வரூபங். ஏகங் ஜீவிதரூபங், ஏகங் ஹத<sup>3</sup>யரூபங். ஏகங் ஆஹாரரூபங். ஏகங் ஆகாஸதா<sup>4</sup>துரூபங். த்வே விஞ்ஞத்திரூபானி காயவிஞ்ஞத்திரூபங் வசீவிஞ்ஞத்திரூபங். தீணி

விகாரருபானி லஹுதா முது<sup>3</sup>தா கம்மஞ்ஞதா. சத்தாரி லக்க<sup>2</sup>ணருபானி உபசயோ ஸந்ததி ஜரதா அனிச்சதா.

தத்த<sup>2</sup> ச<sup>2</sup> ரூபத<sup>4</sup>ம்மா ரூபத<sup>4</sup>ம்மானங் பச்சயா ஹொந்தி சத்தாரி மஹாபூ<sup>4</sup>தானி ச ஜீவிதருபஞ்ச ஆஹாரருபஞ்ச. தத்த<sup>2</sup> சத்தாரி மஹா பூ<sup>4</sup>தானி அஞ்ஞமஞ்ஞஸு பஞ்சஹி பச்சயேஹி பச்சயா ஹொந்தி ஸஹஜாதேன ச அஞ்ஞமஞ்ஞேன ச நிஸ்ஸயேன ச அத்தி<sup>2</sup>யா ச அவிக<sup>3</sup>தேனச. ஸஹஜாதானங் உபாதா<sup>3</sup>ருபானங் அஞ்ஞமஞ்ஞவஜ்ஜிதேஹி சதூஹி பச்சயேஹி பச்சயா ஹொந்தி. ஜீவிதருபங் ஸஹஜாதானங் கம்மஜருபானங் இந்த<sup>3</sup>ரியபச்சயேன பச்சயோ. ஆஹாரருபங் ஸஹஜாதானஞ்ச அஸஹஜாதானஞ்ச ஸப்<sup>3</sup>பே<sup>3</sup>ஸங் அஜ்ஜத்தருபத<sup>4</sup>ம்மானங் ஆஹாரபச்சயேன பச்சயோ.

தத்தே<sup>2</sup>வ தேரஸ ரூபத<sup>4</sup>ம்மா நாமத<sup>4</sup>ம்மானங் விலேஸஸபச்சயா ஹொந்தி, பஞ்சபஸாத<sup>3</sup>ருபானி ச ஸத்த கோ<sup>3</sup>சரருபானி ச ஹத<sup>3</sup>யவத்து<sup>2</sup>ருபஞ்ச. தத்த<sup>2</sup> பஞ்ச பஸாத<sup>3</sup>ருபானி பஞ்சன்னங் விஞ்ஞாணதா<sup>4</sup>தூனங் மாதரோ விய புத்தகானங் வத்து<sup>2</sup>புரேஜாதேன ச வத்து<sup>2</sup>புரேஜாதிந்த<sup>3</sup>ரியேன ச வத்து<sup>2</sup> புரேஜாதவிப்பயுத்தேன ச பச்சயா ஹொந்தி. ஸத்த கோ<sup>3</sup>சரருபானி பஞ்சன்னங் விஞ்ஞாணதா<sup>4</sup>தூனங் திஸ்ஸன்னங் மனோதா<sup>4</sup>தூனஞ்ச பிதரோ விய புத்தகானங் ஆரம்மணபுரேஜாதேன பச்சயா ஹொந்தி. ஹத<sup>3</sup>யவத்து<sup>2</sup>ருபங் த்<sup>3</sup>வின்னங் மனோதா<sup>4</sup>து மனோவிஞ்ஞாணதா<sup>4</sup>தூனங் ருக்கோ<sup>2</sup> விய ருக்க<sup>2</sup>தே<sup>3</sup>வதானங் யதா<sup>2</sup>ரஹங் படிஸந்தி<sup>4</sup>க்க<sup>2</sup>ணே ஸஹஜாதனிஸ்ஸயேன பவத்திகாலே வத்து<sup>2</sup>புரேஜாதேன ச வத்து<sup>2</sup>புரேஜாதவிப்பயுத்தேன ச பச்சயோ ஹொதி.

தேவீஸதி ரூபகலாபா. தத்த<sup>2</sup> ஏகாய ரஜ்ஜயா ப<sup>3</sup>ந்தி<sup>4</sup>தானங் கேஸானங் கேஸகலாபோ விய திணானங் திணகலாபோ விய ஏகேன ஜாதிருபேன ப<sup>3</sup>ந்தி<sup>4</sup>தானங் ரூபத<sup>4</sup>ம்மானங் கலாபோ பரிபிண்டி<sup>3</sup>ருப கலாபோ நாம.

தத்த<sup>2</sup> சத்தாரி மஹாபூ<sup>4</sup>தானி வண்ணோ க<sup>3</sup>ந்தோ<sup>4</sup> ரஸோ ஓஜாதி இமே அட்ட<sup>2</sup> த<sup>4</sup>ம்மா ஏகோ ஸப்<sup>3</sup>புமூலகலாபோ நாம, ஸப்<sup>3</sup>புமூலட்ட<sup>2</sup>கந்தி ச வச்சதி.

நவ கம்மஜருபகலாபா, - ஜீவிதனவகங் வத்து<sup>2</sup>த<sup>3</sup>ஸகங் காய த<sup>3</sup>ஸகங் இத்தி<sup>2</sup>பா<sup>4</sup>வத<sup>3</sup>ஸகங் பும்பா<sup>4</sup>வத<sup>3</sup>ஸகங் சக்கு<sup>2</sup>த<sup>3</sup>ஸகங் ஸோதத<sup>3</sup>ஸகங் கா<sup>4</sup>னத<sup>3</sup>ஸகங் ஜித்ஹத<sup>3</sup>ஸகங். தத்த<sup>2</sup> ஸப்<sup>3</sup>புமூலட்ட<sup>2</sup>கமேவஜீவிதருபேன ஸஹ ஜீவிதனவகங் நாம. ஏததே<sup>3</sup>வ கம்மஜகலாபேஸு மூலனவகங் ஹொதி. மூலனவகமேவ யதா<sup>2</sup>க்கமங் ஹத<sup>3</sup>யவத்து<sup>2</sup>ருபாதீ<sup>3</sup>ஹி அட்ட<sup>2</sup>ருபேஹி ஸஹ வத்து<sup>2</sup>த<sup>3</sup>ஸகாதீ<sup>3</sup>னி அட்ட<sup>2</sup>த<sup>3</sup>ஸகானி ப<sup>4</sup>வதி. தத்த<sup>2</sup> ஜீவிதனவகஞ்ச காயத<sup>3</sup>ஸகஞ்ச பா<sup>4</sup>வத<sup>3</sup>ஸகானிசாதி சத்தாரோ கலாபா ஸகல காயே

பவத்தந்தி. தத்த<sup>2</sup> ஜீவிதனவகந்தி பாசகக்<sup>3</sup>கி<sup>3</sup> ச காயக்<sup>3</sup>கி<sup>3</sup> ச வுச்சதி. பாசகக்<sup>3</sup>கி<sup>3</sup> நாம பாசகதேஜோ கொட்டா<sup>2</sup>ஸோ, ஸோ ஆமாஸயே பவத்தித்வா அஸிதபீதகா<sup>2</sup>யிதஸாயிதானி பரிபாசேதி. காயக்<sup>3</sup>கி<sup>3</sup> நாம ஸகலகாயப்<sup>3</sup>யாபகோ உஸ்மாதேஜோ கொட்டா<sup>2</sup>ஸோ, ஸோ ஸகல காயே பவத்தித்வா பித்தஸெம்ஹலோஹிதானி அபூதீனி விப்பஸன்னானி கரோதி. தேஸங் த்<sup>3</sup>வின்னங் விஸமவுத்தியா ஸதி ஸத்தா ப<sup>3</sup>ஹ்வாபா<sup>3</sup>தா<sup>4</sup> ஹொந்தி, ஸமவுத்தியா ஸதி அப்பாபா<sup>3</sup>தா<sup>4</sup>. தது<sup>3</sup>ப<sup>4</sup>யங் ஜீவிதனவகங் ஸத்தானங் ஆயங் ஸம்பாதே<sup>3</sup>தி. வண்ணங் ஸம்பாதே<sup>3</sup>தி. காயத<sup>3</sup>ஸகங் ஸகலகாயே ஸுக<sup>2</sup>ஸம்ப<sup>2</sup>ஸ்ஸ து<sup>3</sup>க்க<sup>2</sup>ஸம்ப<sup>2</sup>ஸ்ஸானி ஸம்பாதே<sup>3</sup>தி. பா<sup>4</sup>வ த<sup>3</sup>ஸகானி இத்தீ<sup>2</sup>னங் ஸப்<sup>3</sup>பே<sup>3</sup> இத்தா<sup>2</sup>காரே ஸம்பாதே<sup>3</sup>தி. புரிஸானங் ஸப்<sup>3</sup>பே<sup>3</sup> புரிஸாகாரே ஸம்பாதே<sup>3</sup>ஹி. ஸேஸானி வத்து<sup>2</sup>த<sup>3</sup>ஸகாதீ<sup>3</sup>னி பஞ்சத<sup>3</sup>ஸகானி பதே<sup>3</sup>ஸத<sup>3</sup>ஸகானி நாம. தத்த<sup>2</sup> வத்து<sup>2</sup>த<sup>3</sup>ஸகங் ஹத<sup>3</sup>யகோஸப்<sup>3</sup>ப<sup>4</sup>ந்தரே பவத்தித்வா ஸத்தானங் நானாபகாரானி ஸுசிந்திதது<sup>3</sup>சிந்திதானி ஸம்பாதே<sup>3</sup>தி. சக்கு<sup>2</sup>த<sup>3</sup>ஸகாதீ<sup>3</sup>னி சத்தாரி த<sup>3</sup>ஸகானி சக்கு<sup>2</sup>கு<sup>3</sup>ள கண்ணபி<sup>3</sup>ல நாஸபி<sup>3</sup>ல ஜித்ஹதலேஸு பவத்தித்வா த<sup>3</sup>ஸ்ஸன ஸவன கா<sup>4</sup>யன ஸாயனானி ஸம்பாதே<sup>3</sup>தி.

அட்ட<sup>2</sup> சித்தஜருபகலாபா, ஸப்<sup>3</sup>ப<sup>3</sup>மூலட்ட<sup>2</sup>கங் ஸத்<sup>3</sup>த<sup>3</sup>னவகங் காய விஞ்ஞத்தினவகங் ஸத்<sup>3</sup>த<sup>3</sup>வசீவிஞ்ஞத்தித<sup>3</sup>ஸகந்தி சத்தாரோ மூலகலாபா ச தேயேவ லஹுதா முது<sup>3</sup>தா கம்மஞ்ஞதாஸங்கா<sup>2</sup>தேஹி தீஹி விகார ரூபேஹி ஸஹ சத்தாரோ ஸவிகாரகலாபா ச.

தத்த<sup>2</sup> ஸரீரதா<sup>4</sup>தூனங் விஸமப்பவத்திகாலே கி<sup>3</sup>லானஸ்ஸ மூல கலாபானி ஏவ பவத்தந்தி. ததா<sup>3</sup> ஹி தஸ்ஸ ஸரீரருபானி க<sup>3</sup>ருனி வா த<sup>2</sup>த்<sup>3</sup>தா<sup>4</sup>னி வா அகம்மஞ்ஞானி வா ஹொந்தி, யதா<sup>2</sup>ருசி இரியபத<sup>2</sup>ங்பி பவத்தேதுங் அங்க<sup>3</sup> பச்சங்கா<sup>3</sup>னிபி சாலேதுங் வசனங்பி கதே<sup>2</sup>துங் து<sup>3</sup>க்கோ<sup>2</sup> ஹொதி. ஸரீரதா<sup>4</sup>தூனங் ஸமப்பவத்திகாலே பன அகி<sup>3</sup>லானஸ்ஸ க<sup>3</sup>ருத<sup>2</sup>த்<sup>3</sup>தா<sup>4</sup>தீ<sup>3</sup>னங் ஸரீரதோ<sup>3</sup>ஸானங் அபா<sup>4</sup>வதோ ஸவிகாரா பவத்தந்தி. தேஸு ச சித்தங்க<sup>3</sup>வஸேன காயங்க<sup>3</sup> சலனே த்<sup>3</sup>வே காயவிஞ்ஞத்திகலாபா பவத்தந்தி. சித்தவஸேனேவ முக<sup>2</sup>தோ வசனஸத்<sup>3</sup>த<sup>3</sup>ப்பவத்திகாலே த்<sup>3</sup>வே வசீவிஞ்ஞத்திகலாபா, சித்தவஸேனேவ அக்க<sup>2</sup>ரவண்ணரஹிதானங் ஹஸனரோத<sup>3</sup>னாதீ<sup>3</sup>னங் அவசனஸத்<sup>3</sup>தா<sup>3</sup>னங் முக<sup>2</sup>தோ பவத்திகாலே த்<sup>3</sup>வே ஸத்<sup>3</sup>த<sup>3</sup>கலாபா, ஸேஸகாலேஸு த்<sup>3</sup>வே ஆதி<sup>3</sup> கலாபா பவத்தந்தி.

சத்தாரோ உதுஜருபகலாபா, ஸப்<sup>3</sup>ப<sup>3</sup>மூலட்ட<sup>2</sup>கங் ஸத்<sup>3</sup>த<sup>3</sup>னவகந்தி த்<sup>3</sup>வே மூலகலாபா ச த்<sup>3</sup>வே ஸவிகாரகலாபா ச. தத்த<sup>2</sup> அயங் காயோ யாவஜீவங் இரியபத<sup>2</sup>ஸோதங் அனுக்<sup>3</sup>ச்ச<sup>2</sup>ந்தோ யாபேதி, தஸ்மா இரியபத<sup>2</sup>னானத்தங் படிச்ச இமஸ்மிங் காயே க<sup>2</sup>ணே க<sup>2</sup>ணே தா<sup>4</sup>தூனங் ஸமப்பவத்திவிஸமப்பவத்தியோ பஞ்ஞாயந்தி. ததா<sup>2</sup> உதுனானத்தங் படிச்ச

ஆஹாரனானத்தங் படிச்ச வாதாதபஸப்ப்ஸ்ஸனானத்தங் படிச்ச காயங்க<sup>3</sup>  
பரிஹாரனானத்தங் படிச்ச அத்துபக்கமபருபக்கமனானத்தங் படிச்ச. தத்த<sup>2</sup>  
விஸமப்பவத்திகாலே த்<sup>3</sup>வே மூலகலாபா ஏவ பவத்தந்தி, ஸமப்பவத்திகாலே  
த்<sup>3</sup>வே ஸவிகாரா. தேஸு ச த்<sup>3</sup>வே ஸத்த<sup>3</sup>த<sup>3</sup>கலாபா சித்தஜஸத்த<sup>3</sup>தோ  
பரம்பரஸத்த<sup>3</sup>தே<sup>3</sup>ஸு ச அஞ்ஞேஸு லோகே நானப்பகாரஸத்த<sup>3</sup>தே<sup>3</sup>ஸு ச  
பவத்தந்தி.

த்<sup>3</sup>வே ஆஹாரஜருபகலாபா, - ஸப்<sup>3</sup>ப<sup>3</sup>மூலட்ட<sup>2</sup>கங் ஸவிகாரந்தி. இமே த்<sup>3</sup>வே  
கலாபா ஸப்பாயேன வா அஸப்பாயேன வா ஆஹாரேன ஜாதானங்  
ஸமருபவிஸமருபானங் வஸேன வேதி<sup>3</sup>தப்<sup>3</sup>பா<sup>3</sup>.

ஆகாஸதா<sup>4</sup>து ச லக்க<sup>2</sup>ணருபானிசாதி பஞ்சருபானி கலாப முத்தானி  
ஹொந்தி. தேஸு ஆகாஸதா<sup>4</sup>து கலாபானங் அந்தரா பரிச்சே<sup>2</sup>த<sup>3</sup> மத்தத்தா  
கலாபமுத்தா ஹொதி. லக்க<sup>2</sup>ணருபானி ஸங்க<sup>2</sup>தபூ<sup>4</sup>தானங் ரூப கலாபானங்  
ஸங்க<sup>2</sup>தபா<sup>4</sup>வஜானந்ததா<sup>2</sup>ய லக்க<sup>2</sup>ணமத்தத்தா கலாப முத்தானி.

இமே தேவீஸதி கலாபா அஜ்ஜ<sup>2</sup>த்தஸந்தானே லப்<sup>3</sup>ப<sup>4</sup>ந்தி. ப<sup>3</sup>ஹித்<sup>3</sup>தா<sup>4</sup>  
ஸந்தானே பன த்<sup>3</sup>வே உதுஜமூலகலாபா ஏவ லப்<sup>3</sup>ப<sup>4</sup>ந்தி. தத்த<sup>2</sup> த்<sup>3</sup>வே ரூப  
ஸந்தானானி அஜ்ஜ<sup>2</sup>த்தஸந்தானஞ்ச ப<sup>3</sup>ஹித்<sup>3</sup>தா<sup>4</sup>ஸந்தானஞ்ச. தத்த<sup>2</sup>  
அஜ்ஜ<sup>2</sup>த்தஸந்தானங் நாம ஸத்தஸந்தானங் வச்சதி. ப<sup>3</sup>ஹித்<sup>3</sup>தா<sup>4</sup>ஸந்தானங்  
நாம பத<sup>2</sup>வீப்ப<sup>3</sup>தனதீ<sup>3</sup>ஸமுத்<sup>3</sup>த<sup>3</sup> ருக்க<sup>2</sup>திணாதீ<sup>3</sup>னி வச்சதி. தத்த<sup>2</sup>  
அஜ்ஜ<sup>2</sup>த்தஸந்தானே அட்ட<sup>2</sup>வீஸதி ரூபானி தேவீஸதி ரூபகலாபானி லப்<sup>3</sup>ப<sup>4</sup>ந்தி.

தத்த<sup>2</sup> படிஸந்தி<sup>4</sup>னாமத<sup>4</sup>ம்மா படிஸந்தி<sup>4</sup>க்க<sup>2</sup>ணே கம்மஜருபகலாபானங்  
ச<sup>2</sup>தா<sup>4</sup> பச்சயா ஹொந்தி சதூஹி மஹாஸஹஜாதேஹி ச விபாகேன ச  
விப்பயுத்தேன ச. ஹத<sup>3</sup>யவத்து<sup>2</sup>ரூபஸ்ஸ பன அஞ்ஞமஞ்ஞேன ஸஹ  
ஸத்ததா<sup>4</sup> பச்சயா ஹொந்தி. தெஸ்வேவ நாமத<sup>4</sup>ம்மேஸு ஹேதுத<sup>4</sup>ம்மா  
ஹேதுபா<sup>4</sup>வேன, சேதனா கம்மபா<sup>4</sup>வேன, ஆஹாரத<sup>4</sup>ம்மா  
ஆஹாரபா<sup>4</sup>வேன, இந்த்<sup>3</sup>ரிய த<sup>4</sup>ம்மா இந்த்<sup>3</sup>ரியபா<sup>4</sup>வேன, ஜா<sup>2</sup>னத<sup>4</sup>ம்மா  
ஜா<sup>2</sup>ன பா<sup>4</sup>வேன, மக்<sup>3</sup>க<sup>3</sup>த<sup>4</sup>ம்மா மக்<sup>3</sup>க<sup>3</sup> பா<sup>4</sup>வேனாதி யதா<sup>2</sup>ரஹங் ச<sup>2</sup>தா<sup>4</sup>  
பச்சயா ஹொந்தி. அதீதானி பன குஸலாகுஸலகம்மானி ஏகதா<sup>4</sup>வ பச்சயா  
ஹொந்தி கம்மபச்சயேன, பட<sup>2</sup>மப<sup>4</sup>வங்கா<sup>3</sup>தி<sup>3</sup>கா பச்சா<sup>2</sup>ஜாதா  
பவத்தனாமத<sup>4</sup>ம்மா புரேஜாதானங் கம்மஜருப கலாபானங் ஏகதா<sup>4</sup> பச்சயா  
ஹொந்தி பச்சா<sup>2</sup>ஜாதேன. எத்த<sup>2</sup> ச பச்சா<sup>2</sup>ஜாத வசனேன சத்தாரோ  
பச்சா<sup>2</sup>ஜாதஜாதிகா பச்சயா க<sup>3</sup>ஹிதா ஹொந்தி. அதீதானி ச கம்மானி ஏகதா<sup>4</sup>வ  
பச்சயா ஹொந்தி. ஏவங் நாமத<sup>4</sup>ம்மா கம்மஜருபகலாபானங் யதா<sup>2</sup>ரஹங்  
சுத்<sup>3</sup>த<sup>3</sup>ஸஹி பச்சயேஹி பச்சயா ஹொந்தி. இத<sup>4</sup> த<sup>3</sup>ஸபச்சயா ந லப்<sup>3</sup>ப<sup>4</sup>ந்தி  
ஆரம்மணஞ்ச அதி<sup>4</sup>பதி ச அனந்தரஞ்ச ஸமனந்தரஞ்ச உபனிஸ்ஸயோ ச  
புரேஜாதோ ச ஆஸேவனஞ்ச ஸம்பயுத்தோ ச நத்தி<sup>2</sup> ச விக<sup>3</sup>தோ ச.

பவத்திகாலே ரூபஜனகா நாமத<sup>4</sup>ம்மா அத்தனா ஸஹஜாதானங்  
 சித்தஜரூபகலாபானங் பஞ்சதா<sup>4</sup> பச்சயா ஹொந்தி சதூஹி மஹாஸஹ  
 ஜாதேஹி ச விப்பயுத்தேன ச. தெஸ்வேவ நாமத<sup>4</sup>ம்மேஸு ஹேதுத<sup>4</sup>ம்மா  
 ஹேதுபா<sup>4</sup>வேன, அதி<sup>4</sup>பதித<sup>4</sup>ம்மா அதி<sup>4</sup>பதிபா<sup>4</sup>வேன, சேதனா  
 கம்மபா<sup>4</sup>வேன, விபாகத<sup>4</sup>ம்மா விபாகபா<sup>4</sup>வேன, ஆஹாரத<sup>4</sup>ம்மா ஆஹார  
 பா<sup>4</sup>வேன, இந்த<sup>3</sup>ரியத<sup>4</sup>ம்மா இந்த<sup>3</sup>ரியபா<sup>4</sup>வேன, ஜா<sup>2</sup>னத<sup>4</sup>ம்மா  
 ஜா<sup>2</sup>னபா<sup>4</sup>வேன, மக்<sup>3</sup>க<sup>3</sup>த<sup>4</sup>ம்மா மக்<sup>3</sup>க<sup>3</sup>பா<sup>4</sup>வேனாதி யதா<sup>2</sup>ரஹங் அட்ட<sup>2</sup>தா<sup>4</sup>  
 பச்சயா ஹொந்தி. பச்சா<sup>2</sup>ஜாதா ஸப்<sup>3</sup>பே<sup>3</sup> நாமத<sup>4</sup>ம்மா புரேஜாதானங்  
 சித்தஜரூபகலாபானங் ஏகதா<sup>4</sup> பச்சயா ஹொந்தி பச்சா<sup>2</sup>ஜாதேன. ஏவங்  
 நாமத<sup>4</sup>ம்மா சித்தஜரூப கலாபானங் யதா<sup>2</sup>ரஹங் சுத்<sup>3</sup>த<sup>3</sup>ஸஹி பச்சயேஹி  
 பச்சயா ஹொந்தி. இத<sup>4</sup>பி த<sup>3</sup>ஸ பச்சயா ந லப்<sup>3</sup>ப<sup>4</sup>ந்தி ஆரம்மணஞ்ச  
 அனந்தரஞ்ச ஸமனந்தரஞ்ச அஞ்ஞமஞ்ஞஞ்ச உபனிஸ்ஸயோ ச புரேஜாதோ ச  
 ஆஸேவனஞ்ச ஸம்பயுத்தோ ச நத்தி<sup>2</sup> ச விக<sup>3</sup>தோ ச.

படிஸந்தி<sup>4</sup>சித்தஸ்ஸ டி<sup>2</sup>திகாலதோ பட்டா<sup>2</sup>ய பவத்திகாலே ஸப்<sup>3</sup>பே<sup>3</sup>பி  
 நாமத<sup>4</sup>ம்மா ஸப்<sup>3</sup>பே<sup>3</sup>ஸங் உதுஜரூபகலாபானஞ்ச ஆஹாரஜரூப கலாபானஞ்ச  
 ஏகதா<sup>4</sup> பச்சயா ஹொந்தி பச்சா<sup>2</sup>ஜாதவஸேன. எத்த<sup>2</sup>பி பச்சா<sup>2</sup>ஜாதவசனேன  
 சத்தாரோ பச்சா<sup>2</sup>ஜாதஜாதிகா க<sup>3</sup>ஹிதா ஹொந்தி, ஸேஸா வீஸேதி பச்சயா ந  
 லப்<sup>3</sup>ப<sup>4</sup>ந்தி.

ஸப்<sup>3</sup>பே<sup>3</sup>ஸு பன தேவீஸேதியா ரூபகலாபேஸுசத்தாரோமஹா பூ<sup>4</sup>தா  
 அஞ்ஞமஞ்ஞஸ்ஸ பஞ்சதா<sup>4</sup> பச்சயா ஹொந்தி சதூஹி மஹாஸஹ ஜாதேஹி  
 ச அஞ்ஞமஞ்ஞேன ச, ஸஹஜாதானங் உபாதா<sup>3</sup>ரூபானங் சதுதா<sup>4</sup> பச்சயா  
 ஹொந்தி சதூஹி மஹாஸஹஜாதேஹி . ஆஹாரரூபங் ஸஹஜாதானஞ்ச  
 அஸஹஜாதானஞ்ச ஸப்<sup>3</sup>பே<sup>3</sup>ஸங் அஜ்ஜ<sup>2</sup>த்தரூபகலாபானங் ஆஹார பச்சயேன  
 பச்சயோ ஹோதி. நவஸு கம்மஜரூபகலாபேஸு ஜீவிதரூபங்  
 ஸஹஜாதானமேவ ரூபானங் இந்த<sup>3</sup>ரியபச்சயேன பச்சயோ ஹோதி. ஏவங்  
 அஜ்ஜ<sup>2</sup>த்தரூபத<sup>4</sup>ம்மா அஜ்ஜ<sup>2</sup>த்தரூபத<sup>4</sup>ம்மானங் ஸத்ததா<sup>4</sup> பச்சயா ஹொந்தி.  
 ப<sup>3</sup>ஹித்தா<sup>4</sup> ரூபத<sup>4</sup>ம்மா பன ப<sup>3</sup>ஹித்தா<sup>4</sup>பூ<sup>4</sup>தானங் த<sup>3</sup>வின்னங்  
 உதுஜரூபகலாபானங் பஞ்சதா<sup>4</sup> பச்சயா ஹொந்தி.

ரூபகலாபேஸு பச்சயக<sup>4</sup>டனானயோ நிட்டி<sup>2</sup>தோ.

எத்த<sup>2</sup> ச பட்டா<sup>2</sup>னஸத்<sup>3</sup>த<sup>3</sup>ஸ்ஸ அத்தோ<sup>2</sup> வத்தப்<sup>3</sup>போ<sup>3</sup>. பதா<sup>4</sup>னங் டா<sup>2</sup>னந்தி  
 பட்டா<sup>2</sup>னங். தத்த<sup>2</sup> பதா<sup>4</sup>னந்தி பமுக<sup>2</sup>ங், டா<sup>2</sup>னந்தி பச்சயோ, பமுக<sup>2</sup>பச்சயோ  
 முக்<sup>2</sup>யபச்சயோ ஏகந்தபச்சயோதி வுத்தங் ஹோதி. ஸோ ச ஏகந்த பச்சயோ  
 ஏகந்தபச்சயுப்பன்னங் படிச்ச வத்தப்<sup>3</sup>போ<sup>3</sup>.

து<sup>3</sup>வித<sup>4</sup>ஞ்ஹி பச்சயுப்பன்னங் முக்<sup>2</sup>யபச்சயுப்பன்னங்  
 நிஸ்ஸந்த<sup>3</sup>பச்சயுப்பன்னந்தி. தத்த<sup>2</sup> முக்<sup>2</sup>யபச்சயுப்பன்னங் நாம

மூலபச்சயுப்பன்னங், நிஸ்ஸந்த<sup>3</sup>பச்சயுப்பன்னங் நாம பரம்பர பச்சயுப்பன்னங். தத்த<sup>2</sup> மூலபச்சயுப்பன்னமேவ ஏகந்தபச்சயுப்பன்னங் நாம. தஞ்ஹி அத்தனோ பச்சயே ஸதி ஏகந்தேன உப்பஜ்ஜதியேவ, நோ நுப்பஜ்ஜதி. பரம்பரபச்சயுப்பன்னங் பன அனேகந்தபச்சயுப்பன்னங்நாம, தஞ்ஹி தஸ்மிங் பச்சயே ஸதிபி உப்பஜ்ஜதி வா, ந வா உப்பஜ்ஜதி. தத்த<sup>2</sup> ஏகந்தபச்சயுப்பன்னங் படிச்ச ஸோ பச்சயோ ஏகந்தபச்சயோ நாம. ஸோ ஏவ இமஸ்மிங் மஹாபகரணே வுத்தோ. ததோ ஏவ அயங் சதுவீஸதிபச்சயக<sup>3</sup>ணோ ச இமங் மஹா பகரணஞ்ச பட்டா<sup>2</sup>னந்தி வுச்சதி.

தத்த<sup>2</sup> ஏகஸ்ஸ புரிஸஸ்ஸ த<sup>4</sup>னத<sup>4</sup>ஞ்ஞத்தா<sup>2</sup>ய லோபோ<sup>4</sup> உப்பஜ்ஜதி. ஸோ லோப<sup>4</sup>வஸேன உட்டா<sup>2</sup>ய அரஞ்ஞங் க<sup>3</sup>ந்த்வா ஏகஸ்மிங் பதே<sup>3</sup>ஸே கெ<sup>2</sup>த்தானி கரோதி, வத்தூ<sup>2</sup>னி கரோதி, உய்யானானி கரோதி. தேஸு ஸம்பஜ்ஜமானேஸு ஸோ புரிஸோ ப<sup>3</sup>ஹுனி த<sup>4</sup>னத<sup>4</sup>ஞ்ஞானி லபி<sup>4</sup>த்வா அத்தனா ச பரிபு<sup>4</sup>ஞ்ஜதி, புத்ததா<sup>3</sup>ரே ச போஸேதி, புஞ்ஞானி ச கரோதி, புஞ்ஞப<sup>2</sup>லானி ச ஆயதிங் பச்சனுப<sup>4</sup>விஸ்ஸதி. தத்த<sup>2</sup> லோப<sup>4</sup>ஸஹ ஜாதானி நாமரூபானி முக்<sup>2</sup>யபச்சயுப்பன்னானி நாம. ததோ பரங் யாவ ஆயதிங் ப<sup>4</sup>வேஸு புஞ்ஞப<sup>2</sup>லானி பச்சனுபோ<sup>4</sup>தி, தாவ உப்பன்னானி பரம்பரப<sup>2</sup>லானி தஸ்ஸ லோப<sup>4</sup>ஸ்ஸ நிஸ்ஸந்த<sup>3</sup>பச்சயுப்பன்னானி நாம. தேஸு த்<sup>3</sup>வீஸு பச்சயுப்பன்னேஸு முக்<sup>2</sup>யபச்சயுப்பன்னமேவ பட்டா<sup>2</sup>னே வுத்தங். நிஸ்ஸந்த<sup>3</sup>பச்சயுப்பன்னங் பன ஸுத்தந்தனயேன கதே<sup>2</sup>தப்<sup>3</sup>பங். தத்த<sup>2</sup> ஸுத்தந்தனயோ நாம இமஸ்மிங் ஸதி இத<sup>3</sup>ங் ஹோதி, இமஸ்ஸ உப்பாதா<sup>3</sup> இத<sup>3</sup>ங் உப்பஜ்ஜதீதி ஏவரூபோ பச்சயனயோ. அபி ச லோபோ<sup>4</sup> தோ<sup>3</sup>ஸோ மோஹோதி தயோ த<sup>4</sup>ம்மா ஸகலஸ்ஸ ஸத்தலோகஸ்ஸபி ஸங்கா<sup>2</sup>ரலோகஸ்ஸபி ஓகாஸ லோகஸ்ஸபி விபத்தியா மூலட்டே<sup>2</sup>ன ஹேது நாம. அலோபோ<sup>4</sup> அதோ<sup>3</sup>ஸோ அமோஹோதி தயோ த<sup>4</sup>ம்மா ஸம்பத்தியா மூலட்டே<sup>2</sup>ன ஹேதுனாமாதி கதே<sup>2</sup>தப்<sup>3</sup>பங். ஏஸ நயோ ஸப்<sup>3</sup>பே<sup>3</sup>ஸு பட்டா<sup>2</sup>னபச்சயேஸு யதா<sup>2</sup>ரஹங் வேதி<sup>3</sup>தப்<sup>3</sup>போ<sup>3</sup>. ஏவஞ்ச ஸதி லோகே ஸப்<sup>3</sup>பா<sup>3</sup> லோகப்பவத்தியோ இமேஸங் சதுவீஸதியா பச்சயானங் முக்<sup>2</sup>ய பச்சயுப்பன்னேன ஸத்<sup>3</sup>தி<sup>4</sup>ங் நிஸ்ஸந்த<sup>3</sup>பச்சயுப்பன்னா ஏவ ஹொந்தீதி வேதி<sup>3</sup>தப்<sup>3</sup>போ<sup>3</sup>தி.

எத்தாவதா பச்சயானங் அத்த<sup>2</sup>தீ<sup>3</sup>பனா பச்சயானங் ஸபா<sup>4</sup>க<sup>3</sup>ஸங்க<sup>3</sup>ஹோ பச்சயானங் க<sup>4</sup>டனானயோதி தீஹி கண்டே<sup>3</sup>ஹி பரிச்சி<sup>2</sup>ன்னா பட்டா<sup>2</sup>னுத்<sup>3</sup>தே<sup>3</sup>ஸ தீ<sup>3</sup>பனீ நிட்டி<sup>2</sup>தா ஹோதி.

ம்ரம்மரட்டே<sup>2</sup> மௌங்ஜ்வானக<sup>3</sup>ரே லேடீ<sup>3</sup>அரஞ்ஞவிஹாரவாஸினா மஹா தே<sup>2</sup>ரேன கதாயங் பச்சயுத்<sup>3</sup>தே<sup>3</sup>ஸதீ<sup>3</sup>பனீ.